



3 1761 05968895 2








17  
p 45






15074  
28/5/19

PQ

1811

G223



FABLES CAUSIDES  
D E  
*LA FONTAINE.*

---

LIBI PREMÉ.

---

FABLE PREMÉIRE.

*Le Cigale é l'Arroumits.*



U pignada de Caphretoun,  
Le cigale, ab le sou cansoun,  
Tout l'estiou le yén ichourbibe :  
Cependén le saye arroumits


Dous pés, de les déns é dous dits,  
Que s'amassabe de que bibe.

A



Plan sabé que tout ço qui biou  
Que minye l'iber com l'estiou.  
Atau ne resoune ibe auyole.  
Le cigale dounc fort mé hole,  
Dés qui lou téms s'ére arredit,  
Qu'es cache, que gagne ent'ou nid.  
Arrei n'y trobe à le penénte :  
Labets de courre à le balénte.  
Amigue, oubrits. — Que demandats ?  
— Quocause à minya, si bous plats.  
Quén bira le sesoun nabére,  
Hidats-bous à you, ma coumère,  
Qu'eb pagueréi, fe d'animau,  
L'interés é lou capitau.  
L'arroumits tustém estou chiche,  
P'ous auts com per ere-mediche :  
Eh, qu'abets héit l'estiou passat,  
S'ou dits à l'aute per arride ?  
— Ço qui-éi héit, besi ? qu'éi cantat.  
— Cantat ! fort plan, qu'en soun rabide :  
Que poudets dounc are dansa ;

Més qu'ets passerats de minya.  
 Le praube cigale counfuse  
 S'en tourne en case fort camuse.  
 Mantr'un fenian, mé d'un penail  
 Qu'es pot bede en deques mirail.



## F A B L E I I.

*Lou Courbas é lou Renard.*


MÉSTE courbas sus un nougué,  
 Un roumatye au béc que tiné.  
 Méste renard qui lou sentibe,  
 Que sounyabe à l'en ha quoqu'ibe.  
 Quéigne casse, disé tout chouau!  
 Aço n'es biande de casau.  
 Holà, s'ou cride, camerade!  
 Lachats-m'y da quoque dentade.  
 Daberats : qu'èi pres un lebraut;  
 Que partatyeram l'un é l'aut;  
 Qu'ous fricasseram chéns padére:

Aij

Perdi, be heram bone chère !  
Lou boun courbas de ha l'ichourt :  
Ne dise arrei qu'es lou mé court.  
Lou renard qu'es grate l'aureille,  
Cerque, bire, en trobe ibe meille.  
Compai, s'ou dits, bous éts mé bét  
É mé lusén que nat ausét  
Deques bosc ; é si lou ramatye  
Es fin é cla com lou plumatye,  
Chéns menti, qu'éts, au mei abis,  
De l'auseraille lou fenix.  
Que lou gratabe ouu lou prudibe.  
Courbas aime aco mé que bibe ;  
Qu'ou semble que minye capoun :  
É lou péç, chéns mé de faïçoun,  
Tout esbaubit dequet lengatye,  
Obre un gran béc, é de canta.  
Patatràn ! . . . . adiou lou roumatye ;  
É lou renard de l'amassa.  
Puch dab un toun de trufandise,  
Lou mei moussu, s'ous boute à dise,



Sapits, bous qui abets tà boun sens,  
Que tout flaagnac biou au despens  
D'ou qui l'escoute.  
L'abis bau plan un roumatye chéns  
doute :  
Adissiats, cercats-bou'n un aut :  
É qu'eb plante aqui lou nigaut.




F A B L E    I I I.

*Le Graouille é lou Béou.*

S E D U D E siou bord d'ibe arrouille,  
Ibe moustouse de graouille,  
Qui n'ére mé grane qu'un éou,  
Espiahe le taille d'un béou  
Qui pâché proche sus le lane.  
Embeyan de bade auta grane,  
Que s'estire, en disen : Espiats,  
Es prou, ma so ? — N'en aprochats.  
É d'es hingla. B'y soun adare ?

A iij

Disets, ma so. — Noun pas encouare.  
 — N'en auréi cependén l'affroun :  
 Prenets garde ; à le fin b'y soun ?  
 — Ni mé ni meigns. Tan s'ère hinglade,  
 Que le pét se l'ère crebade.  
 Lou mounde es plei dequere yén,  
 Qui crében à force de bén.



## F A B L E I V.

*Lous dus Mulets.*

¶ L'UN darré l'aut, com es l'usatye,  
 Dus mulets anaben en biatye.  
 Lou mé bét cargat de l'aryén  
 De le gabéle é dou péatye,  
 Auta gouapou qu'un presidén,  
 Lou cap haut, lous pés retroussabe,  
 É dous esquirouns que sounabe.  
 Per nou arrei n'aure boulut  
 Es soulatya d'un quouart d'escut.

Qu'es trufabe dou camerade,  
Qui ne pourtabe que cibade.  
Per mainatyeya lous ardots,  
D'ordinari soun probedits  
Muletés, de cibade ou d'orye.  
Com passaben hens ibe gorye,  
Quouate ou cinq lairouns escounuts  
Sauten siou mullet dous escuts.  
Tandis que lous uns l'arrestaben,  
Quoques-aits que lou despeuillaben.  
Lou mullet à cops de taloun,  
Qu'es defendé com un dragoun :  
Més le troupe ére plan armade,  
É dab dus ou tres chacs d'espade,  
Espért qu'estou pérne-batut.  
Lou praube mullet estenut,  
B'en éi prou, s'ou dits, é de réste.  
Es doune aco ço qui lou méste  
M'abé proumes ? Quéigne pitat !  
Pendén qui l'aut plan se les bire,  
Qu'em cailli pati tau martyre !



Compai, dits labets lou pelat,  
 N'aures couaillut nade fretade,  
 Si, com you, n'abés que cibade.  
 A trubés lous boulurs, chéns pou,  
 Passe en cantan lou biatyedou,  
 Quént a bourse flaque é petite;  
 Car aquere caste maudite  
 N'en bo qu'aux qui porten aryén;  
 É toutyour à mantr'ibe yén,  
 Com à tu, qu'en couste le bite.  
 Més tau letçoun ne sérb d'arrei:  
 Qui-a yamé trop ni prou de bei?



## F A B L E V.

*Lou Loup é lou Can.*

U N loup den tous lous embirouns  
 Ne troubabe agnéts ni moutouns.  
 Cans, bastouns lou dabén le casse;  
 Y'ére magre com ibe agasse.

Com drillabe ab gran apetit,  
Que rencountre un can plan naurir.  
B'en aure héit bone ripaille!  
Més lou moufflard ére de taille,  
É qu'ou pareché resolut  
A's defénde com un pergut.  
Atau dounc humblemen s'abance,  
É qu'ou dits: B'ats bére le panse!  
Qui le pleye? ouin ne trou bats tan?  
Lou mé bét porc de la Hountan  
N'es tà gras, n'a tà bone mine.  
— Ma foi, compai, bone cousine  
Rén le yén lifre é reboundit.  
Aprés qui lou méste es serbit,  
Béts quignouns de pan ab poutatye,  
Os de poulets, os de piyouns,  
Toute espéci de rouquillouns;  
Tau qu'es cértés lou nos partatye.  
Eh, que cau ha, dits lou garrhus?  
— Yuste arrei: acassa lous gus,  
Flata lous de case é lou méste:

Aprés aco qu'ens dan pou mus  
Bitaille prou. Lou loup detéste  
Le sou bite de bagaboun.  
You n'ei, s'ou dits, arrei de boun :  
Tout à le punte de l'espade ;  
É si gahi quoque moutoun ,  
Quoque crabe à mitat pelade ,  
Qu'em hén passa per un lairoun.  
You t'abandouni , triste bite ;  
Loup n'es héit per bibe en hermite.  
Plan countén seréi d'arc-en-là.  
É lous dus coumpagnouns d'ana ,  
Com un pa de frais en bisite.  
A cinq ou chis pas en aban ,  
Lou loup que bet au cot dou can  
Com un esquis , ibe pelade.  
Qu'ats aqui , s'ou dits , camerade ?  
Arrei, dits l'aut. — Més tout de boun ?  
— Chic de cause. — Eh , qu'es ?  
parlats dounc.  
— Lou coulié qui'm tin à l'estaque ,

Que m'a, you crei... — O, naz de  
claque !

Miserable, praube mastin !

A l'estaque un coulié qu'et tin,

Com un fourçat à le cadeye !

É ne cous pas quén n'as embeye !

L'estaque l'a héit tan de pou,

A le houeite encouare que cou.



## F A B L E V I.

*Le Yauste, le Crabe é l'Aouille, en societat  
ab lou Lioun.*

LE pégue yén que s'embarbouille.

Le yauste, le crabe é l'aouille

Abén, s'ou disen, téms passat,

Héit amasse societat

Ab un fiéri lioun, segnou dou besiatye.

Checun, per le sou part, au proufit é dou-  
matye

Debé hentra. L'accord signat,  
Que s'en ban d'un é d'aut coustat,  
Le crabe le bére preméire  
Gahe un cérb ab ibe estribéire.  
L'ouillau abé héit courre dits :  
Taus auséts n'es pesquen au bich.  
Dibes lébes soun espediades,  
Per aberti lous camerades,  
Que lou miserable animau  
Abé dat à trubés l'ouillau.  
Touts binen ab le gule fresque,  
Per bede aquere bére presque.  
Çà, qu'ém quouate, dits lou lioun,  
A partatya ; lachats-me dounc  
En quouate parts pica lou cérbi.  
Plan les coupe lou parsoué.  
B'es yuste que lou sire es sérbi,  
É que causischi lou premé ?  
A deco n'ats arreï à dise.  
D'aut coustat toute marchandise  
Déou tustém un dret au segnou ?

*Le Besace.*

SUS un nuatye, Yupiter,  
A gogo plan sedut en l'ér,  
Holà, s'ou dits, élefans, mounes,  
Baleyes, ours, liouns, mousquits,  
Touts animaus, grans é petits.



É route sorte de persounes,  
Biets ente you fort librement.  
S'y-a den lou bos cos quoque bici,  
Digats-at, qu'ets heréi yustici :  
Que poudets parla franquement.  
Aprochats, moune, éts-bous coun-  
tente ?

Perque nou , dits le suffisente ?  
N'éi pas you le machére lise ?  
L'oueil fin, lou cap broi ? Qu'an à dise ?  
Més per l'ours , b'y-a encouare à ha ;  
N'ou counseilli d'es ha pintra.  
Quéign toursougau ! s'a nade espouse ,  
Ne l'aura de segu yelouse.  
L'ours après qu'es boute à parla ;  
É louegn d'es plaigne , ou d'es fàcha ,  
Qu'es bante de le sou figure ,  
Tout com s'ére ibe mignature.  
Puch qu'es bire ente l'éléfan :  
Qu'ou trobe lourdaut é pesan ,  
Le coude courte , é les aureilles

Plates é laryes com courbeilles.  
L'élefan, de ço qui l'an dit,  
Cas en héi com d'un escoupit ;  
É qu'arrit, beden le baleye  
Dab quinze é bin brasses d'arreye.  
Enfin lous garrhés de mousquits  
Troben lous cirouns trop petits.  
Tant-y-a que segnous é racaille ,  
Checun countén de le sou taille ,  
Troubabe à dise à le dous auts.  
Més de les races d'animauts  
A qui Yupin hasé l'escole ,  
Le noste qu'ére le mé hole ;  
Car , tan qui ém , qu'ens flatam tous.  
Argus p'ous auts , bouhouns pra nous ,  
N'am qu'aha d'ens bede à le care :  
Més , per espia lou nos prochén ,  
L'oueil abem oubért é lusén.  
Au téms passat , tout com adare ,  
Quén lou gran Méste ens a fourmats ,  
Ni mé ni meigns que de crinière ,

D'ibe besace ens a affaitats ;  
 É tous , de mediche manière ,  
 Darré hicam lous nos defauts ,  
 É daban pourtam lous dous auts.

## F A B L E V I I I.


*L'Arrat de bile é l'Arrat dous camps.*

T É M S passat , un arrat de bile  
 A soupa qu'abé counbidat  
 D'ibe manière fort cibile ,  
 Un mahutre , un paisan d'arrat.  
 Qu'et deréi , s'ou dits , camerade ,  
 Truc de hachis , bone grillade ,  
 Ortolans , perlits é pastis.  
 Qu'et deréi tabei ab terrines ,  
 Per dessért biscouets é perlines :  
 Tout aco sus un bét tapis.  
 Qu'es deyà noueit : à dequeste ore  
 Ne trouberam amne dehore ;

Partim

Partim dounc. Atau que s'en ben.  
Arribats qui soun , tantecan  
Checun es gahe à le minyaille.  
Tandis que , com le coucardaille ,  
De les déns é dous gatillas ,  
S'en dabén per debat lou naz ;  
Pendén le bafre , à le sarraille  
Gouye ou laquai , quoque canaille ,  
Mau-à-prepaus bin houruca.  
Lous arrats biste d'es sauba.  
Lou bét premé l'arrat de bile :  
Lou manan qu'ou séc à le file ;  
Biren de-ci , sauten de-là ;  
Nat hourat ne podén trouba.  
Lou campagnard , l'aureille drete ,  
Mi-mort hens un cout s'escoumpete.  
Lou brut passat , lou citadin ,  
Tournam , dits à l'aut , au festin.  
Gran merces , respoun lou rustique ,  
Qu'ei , s'ou'm semble , un chic de cou-  
lique.

Biets-bou'n douman au nos oustau :  
 You'b treteréi , noun pas atau ;  
 ( Arrat de campagne n'es pique  
 D'ibe chère tà magnifique : )  
 Més qu'y serats en libertat.  
 Dous festins qu'es lou meille plat.  
 Quéign plési d'es pleya lou bête,  
 En biben tustém den le créte ?  
 Adissiats , bouryes , adissiats ;  
 Foueitats-me , se m'y r'atrapats.



## F A B L E I X.

*Lou Loup é l'Agnét.*

U N agnét en ibe aigue pure  
 Que bébé delicademen :  
 Bin un loup cercan abenture,  
 Lou querela brutalemen.  
 B'és bien hardit , s'ou dits , bagatye ,

D'em bi troubla l'abeberatye !  
B'et castigueréi de l'affroun !  
Sire , s'ou respoun l'agneroun ,  
N'eb fachits pas , l'arriou ne double.  
En puchi-you mé si l'aigue es trouble ?  
Fort louegn de bous , ente cabbat  
Qu'em soun un chic desalterat.

— Qu'en as mentit , que l'as troublade :

Més b'em pagúeras le gouryade  
De bone sorte ! Eh , l'an passat ,  
Respoun , héi ! quéign m'abés tretat ?

— L'an passat ! n'éri pas en bite ,  
É que soun encouare à le tite.

— Si n'es pas tu , qu'es lou toun rai.

— N'en éi pas nat. — Qu'es dounc  
lou pai ?

Car enfin bous autis , canaille ,  
Ouille , auillés é moutounaille ,  
Ne m'espagnats brigue , qu'at séi :  
Més à le fin qu'em benyeréi.

En deco qu'ou cat sus l'arreye ,



Que lou gahe , é que s'ou carreye  
Au houns dou bosc ; é siou moumén  
Que l'esperreque à cop de dén.  
Atau sus lou prat , sus le bigne ,  
Aux petits lous grans cerquen grigne ;  
Qu'ous minyen , qu'ous gahen l'aryén.  
Saube qui pot dequere yén.



## F A B L E X.


*L'Omi é lou soun Imatye.*

UN quidam de léde figure  
D'et-medich ére rà countén,  
Que ne bedé permi le yén  
Ibe ta bére créature.  
Fort s'aimabe ; ribaus n'abé.  
Per fourtune , un your lou garrhé ,  
Qui ne s'ére bis au bisatye ,  
Qu'es trobe daban un mirail ;

É com n'y bedé qu'un penail ,  
Un magot à mine saubatye ,  
Un naz de claque esgalauchit ,  
Ibe café de couei bouillit ,  
Ibe figure detestable ;  
Fou , s'ou dits , fou ! You'n dau au  
diable ,  
Aques bisatye n'es lou mei ,  
É lou mirail ne bau arrei.  
Per gouari le praube pécore ,  
Qui s'aime tustém é s'adore ,  
Mirails s'offriben à prepaus  
A les boutigues en pendrille ,  
Aux coustats de mantr'ibe fille.  
Que credé que tous éren faux :  
Tous que lou hesén le grimace.  
Tustém bedé mediche face ,  
Face de moune é de gahus ,  
Face basanade é libide ,  
Face magrote é chimourride.  
Ibe face à y ha dessus.

Per houeye tà male abenture ,  
Lou bilén tustém amourous ,  
Soulet s'en ba com un petous  
En un desért. Ibe aigue pure  
Lou hasard l'y héi rencountra.  
Bébe n'y pot chéns s'y mira,  
Tustém bet le même figure ;  
Més per'co yamé n'es gouarich.  
Nous autis qu'ém atau medich.  
Per-tout , en campagne , à le bile ,  
Lous defauts trenam à le file.  
Lous dou cos ne seren arrei ,  
Si l'anne se birabe au bei ;  
Més un faux amou qui'ns goubérne ,  
Le luts qu'estuffe à le lanterne ,  
É yamé lous uns ni lous auts  
Ne bedem cla siou nos defauts.





## F A B L E X I.

*Lous Lairouns é l'Asou.*

**D**ER un asou dus camerades  
Es dabén de bères gourmades ,  
É de bouns cops de pugn p'ou naz.  
Les taloches é gautimas ,  
Lous tougnats é les aureillades ,  
Qui's pourtabén à tour de bras ,  
Dous cachaus é dous gatillas.  
Hachis hesén é marmelades.  
Touts dus que boulén lou Martin :  
Que l'abén panat en canaille  
Sus le lanc , ou proche un moulin.  
Sì ço qui sì , baille que baille ,  
Per n'abe part aux hauriouns ,  
Lou baudet cercabe bitaille ,  
É lachabe ha lous lairouns.  
Pendén qui cops de pugn trotabén ,

Cops de pès p'ou bête boulaben,  
Arribe un tresau coumpagnoun,  
Qui saute sus l'Alibouroun.  
Trop n'ou calé lleba le gaine.  
Lou pendard tantecan s'amaine ;  
Qu'ets e lou coumence à chiscla ;  
Que lou chaque , é lou héi ana  
Tan au galop ente caphore,  
Que ni cabalié ni pécore  
Mé n'an parechut de nat bord.  
Atau lous auts dus soun d'accord.  
L'asou qu'es com ibe probinci,  
Qui fournich aryén é sourdats ;  
Lous dus lairouns , tau é tau princi ,  
Qui's hén le guérre com dous fats ,  
Qui's baillen mantr'ibe taloche ,  
Qui s'esperrequen de patac ;  
Tandis qu'un tresau qui s'aproche ,  
Es boute les pribes au sac.



---

F A B L E   X I I.

*Le Mort é l'Escailloun.*

U N manan cargat de broussaille,  
Dou bosc s'en tournabe abladat.  
En case n'abé gran de blat,  
A le bourse ni crouts ni maille.  
Com passabe au loun d'un lagot,  
Que yite à terre lou hagot :  
N'en poudé mé. Qu'es plaign, que  
    grounde.

Quéign plési, s'ou dits, éi au mounde ?  
Despuch l'ore qui soun badut,  
Ibe pistole, un praube escut  
Ne m'an lusit à l'escarcéle.  
Yamés un moumén de repaus ;  
Tribailla rustém per lous auts :  
Tailles, sourdats, enfans, feméle ;  
Daban le porte lou saryan ;



Soubén l'arremari chéns pan.  
Las de souffri tan de misère ,  
Au soun secous le mort qu'apére.  
( B'es segu que maus é doulous  
Le mort gouarich aux malhurous. )  
Chéns tarda le mort qu'es présente;  
Qu'ou demande ço qui cau ha.  
Lou manan espasmat de crénte,  
Aid'em, s'ou respoun, à carga  
Lou hagot. L'aute que l'assiste.  
Cargat qui-es , béi-t-en au mé biste,  
S'ou dits , é bir'em lous talouns :  
Ani qui bouilli ent'ous bouhouns.  
Mécenas , omi de gran titre ,  
Plan qu'a dit en quoque chapitre :  
Que si goutous ou grabelous ,  
Qu'ayi le coulque ou bapous ,  
Pourbu que bibi, chic m'importe.  
Touts ém héits de mediche sorte.  
Bertat es, ne bourrem pati;  
Més meillou pati que mourir.



F A B L E   X I I I .

*Lou Galan entre dus atyes , é les sous dibes  
Mestresses.*

UN moutchourdin d'un certén atye ,  
É tiran un chic sïou grisoun ,  
Las de le bite de garçon ,  
Boulou tasta dou maridatye.  
    Qu'abé fort d'aryén ,  
    É per counsequén  
De que causi. Courrén hemnes ente sou  
    case ,  
Toutes yelouses de lou plase.  
N'es cértés un petit aha ,  
En tau cas , de plan rencountra.  
Hardit lou qui s'y determine.  
Dibes bedous de bone mine  
Augoun sus lou co dou richart  
    Le maye part :

L'ibe prou fresque encouare , é l'aute un chic  
madure.

Aqueste , à care de mesture ,  
Plan reparabe en pedassan ,  
Ço qui-abé roueinat le nature.  
Les dibes en lou caressan ,  
En l'amillan , en lou pintian ,  
Chic à chic qu'ou dan le tounsure.  
Per abe un galan au soun grat ,  
Le bille que lou darrigabe ,  
L'un après l'aut , ço qui restabe  
Dous péous negres ; é d'aut coustat ,  
Le youene que l'escaboussabe  
Lous péous blancs , é nat n'en lachabe.  
Tan hasoun , que lou nos toundut ,  
Es beden lou cap ras é nut ,  
Com s'ére estat ibe calote ,  
Yà ! s'ou dits , yà ! cambiam de note.  
Hillotes , gran merces ; qu'es prou.  
Pourtats auillou le boste amou :  
Aquere mode n'es le meye.

Si n'ats pas d'aut marit que you ,  
Qu'ets en passerats ab l'embeye.  
Le qui preiri bourre sigoun le sou faiçoun  
Em ha bibe , é noun à le meye.  
N'y-a crouts au mounde qui sî peye.  
Qu'ets soui fort obligat , bères , de le letçoun.

---

F A B L E    X I V .

*Lou Renard é le Cigougne.*

**L**OU renard un your à disna  
Qu'abé counbidat le cigougne.  
Hens un plat , per toute besougne ,  
N'abé que bouillide à le da.  
Sedets-bous , s'ou dits , noste bère ;  
Prenets plési , hém bone chère.  
Lou premé qu'es boute à laca ;  
É le cigougne d'assaya.  
Hurrupa ne pot le bouillide :  
Renard fripe tout ; é d'arride.

Gran merces : si'ts plats , à douman ,  
Dits le cigougne en s'en anan.  
Preparats-bous à ha gotchére ;  
Au toupin qu'auréi un hasan ,  
É chis poulets à le padére.  
N'y manquits ; qu'em boui rebenya :  
Anats-bou'n coucha chéns soupa.  
Toucats , s'ou respoun lou coumpére :  
Escusats de le magre chére ;  
Dab amigues ne héis faiçoun.  
A l'ore dite lou gloutoun  
Plan dispos hentre à le cousine :  
Bet un hachis de bone mine.  
Aço n'es , perdi , de refus.  
Le lécou qu'es passe p'ou mus.  
Per atrapa lou camerade ,  
L'oustesse qu'abé hens un pot ,  
Larye dou bête , estret dou cot ,  
Héit passa le capiloutade.  
Anem , s'ou dits , minyam tout caut ,  
Bous d'un coustat , é you de l'aut.

Lou renard que bire é rebire  
 Autour dou pot plei d'apetit ;  
 Més de nat bord lou mus dou sire  
 Hentra n'y pot. Tout esbahit  
 Lou naz que cougne é que recougne.  
 Quéign lou troubats, dits le cigougne ?  
 Tout abalabe cependén.  
 Tant-y-a que lou Bernat-pudén ,  
 Lou bénte boueit , bachan l'aureille ,  
 Sarran le coude , tout hountous ,  
 S'en tourne en case. Troumpedous ;  
 Atendets-bous à le pareille.

---

F A B L E   X V.

*Lou Mainatye é lou Meste d'escole.*


UN mainatyoun esparhoulat ,  
 Com soun per-tout à dequet atye ,  
 Houleyan siou bord d'un ribatye ,  
 Ére cadut ente cabbat.



Lou coumpagnoun ére anegat,  
A le dribe anabe tà biste,  
Si lou boun anyou qui'ns assiste,  
Ne l'ausse dat, en tau danyé,  
Ibe branque d'un bill nougué.  
Tin-qui-tin, hort aqui s'estaque.  
Un quidam à lounque casaque  
Là passabe en aquet moumén.  
Que bet lou mainatye en penén,  
Qui n'en pot mé, qui s'anegabe:  
É de crida lou praube enfan.  
Entandis qui l'aigue abalabe,  
Ha ! ha ! fripoun, dits lou pédan,  
Qu'êts aqui, bauriën, petit drôle.  
Respounets, oun bats à l'escole ?  
Tantos le pét qu'at paguera,  
É qu'ets heréi plan castiga.  
Ayits souén dequere marmaille !  
Plan emplegat, méchans babouins !  
Yamé dounc aquere canaille  
Ne dera que pene é chegrins ?

Que

Que lous pais é mais soun à plaigne !  
É malhurous qui lous engraigne !  
Quént a tout dit é prou parlat ,  
Que hale à terre lou gouyat ,  
Qui n'a mé que dus dits de bite.  
Parlats-me dequere bisite !  
De permi le yén lous tres quouarts ,  
Magistér , censurs , habillarts ,  
Que troben aci lou soun counde.  
Ets ne sounyen en tout aha ,  
Qu'à poude à d'aise es countenta ,  
En debisan countre lou mounde.  
Eh ! lou mei , tir'em d'embarras ,  
É puch , si bos , que precheras.





## FABLE XVI.

*Lous Ferelouns é les Abeilles.*

¶ A M É ne s'y-a bis sus le tэрre ,  
 Per un arrai de méou tau guэрre ,  
 Qu'entre abeilles é ferelouns.  
 De-ci , de-là , per bataillouns ,  
 Les troupes s'éren assemblades.  
 A chacs de hissouns com espades ,  
 Tà plan s'en daben lous sourdats  
 Despuch lou matin enti-au héspe ,  
 Que le maye part abladats ,  
 Qu'anaa daban certéne bréspe ,  
 Après accord héit de le da  
 Lou differén à decida.  
 Aques yutye n'ére nobici.  
 B'en auréi , s'ou dits , bone espici.  
 Espleits boulen de routs coustats ;  
 Force remougns soun assignats.

Permi n'y-abé qui assecuraben ,  
Que pendén lountéms , ab gran brut ,  
Animaus abén parechut ,  
De coulou negre , é qui boulaben :  
Més d'auts tout autemen parlaben.  
De faïçoun qu'en dequet aha ,  
N'y-abé mouyén de bede cla.  
Ne cessaben les escritures ;  
Toutyour nabéres procedures.  
Lous uns é lous auts estourdits  
Que barreyaben fort d'ardits.  
Le cause chis mes pleiteyade ,  
Demandats-me s'ére abançade ?  
Ni mé ni meigns qu'au premé your.  
Lou yutye y baillabe boun tour :  
A les mans abé bone paste.  
É cependén lou méou qu'es gouaste ;  
Lous pleitedous soun roueinats.  
Couan d'officiés , couan de sourdats ,  
Premé que ne finich le guérre ,  
Soun fusillats , cadén per tэрre !

Lou mounde es rustém imprudén.  
Quén le queréle es alucade ,  
Fini ne pot , lou mé soubén ,  
Chéns procès , ou chéns cops d'espade.  
Qu'y-a tà lountéms que pleiteyam ,  
S'ou dits à le fin ibe abeille ,  
É per'co d'arrei n'abançam.  
Un chic mé , b'y despeneram  
Ensemble enti-à le noste peille.  
Per fini mé'spert tribaillam :  
L'oubré qu'es counech à l'oubratye.  
Açà , troupe lâche é saubatye ,  
Beyam qui de bous ou de nous ,  
Héi un chuc tà sabre é tà dous ?  
L'espédién passan chéns countéste  
Dous ferelouns lou sabe-ha ,  
Lou méou , enti-à labets chéns méste ,  
A les abeilles que resta.  
Si le France abé le méthode  
De decida tout p'ou boun-sens ,  
Ne carre digeste ni code ,

Tan d'aryén , ni tan de turmens.  
Lous Turcs an bien mé de yudici ;  
Tantecan qu'es hén ha yustici.  
Sayes soun , é biben hurous ,  
Au meigns en deco , mé que nous.



## F A B L E   X V I I .

*Lou Cassou é le Canebère.*

U N your lou cassou que disé  
A le minçote canebère :  
Per tu le nature inyuste ére ,  
É ne sabé ço qui's hasé ,  
Quén t'a baillat ta praube mine.  
Un parrat , ibe mousquerine  
Sus tu qu'es com un pes de cén.  
B'es segu que lou mendre bén ,  
Qui s'entén à pene à l'aureille ,  
Qu'et héi d'abord bacha l'esqui.

You , chéns counda que puch coubri  
Lou soureil ab le meye peille ,  
Lou cap haut , férme com un pau ,  
Que defiyi lou Bén de bau.  
Per horte que si le turmente ,  
En baguenau tustém que tente  
D'em poussa per force en arré.  
Encouare si siou mei terré ,  
Ou au besiatye , éres badude ,  
( Qu'at puch dise chéns me banta )  
Que t'auri poudut apriga ,  
É ne t'auren pas tan plaignude.  
Gran merces , respoun l'arbrichoun :  
Cértes le tou coumpassioun  
Qu'es d'un boun co , é que merite  
Que ne l'oublidi de le bite.  
Que bei qu'em parles en amic ;  
Més de you n'ayis tau soupic.  
Charre com soun , qu'ei meigns à  
cregne  
Que tu qui-és dous arbres lou segne.

Qu'as héit enti-are à tin-qui-tin ;  
Més n'és pas encouare à le fin.  
En deco , com un cop de foudre ,  
Qui bin un bén dou houns dou nord ,  
Miassan de bouta tout en poudre.  
Lou cassou que héi au mé hort ,  
É le canebére que plégue :  
Més après un sigoun esfort ,  
Que darrigue l'arbre , é l'enllébe ,  
Com un broustic , de pés en haut.  
Auran n'arribe , un cop ou l'aut ,  
Aux qui's hiden à les sous forces ,  
Que cau quocop sabe ceda ,  
É qu'es houli de boule ha  
Countre lou téms à les estorses.







## F A B L E   X V I I I.

*Lou Capitou dous Arrats.*

U N gat noumat Rodilardus ,  
Tan birabe debat , dessus ,  
É den lous couts , que l'arrataille  
N'ausabe sourti dous hourats ,  
Per courre é per cerca bitaille.  
Fort n'y-abé deyà d'enterrats.  
Lous auts qu'es tinén tapoussats.  
Quén le hami lous acassabe ,  
A cops de griffe , à cops de dén ,  
Auta'spert qu'ous esperrecabe ;  
É Rodilardus que passabe  
Aude le misérable yén ,  
Noun per un gat , més per un diable.  
Ibe noueit dou mes de héouré ,  
Mes permi lous gats memourable ,  
Lou nos balén , d'un pé lauyé ,

Ana rode au haut d'un grayé ,  
Per se prene hemne en maridatyé,  
Pendén qui tinén lou sabat  
Ensemble , é hasén bét tapatyé ,  
Lous matadors dou puble arrat  
Qu'apéren lous auts , é fort chîtou  
Que s'assemblen tous en capîtou ,  
Per abisa sus lou mouyén  
D'es defénde ets é le sou yén.  
Lou douyén , persoune prudente ,  
Lou bét premé que représente ,  
Que calé , mé'spért que mé tard ,  
Estaca au cot de Rodilard  
Un esquiroun ; car si s'aproche ,  
Qu'enteneram , s'ou dits , le cloche :  
Labets de houeye à truque-dits.  
Touts de brai soun dequet abis.  
Ne cau dounc que pénde l'esquire :  
Aqui qu'es l'ail ! L'un qu'es retire :  
Ne soun perdi pas tà nigaut.  
Ni you tapauc , s'ou dits un aut.

Un tresau qu'enfile le porte.  
Tà plan que toute le cohorte  
Dous arrats chic à chic s'en ba ;  
É qu'ets lachen aqui l'aha.  
Com aco mantr'ibe assemblade  
De magistrats é de confrais ,  
É de calounyes é de frais ,  
A le drible s'en es anade.  
Quén ne cau que delibera ,  
Touts counseillen , checun resoune ;  
Més es besougn d'etzecuta ,  
Ne s'y rencountre mé persoune,



...✱...✱...✱...✱...✱...✱...✱...✱...  
F A B L E X I X.

*Lou Loup, lou Renard é le Moune.*

LOU mensounyé qu'a tau bertut,  
Qu'en disen brai, n'es pas credut.

Un loup hortemen acusabe  
Lou renard de l'abe panat.  
Lou renard mé hort qu'at negabe,  
Aprés abe plan disputat,  
Replicat, cridat, tapatyat,  
Per yutye que prengoun le moune.  
Den lou péis n'y-abé persoune  
De prou de sens per bede cla,  
Com ere, dens aquet aha.  
Checun que pleda le sou cause,  
Chéns procurairi ni saryan.  
Le moune après, en lous espian  
L'un é l'aut pendén ibe pause,


---

Que dits : Tu, loup, que séi qu'és un franc  
affrontur :

É tu, méste fripoun renard, qu'és lou  
boulur

De ço qui lou loup et demande.

Touts dus que paguerats l'amande.



### F A B L E X X.

*Lous dus Taus é ibe Graouille.*

**D**ER ibe yauste é per l'erbe d'un  
prat,

Dus taus se dabén un rude coumbat.

Ibe graouille qu'ous espiahe

Toute triste, é qu'és turmentabe

En poussan de fort grans hélas.

Eh, qu'abets, s'ou le dits ibe aute?

Ço qu'èi, respoun? ne bedets pas

Que lou mé hort dous dus, chéns  
faute,

L'aut coumpagnoun acassera ?  
Qu'auta'spert aques s'en bira  
Dous nos youncas se rénde meste ?  
É labets per nous qu'éigne péste !  
L'ibe après l'aute ens auscira ,  
Chéns que l'aigue ens puchqui sauba :  
É pramo dequere countéste ,  
Ou qu'ens carra sourü de-ci ,  
Ou bien ens aténde à peri.  
Ço qui cregné ran le saye pécore ,  
Le maye part qu'at espraba sus l'ore.  
L'un dous taus en s'anan cache  
Hens lous lagots , fort n'esclacha.  
Les autes qu'acassa dehore.  
Atau de tout téms lous petits  
Dous grans an pagat les houlis.





## FABLE XXI.

*L'Égle é l'Escarbot.*

**L'**ÉGLE un your que dabe le casse  
A Yan-lapin lou boniface ,  
Qui biste é chéns espia darré ,  
Houeyé dret ent'ou soun terré.  
Com ére deyà las de courre ,  
Que bet un cout , é que s'y fourre.  
Lou cout ére un nid de barbau ,  
Cournut , alat , é héit atau  
Com un grich : escarbot s'apére.  
L'asile n'ére trop segu.  
Yan-lapin dou naz é dou cu  
S'y blotich debat le fougére.  
L'égle bin ; l'animauournut  
Intercéde per lou pelut.  
Réne , s'ou dits , b'ets es facile  
D'enlleba lou praube lapin.


Com au mei coumpai é besin,  
Que l'éï baillat aques asile.  
N'em hasquits, s'eb plats, nat affroun.  
Pramo de you dats-lou le bite,  
Ou tuats-me ab lou coumpagnoun.  
Lou fier ausét ne lou respoun  
Qu'ab un cop d'ale, é tout de suite  
Que s'enllébe lou lapinot.  
B'at pagueras, dits l'escarbot.  
Pendén que l'égle ére à le casse,  
Que le ba visita lou nid.  
Fort d'éous y trobe, qu'ous fracasse,  
Gagne ente case, é s'en arrit.  
L'égle arribe, é beden l'oubratye,  
Ploure, cride, é den le sou ratye,  
Ne sab sus qui déou se benya.  
Dequet an nat hillot n'aura.  
Per s'abreya de tau disgrace,  
L'aut an que cerque ibe aute place,  
É ba ha lous éous fort mé haut.  
L'escarbot qu'y pibe, é sus l'ore



A touts que lous héi ha lou saut  
Ente cabbat dou nid en hore ;  
Tan au houns dou co que lou tin  
Lou sort dou defun Yan-lapin.  
L'égle de ha nabét tapatyé.  
Ta gran ére aques sigoun do ,  
Qu'aux mounts é boscs dou besiatyé ,  
D'un an ne s'estanca l'éco.  
Yuste morte enfin de tristesse ,  
Au gran Yupiter que s'adresse.  
( Quént ahas ban à contre-péou ,  
Labets qu'ens biram ent'ou céou. )  
L'égle dounc siou sei de l'idole  
Quouate béts éous que ba pausa.  
L'escarbot biste de boula  
Ent'ou loc : que bire , bricole ,  
É n'ausan espia Yupiter ,  
De haut qu'ou largue sus le raube  
Ibe cacaille , é puch qu'es saube.  
Lou Diou le segout ; éous en l'ér :  
Touts soun fricassats chéns padére.  
L'égle

L'égle bin, é toute en colére  
Que yure, é qu'es boute à miassa.  
Lou boun Yupin de s'en ana  
Louegn de sou case, puchqu'et ére  
Le cause dequet bét aha.  
Yupin ne sabé ço que dise ;  
Més entenut qui-a l'escarbot  
Ha le sou plén-te, qu'es rabise,  
É dits à l'aute : Anem, cho-mot :  
Soubin-te de lapin-Yanot,  
Enllebat dehens un auspici,  
Chéns resoun ; é rén-te yustici.  
L'escarbot que t'abé pregar,  
Pramo d'et, de l'esta propici :  
N'at as boulut, que s'es benyat.  
Lous grans siòus petits an puchénce ;  
Més cau s'en serbi dab prudénce,  
A prepaus lous mainatyeya.  
Atau héi qui sab gouberna.






## F A B L E    X X I I.

*Lou Lioun é lou Mousquit.*

U U  
X X OR de-là, crasse de minyance,  
Béi-t-en auillou pleya le panse.  
Lou mé redoutable animau  
Au mé charre parlabe atau.  
Aques qu'ou chacabe le gaute;  
Tantos lou cot, tantos lou mus;  
Are debat, é puch dessus.  
Lou pacién d'ibe buts tà haute  
S'escanurrabe, que le yén,  
De-ci, de-là, touts que houeyén:  
Touts cregnén quoque gran rabatye.  
Tan de batsarre ére l'oubratye  
D'un mousquit countre un fier lioun.  
Crets-tu, s'ou disé lou pitchoun,  
Qu'à le guérre le liounaille

Bailli mé que le mousquitaille ?  
 Qu'ets disets fort mau-à-prepaus  
 Lous méstes dous auts animaus.  
 Qu'ets e l'ataque de mé bére.  
 Pics de hissoun sus le machére,  
 Pics de hissoun sious gatillas :  
 Tan l'en baillabe , que lou frère  
 Soufre é houec yitabe p'ou naz.  
 Enfin per coumble de martire ,  
 Qu'es hique den lou naz dou sire.  
 Labets l'arrauye qu'ou sesich ,  
 É que s'esperreque et-medich.  
 Qu'escume , saute , birouleye ;  
 Ab le coude es foueite l'arreye ;  
 Tan qu'à le fin desesperat  
 Per tэрre es yas yuste acabat.  
 L'insecti fier de le bictori ,  
 S'arrepaste de le sou glori ;  
 É l'aunou de tan de coumbats  
 Ba publica de routs coustats ,  
 Per le bile , per le campagne ;

Quént ibe tele de tardagne  
 L'arréste tout court siou camin.  
 Qu'y mo, qu'y trobe le sou fin.  
 Double letçoun en deques counde,  
 Que s'y trobe per fort de mounde ;  
 Que l'énemic lou mé crençiou  
 Es à redouta tan qui biou ;  
 É qu'un trebuc yite per terre  
 Tau qui s'es saubat de le guérre.



## F A B L E    X X I I I.

*L'Asou cargat d'espounyes, é l'Asou cargat  
 de sau.*

U N manan, le fouaste à le man,  
 Dus grisouns cassabe daban.  
 L'un cargat d'espounyes anabe  
 Chéns nade pene, é que marchabe  
 Lauyéïremen. L'aut animau  
 Pourtabe ibe saque de sau.

Prou n'abé le praube pécore ,  
É yuste trop. Au cap d'ibe ore ,  
( Biatyedous ne ban chéns pachiou )  
Qu'es troben siou bord d'un arriou.  
Fort empatchade ére le troupe.  
Lou méste sautan sus le croupe  
Dou me lauyé, de l'espounyat,  
Acasse daban lou salat.  
Quén soun dehens , aques bagatye  
Dau de tórt , manque lou passatye,  
É s'en ba cade hens un hourat.  
Lou méste qu'ou cret anegat ;  
Més tan héi , tan que birouleye ;  
Que dou pes qui-abé sus l'arreye,  
( D'aigue bincut aigue tournat )  
Lou pendard es sén soulatyat.  
Atau deliourat dou hardatye ,  
Que gagne à d'aise lou ribatye.  
Cependén l'aut Alibouroun  
Maugré lous efforts , le countéste ,  
É les bensillades dou méste ,


Seguir abé lou coumpagnoun  
Au hourat. L'aigue qu'ous aprigue.  
Lou manan ne l'aimabe brigue,  
A meigns que ne sousse au toupin.  
Lou cabalié dab lou Martin  
D'abala mantr'ibe gouryade :  
É l'espounye fort alterade  
A touts dus que hasé resoun ;  
É tan cargabe lou grisoun,  
Que n'auren dat à l'abenture  
Un pa de cors de le bouature.  
Per hasard bin un chalanté :  
Que gahe p'ous péous l'asoué,  
Qui cridabe misericorde ;  
É p'ou cot ab un pan de corde  
Que hisse à térre lou pelat.  
D'auts an dit que l'y-abé lachat.  
Sì ço qui sì, aco n'importe :  
Qu'em suffich qu'ayin bis per-là ,  
Qu'es peguesse de boule ha  
Chacun de le mediche sorte.

Oun l'un es tire plan d'ahas,  
Un aut que s'y poude lou naz.

---

F A B L E   X X I V.


*Lou Piyoun é l'Arroumits.*

 U E bats aprene en deques counde,  
Que cau obliga tout lou mounde ;  
Sus-tout ayuda lous petits.  
Hens un lagot ibe arroumits  
Cadude ére per abenture.  
Le miserable créature  
Dequet lagot , com de le ma ,  
B'en abé prou per s'anega.  
Bin un piyoun à dequere ore  
Bébe au lagot ; bet le pécore  
Es turmenta. Lasse ére fort,  
É ne poudé gagna lou bord.  
Pendén qui l'arroumits bataille ,  
Lou bét ausét pren ibe paille ,



Un cap n'abance à l'arroumits,  
L'aut pause à terre : Tin , s'ou dits.  
Le béstiole s'amaine , é pibe ;  
Sus aquet poun gagne le ribe.  
En deco parech un croucan ,  
Lous pés nuts , l'escoupete en man.  
A tira l'ausét com s'apréste ,  
Com deyà lou bise à le téste,  
É que se lou cret au toupin ,  
L'arroumits debian lou Martin ,  
N'et dera , s'ou dits , le coulique ,  
É lou taloun qu'ets ou mouchique.  
L'aut biran lou cap , lou piyoun  
Qui l'entén , part é tire au loun.  
Lou croucan tout coubért de base  
Arnegan countre l'arroumits ,  
Lou sac boueit , s'en tourne ente case.  
Poueign de piyoun per dus ardots.

*FIN DOU PREMIÈ LIBI.*



FABLES CAUSIDES  
DE  
*LA FONTAINE.*

---

LIBI SIGOUN.

---

FABLE PREMIÈRE.

*Le Lébe é les Graouilles.*



BE lébe au yas que sounyabe ;  
Car soulete au yas , que pot ha  
Ibe lébe , à meigns de sounya ?  
Lous yours é les noueits que  
passabe

Den le pene , é qu'es counsoutumabe.  
Tustém aquet praube animau

En case es mé tris qu'un malau.  
Le yén de nature pauraque,  
S'ou disé, n'an yamé repaus.  
Checun qu'ous queréle, qu'ous truque,  
Quén minyen léirugues ou caus.  
Arrei, nat boucin n'em proufite.  
O triste, ô misérable bite !  
Tustém habita lous desérts,  
É droumi dab lous ouels oubérts !  
Courrigeats-bous, nou sits poueitroune,  
S'ou'm disera quoque persoune  
Qui ne sap ço qui-es qu'aquet mau.  
Le pou ne s'en ba pas atau ;  
É qu'y-a, you crei, mantr'un bagatye  
Fermi lous omis com auillou ,  
Qui héi lou brabe persounatye ,  
Qui-a soubén mé de pou que you.  
Atau resounabe le lébe :  
Cependén, com s'abé le frébe ,  
Que tremblabe à cheque momén.  
Ibe oumpre, arrei, lou mendre bèn

Tan le héi pou, que le pécore  
A le fin es lance dehore.  
Com drillabe é dabe en aban,  
De toute bande les graouilles  
Le beden passa, tantecan  
De sauta cabbat les arrouilles.  
Cho, cho, s'ou dits, aqueste yén  
Qu'a pou de you ! Bibe le guérre !  
Couratye ! é houeye cependén.  
Couan n'y-a com aco sus le terre !  
Brabes em é fort couratyous,  
Quén troubam mé poueitroun que  
nous.






## FABLE II.

*Lou Hasan é lou Renard.*

SUS ibe branque en sentinèle  
Un bill hasan s'ére plantat.  
Un renard en passan debat,  
Camerade, bone noubéle!  
N'ém pas mé, s'ou dits, en queréle.  
D'are-en-là que poueiras chéns pou  
Courre per-tout, é ha l'amou.  
Amics ém com pét é camise :  
Que soui fort aise de t'at dise.  
Dabére : qu'et boui embrassa.  
Bin postes qu'ei encouare à ha;  
Que soui pressat : bin dounc recébe  
Quouate pots dou toun meille amic.  
Plan merites un cop à bébe ;  
Que bau descénde, gouaite un chic,

Respoun l'ausét porte-couroune.  
You ne soui yamé tà countén,  
Que de n'abe guérre ab persoune,  
Meings encouare ab certéne yén.  
É pats dounc, pats, à le bone ore....  
Qui soun aquets qui bei lahare?  
Té, perdi, que soun dus lebrés.  
Be crei qu'ous embien esprés.  
Per le mornoun, que binen biste!  
Qu'ets deréi à touts bone aubriste.  
Gouaitam-lous; qu'ens embrasseram,  
Que sauteram, que trinqueram  
Ensemble, é heram bére hésté.  
Serbitur, n'èi pas téms de réste:  
Un aut cop, s'ou dits lou renard,  
Qu'ens gaudiram; que s'en ba tard.  
En deco lou nos camerade  
A trubés cams pren l'abiade.  
Lou hasan beden le sou pou;  
Que s'estuffe d'arride;

Car qu'es minya bouillide,  
Que de troumpa lou troumpedou.



## F A B L E   I I I.

*Lou Courbas qui bo ha com l'Égle.*

BE égle un matin enllebabe  
Sus ibe mountagne un moutoun.  
Lou courbas qui n'es meigns gloutoun,  
Més mé flac dous loums, que l'es-  
piabe ;  
É creden d'en poudé autan ha,  
Qu'at boulou tantecan tenta.  
Un que s'en guigne den le troupe,  
Bét, lifre, gouaillard é redoun ;  
É chéns mé de reflexioun  
Que s'abiade sus le sou croupe.  
Per malhur per lou pareillan,  
Lou marrou qu'ére un chic pesan.  
Titat abé bone naurice,

É s'abé héit de boun sayin.  
D'autre part, qu'abé sur le price  
Ibe lan fridade com crin,  
Espesse, embiscade de crasse.  
Mé l'aut hisse, é mé s'embarrasse;  
É boule, é dau d'ale é de bec.  
Lou pastou, qui bedé lou péç  
Com un mouréou à les sedades,  
Qui's baille estirs é gousseayades,  
Per darré que lou cat dessus;  
Qu'ou trenque les ales, é puch  
Qu'ets e lou delioure aux mainatyes.  
Ne cau dise en quéigns esquipatyes,  
Quén lous an un cop à les mans,  
Lous auséts biours bouten enfans.  
Enti-à le mort qu'ous dan bataille.  
Autan n'arribe à le penaille:  
Lairounots chéns bei ni secous,  
Ne soun com lairouns grans segnous.  
Acets sus le yén hén ripaille,  
É yamé nat n'es castigat.



Oun le bréspe a deyà passat,  
Là que réste le mousquaille.



## F A B L E I V.

*Le Gate mudade en Hemne.*

UN quidam, omi prou sensat,  
Aimabe ( qui-at aure pensat ? )  
Enti-à le houli, le sou gate;  
Lequouau abé fort broye pate,  
L'oueil fin, é lou péou auta dous  
Que lou coutoun é lou belous.  
Tan héi per pregaris é larmes,  
Per sourtiletyis é per charmes,  
Qu'à le fin obtî dou destin,  
Qu'aquere gate un bét matin  
Bat hemne. Noste omi de tire,  
De les sous amous lou martire,  
S'en ba, cou daban lou curé,

Le

Le prene per le sou mouillé.  
Yamé gouyate le mé bère  
N'a tan charmat un amoureux,  
    Que l'espouse nabère  
Héi aquet esquimaut d'espous.  
Que se l'amille, que l'afflate,  
Arrei mé n'y trobe de gate;  
Quén, per malhur, quoques arrats  
Qui despeçaben ibe nate,  
Ban troubla lous plésis dous nabéts maridats.  
Le nobi tantecan que saute  
Dous bras dou marit siou planchar.  
Un ne mouchique sus le gaute :  
Lou réste es saube hens un hourat.  
Arrats rebinen ; le feméle  
Es boute arroun en sentinéle.  
Per aques cop un n'atrapa,  
Qui cregnen fort chic le preséce  
D'ibe hemnote en aparéce,  
Com un péc es lacha gaha.  
Councluam dequeste abenture,  
E

Que force es de segui lou tic de le nature.  
Countre ere ni lei , ni resoun ,  
Passat un certén atye,  
Ne soun de nat usatye.  
Prenets-le de toute faïcoun ,  
Per aco n'en serats lou meste.  
Acassats-le à cop de bastoun ,  
Que rebira per le ferneste.



## F A B L E V.

*Lou Moulié , lou soun Hill é l'Asou.*

**T**AN de caps , tan de sentimens.  
Héts prose , ou bérts , ou bastimens ,  
Ou le guérre , ou le marchandise ,  
Checun claque é trobe à redise.  
Per-tout trouberats counseillés  
Qui'ts deran abis de trubés.  
Ayits ibe raube coumode ,  
N'es pas , s'ou disen , à le mode.

N'ets maridits , maridats-bous ,  
Lou mounde qu'at pren au rebous.  
You'b hau ha là-dessus un counde ;  
Escoutats-me tous à le rounde.  
Per béne un asou roueinat ,  
Un bill moulié dab lou gouyat ,  
En ibe feire s'en anaben.  
Plan ligat per lous quouate pés ,  
Ab ibe barre de trubés ,  
L'asou com bét lustre pourtaben.  
Lou moulié que s'abé sounyat ,  
S'arribabe net, repausat ,  
Qu'en tirere mé de mounede.  
L'Alibouroun , com poudets crede ,  
Loung ne troubabe lou camin.  
Oun bats atau , dits un besin ?  
Quéign drole é nabét esquipatye !  
Eh , l'ats héit prene lou poutatye ?  
Prenets dounc gouarde d'ou blassa ;  
Héts à lési , n'eb cau pressa.  
Quént arribits à l'assemblade ,  
E ij

Per refresqui lou camarade ,  
Dats-l'en ibe pinte ab pan fres.  
Digats-me , qui-es l'asou dous tres ?  
Lou moulié desligue le corde ,  
É lou hill , chéns misericorde ,  
Saute dessus , é que s'en ban.  
Bét tros de camin en aban ,  
Ban trouba capsus ibe coste ,  
Dus marchans qui courrén le poste.  
S'ous bouté à dise lou mé bill :  
Lou pai à pé que séc lou hill !  
Pau plantat , com bére relique ,  
Sus lou grisoun , as le coulique ?  
Youene barbe , à pé , biste dounc ;  
É lachats piba lou papoun.  
Lou hill dabére , é lou pai pibe ;  
Quén passan lou loun d'ibe ribe ,  
Tres gouyates ban rencountra.  
Le mé youene es bouté à crida :  
Gran nigaut , et héi mau l'arreye ?  
Pendén qui lou gouyat tourteye ,

Qui s'estripe de ha camin,  
Bous plan à d'aise siou Martin,  
Arrequincat com ibe espouse. . . .  
Béi-t-en au diable ; eh, qu'és yelouse ?  
Eh , soun aco lous touns alias ,  
Dits lou pai ? Hique aci lou naz ,  
Male bésti , tros de carrougne.  
— Qu'as dit , penail , gusas , ibrougne ,  
Cap de porc ? Parle , héi ! lairoun ;  
Couan-t-a qu'és sourtit de presoun ?  
Ah , lou cournard ! ah , lou bagatye !  
Couan de pais abé lou mainatye ?  
Com se disén trop de bertats ,  
Chic à chic qu'es soun separats.  
Cependén lou pai que sounyabe  
Que lou hillot s'estroupiabe.  
Gouyat , s'ou dits , pibe darré.  
Com aco n'iram pas à pé  
Ni l'un ni l'aut. Ibe aute troupe  
Qui bet que l'asou porte en croupe,  
Qu'en a pitat ; é de crida :

Be lou bats au diable ablada.  
Dus asous sus ibe bourrique !  
Quéign tretats lou bill doumestique !  
Miserable praube baudét !  
Eh , lou bats béne per le pét ?  
Ets dabéren. L'asou de courre ;  
Trop plan lou fretaben le bourre.  
Lou moulié n'ére fort countén.  
Troben encouare un aut balén.  
Qu'es dounc arc , s'ou dits , le mode ,  
Pendén qui moulié s'incoumode ,  
Que lous méstes troten à pé ,  
Que l'asou tout fres é lauyé  
Hasqui petarrade é gambade ?  
Eh , lou miats à le premenade ?  
Tantos quén serats arribats ,  
Ichugats-lou de tous coustats :  
Ayits souén d'ou da le cibade.  
Y'at merite , plan l'a gagnade.  
Per le sembrious , dits lou moulié ,  
Y'en despiti lou mé sourcié

De quouate légous à le rounde ,  
De ha cause au grat de le yén.  
Si counseillés daben aryén,  
N'en y aure tan permi lou mounde,  
Au diable sin ! qu'es lou mé court  
D'ous lacha dise, é ha l'ichourt.



## F A B L E   V I.

*Lous Membres é lou Bênte.*

LE bouque , lous pés é lous bras  
Fort se plaignén , fort éren las  
De tan tribailla per lou bête.  
Çà , hém com et , bibem de rénte ,  
S'ou disén lous membres yelous.  
Ahamiam aquet perguessous :  
Que bibi d'ér à l'abenture.  
Plan caira com higue madure.  
Bioque toutyour lou cau fourni ;



Ab pene é sudou lou nauri  
De biande, de pan, de poutatye,  
Chéns ne tira nat abentatye.  
Bére mine aure lou gloutoun  
Chéns nous autis ! Lacham-lou dounc.  
Héit com dit, dehens é dehore,  
Tout s'estanque à le mediche ore.  
Le bouque ne bo mé s'oubri;  
Arrei mé ne porte l'esqui;  
Mans de da céssen, é de prene;  
Cames d'ana ; bras à le pene  
Tà plan renouncen, qu'à le fin  
Lou praube bête de toupin  
Bin flac é mé plat qu'ibe sole.  
Airei n'y hentre. Et qu'es desole :  
Més tous lous membres, d'aut coustat,  
Que soun enconare en peye estat.  
Bincuts secs, languits, chéns puchénce,  
Lou besougn qu'ous tin en souffrénce.  
Com au co lou sang s'estarich,  
Tout lou cos héi atau medich.

Labets lous garrhés que counechen  
Lou tort qui-abén, é que counfessen  
Que lou qui d'un esprit yelous  
Espiabén com un perguessous,  
Mé que tous ets que tribaillabe  
Per le coumune, é meritabe  
A boun dret toutes les aunous.  
Aqueste fable qu'es l'imatye  
Dou sort dous sutyets é dou rei.  
Si lou puble n'ou dau arrei,  
L'estat es en triste esquipatye:  
Més si le sudou dou païsan  
É lou geni de l'artisan  
Baillen quoque part de l'oubratye;  
Si lou marchan pague au péatye,  
B'es segu que tout ira plan.  
Més que le taille, é lou partatye  
Se hasquin com es de resoun,  
Quén bira le bére sesoun.





## FABLE VII.

*Lou Lioun é l'Arrat.*

**V** AMÉS un serbici rendut,  
Per petit que sî, n'es pergut.  
S'y-a quoqu'un qui n'at bouilli crede,  
Tout are que l'at bau ha bede  
En aqueste narracioun.  
Un arrat de race bastarde,  
En sourtin d'un hourat pregoun,  
Es hica, chéns y prene garde,  
Entre les pates d'un lioun.  
Lou fier animau que l'espie,  
É toucat de coumpassioun,  
Qu'ou dau le bite, é qu'ou rembie  
En case. Douncques arriba  
Qu'un your de le semane en-là,  
Sire lioun houeÿen le casse,

En sourtin dou bosc , es gaha  
Aux arrêts tenus sus le passe.  
N'y-abé nat mouyén d'escapa :  
Tan mé birabe é turmentabe ,  
Tan é tan mé s'embarrassabe.  
L'arrat , qui de louegn l'entené ;  
Braman , cridan misericorde ,  
Drille au loc d'oun lou brut biné ;  
É dab les déns , com plan sabé ,  
Hïou per hïou desseyen le corde ,  
Que delioure lou presouné.



## F A B L E V I I I.


*Lou Loup bestit en Auillé.*

UN loup mé ne hasé poutatyé  
D'agnéts ni moutouns dou besiatyé.  
De louegn qu'ous guignabe , de pou  
Dou bensill de Guillot pastou ,

É dou soun can tustém alérte.  
L'un é l'aut éren fort hardits.  
Trébe dounc à le guérre oubérte ,  
É yougam de ruse , s'ou dits.  
A le barbe de tan d'auyami ,  
Loup n'es héit per mouri de hami.  
B'ets cliqueréi , caste de sots !  
Plan s'affaite un pa de caussots ;  
N'ére besougn de prene botes.  
Que s'arrecapte hens les culotes  
Le sou coude ; pren lou chapéou ,  
É le price , é le cornemusc ,  
É le houlete. Lou miquéou  
Mascat atau , per mé de ruse ,  
Yuste que s'aure escriout siou naz :  
Que soui Guillot , ne branlits pas.  
Lou balén en tau esquipatyé ,  
Dret com un pau , hentre à l'ertatyé.  
Que trobe lou can adroumit ;  
Lou pastou yasut sus l'érbete ,  
Que rounflabe com s'ére au llit ;

É lous moutouns é le musete  
Repausaben atau medich.  
Qu'ous aure boutats en hachis ;  
Més lou dessein de l'hipoucrite  
Qu'ére d'entreti le marmite,  
É d'ous crouca l'un après l'aut.  
Que lous apére de le porte ,  
Dibe buts arrauque é tà horte ,  
Qu'au brut tout s'esbeille en sursaut.  
Alérte ! au loup ! Biste qu'es saube ;  
Més tan l'embarrasse le raube ,  
Qu'en boulen houeye ent'ou taillis ,  
Qu'es camelote , qu'es chaupich.  
Grans cops de matou com perouilles  
Plaben siou boulur de les ouilles ,  
É lou can à boun cop de dén  
Que l'esperreque , é mort l'estén.  
Un fourbe qui cerque à susprene ,  
Per quoque endret es lache prene.  
Qui si qui-es loup , en loup déou ha :  
Qu'es mé segu que d'es masca ,

En chanyan de peille é de cape,  
 Un malestruc qui tén l'atrape,  
 S'y gahe et-medich quoque cop.  
 Checun soun mesti n'es pas trop.



## F A B L E I X.

*Les Graouilles qui bolen un Rei.*

UN puble arrauc é fantastique,  
 Las de bibe sigoun soun grat,  
 Un rei que s'abé demandat.  
 Dou céou qu'en cat un pacifique,  
 Si cadut ére siou pabat,  
 Quoque coste at aure pagat;  
 Més Yupin, en boun poulitique,  
 Cabbat l'aigue l'abé yitat,  
 É per'co ne s'ére anegat.  
 Graouilles toutes espaurides  
 A le houeite, aux hourats les ibes,

É les autes hens lous youncas,  
S'apriguen enti-au béc dou naz.  
N'ausaben espia lou bisatye  
Dequet rei ; car qu'ére tà gran,  
Que lou prenén per un yigan.  
A le fin ibe pren couratye:  
Chic à chic qu'aproche en tremblan.  
Ibe aute après en héi autan.  
Bére troupe aqueste seguibe ;  
É ne beden qu'ibe soulibe,  
Que s'y hén à force à crida.  
Toutes enfin de-ci, de-là,  
Abançan à bére palade,  
Qu'en y bin ibe arroumicade;  
É chéns respéc p'ou soun segnou ;  
Qui-aban les hasé tan de pou,  
Qu'ets e lou sauten sus l'esparle.  
Lou sire at souffre, é s'està chouau.  
Quéign pec, s'ou disen, d'animau,  
Qui ne remude ni ne parle!  
N'abem qu'aha d'un tau nigaut,



Yupitér, baillats-nou'n un aut,  
Yupin les embie ibe grue,  
Qui les esperreque, les tue,  
Qui les cluque plan à lési.  
Lou chanye ne les héi plési :  
É de ha nabét tintamarre.  
Labets lou Dìou, puble bisarre,  
Per qu'et plaings, s'ou dits, dous  
rouns maus ?  
Que bibés chéns méste en repaus :  
Qu'as boulut un rei à le place ;  
Que te l'abi dat boniface :  
N'éres countén dequet-aqui ;  
D'un aut que t'a gahat l'embeye.  
Que l'as augut, que t'y cau tî,  
De pou d'en abe un qui sì peye.



F A B L E X.

*Lou Renard é lou Bouc.*

**R**ENARD é bouc, dus grans cou-  
quins,  
Bét couple de race pudénte,  
Amics despuch sourtits dou bête;  
S'en anaben com pelerins.  
Renard sabé tours é bricoles:  
Quén passaben per un aigué,  
Sauts hasé, béres cabrioles.  
Lou barbut n'ére tà lauyé.  
Béts cors pourtabe sus le tésse;  
Més d'esprit, n'en abé de réste.  
Siou miyour, escanats de set,  
Lou renard lou premé que bet,  
Per bounhur, un puts d'aigue bére.  
Auta'spért lou couple y dabére

L'un darré l'aut, chéns s'abisa  
S'y-abé mouyén de repiba:  
É de gala de bone sorte.  
Quént an bebut , bets-tu le porte  
Per sourti , s'ou dits lou renard ?  
Nou , perdi , respoun lou cournard.  
Çà dounc, qu'êi troubat ibe ruse ,  
Replique l'escroc à le buse.  
Llébe lous pés ente capsus ;  
Apuye plan lou naz dessus ,  
Qu'et grimperéi capsus l'arreye :  
( De plési lou bouc coudiqueye. )  
Dous cors enhore dab un saut ,  
B'es segu que seréi là-haut.  
Aprés aco , chéns nade pene ,  
Qu'et deréi le man , s'em pots prene.  
Per ma barbe , dits lou cournut ,  
Aquère hau mé d'un escut.  
Bibe le yén fine é rusade !  
Yamés , qu'aboûi , tau pensade  
Ne m'aure passat per l'esprit.

Plan s'amaine com l'aut a dit.  
Renard grimpe : quént es dehore,  
Bét sermoun héi à le pécore.  
S'abés , s'ou dits, tan de resoun  
Com de barbe autour dou mentoun,  
Hens lou puts , com un estupide  
N'aires sautat. Cride dounc, cride  
Tan qui bouillis ; prou ne soun hort  
Per te hala dessus lou bord.  
En baguenau lou bouc s'alounque.  
Yéns à gran barbe , qui's qui sin,  
Soun mé pécs que l'aigue n'es lounque.  
En tout que cau espia le fin.





## FABLE XI.

*Lou Briac é le Mouillé.*

TOUTS que seguim le noste umdu.  
Tau qu'es gourman , tau youguedou ;  
Aques abare , aquet ibrougne ;  
Filis n'aime trop le besougné.  
Enfin checun a sa houli ,  
É yamé crénte ni bergougne  
N'empacha de courre au plési.  
Certén quidam à routye trougne ,  
Un bauriën , un mouque-cuyoun ,  
Lou cos , l'esprit é le resoun  
S'afflaquibe à force de bébe.  
Premé qu'un ibrougne nè crébe ,  
N'es soubén à mitat camin ,  
Que l'aryën manque au pelerin.  
Aques , plei dou yus de le treille ,

S'abé lachat hens le bouteille  
Tout lou sens , é , com un couchoun ,  
Que s'ére anat yase au meitoun.  
De droumi plan s'arrigoulabe.  
Brabemen pendén qui rounflabe ,  
Le mouillé bin autour dou cos  
Pendrilla cinq ou chis crusos ;  
L'aprigue d'un drap mortuère ;  
Plan fricasse en ibe padère  
A l'ougnoun chis cos de moutoun ,  
É que lous porte au biberoun.  
Bestide ére com Proserpine.  
Lou briac qui sén le cousine ,  
Que s'esbeille tout en sursaut ,  
Espie d'un coustat é d'aut ;  
É beden prés d'et l'ahumade  
Lou presentan le marinade ,  
Qui és-tu , s'ou dits , é que bins ha ?  
L'aute , en se coubrin de le mante ,  
Que soui , s'ou dits , le goubernante  
De le mort : qu'èi souén de pourra

Aux sepelits de que minya.  
Beyats se bous plats d'at recébe.  
Lou marit respoun chéns pensa :  
Eh, ne lous portes pas à bébe ?



## F A B L E    X I I.

*Le Goute é le Tardagne.*

D I B E S baléntes en deroute ;  
Dame tardagne é dame goutte,  
Per turmenta mantr'ibe yén,  
Prengoun un camin differén.  
Aud'un manan à le campagne  
Le goutte ére anade loutya.  
En ibe bile le tardagne  
Aud'un abesque s'engatya.  
Aqueste dounc, le citadine,  
Au bét saloun de l'abescat,  
En dus yours que s'abé hilat

É tramat ibe tele fine.  
Més un yelous noun meigns balén,  
Desseyé l'oubratye au moumén.  
Le tardagne n'es rebutabe;  
Noueir é your hilabe é tramabe;  
Dou palés hasé bét courtil.  
Aute tele, aut cop d'escoubiil.  
Enfin le bestiole indignade  
Quite, é cerque le camerade.  
Que le trobe aud'un porte-esclops,  
Mé malhurouse mile cops  
Que le miserable tardagne.  
Eh dounc, s'ou dits, noste coum-  
paigne,  
Quéign bous troubats ? Ah ! chéns  
menti,  
S'ou respoun, qu'anabi parti.  
Aques diable em frete, em tracasse :  
Engouens, cataplasmes, ligasse,  
Arrei nou cau : n'em lache en pats :  
Qu'em premene au bosc com aux prats.



Le goute, s'ou disen, matade  
Ne pot arrei countre le yén.  
Au rebous, quént es engraignede,  
Le griffe s'aguse é le dén;  
Mé hort mouchique qu'ibe abeille:  
Mé l'adroumits, é mé s'esbeille.  
Lou pacién cride en baguenau:  
Cau pati, sarra lou cachau.  
Le goute dounc deyà fort lasse,  
Chanyam, dits à l'aute, de place.  
Que poudets aci damoura,  
É you que m'en iréi loutya  
A l'abescat. L'accord qu'es passe.  
Le goute part ent'ou prelat,  
É tout l'an qu'ou tin siou grabat.  
Ab remédis de toute sorte,  
Le goute bin tustém mé horte;  
É le tardagac, aud'ou manan  
Ne l'esprien un cop per an.  
L'ibe é l'aute y troben soun counde.  
Atau lous maus tinen au mounde:

Tan mé lous tretats en amics ,  
Tan mé soun lous bos énemics.


## F A B L E   X I I I.

*Lou Loup é le Cigougne.*

**L**OUS lous minyen gloutounemen,  
 Un counbidat en un regale  
 Que s'ére pressat télemen ,  
 Qu'au houns de le gorye ibe bale ,  
 Ou quoque diable d'os agut  
 Anabe escana lou goulut ,  
 Si n'ou bin ayude. Lou héré  
 Fort embarrassat , punit ére  
 Per l'endret qui-abé pres plési.  
 Lous uns per-ci , lous auts per-quí ,  
 Per l'atrét mignoun qui'ns emporte ,  
 Touts ém punits en quoque forte.  
 Tant-y-a dounc qu'et ére escanàt ,

Si quoqu'un n'en abé pitat.  
Ibe cigougne , per fourtunc  
Passan per-là , yutye à le sunc  
Dou coumpai loup , quoque accidén.  
Que s'aproche , bet lou doulén  
Qui le héi signe , oubrin le gule.  
L'aute à trubés le mandibule  
Hique lou béc ente cabbat ,  
Hale l'os. Lou loup deliourat ,  
Adiou , s'ou dits à le cigougne.  
Eh , qui'm paguera le besougne ,  
Moussu , s'ou respoun au gloutoun ?  
Aquet tour hau un ducatoun.  
— Paga ? qu'eb truffats , ma coumére.  
B'ets e l'ats escapade bére !  
Quént abéts lou cap hens lou cot ,  
S'ets e l'abi trencat ? . . . . Cho-mot ;  
Retirats-bous , qu'ets ibe ingrate.  
N'em binits mé debat le pate ;  
Ou qu'ets pagueréi de faïcoun ,  
Que mé n'auserats . . . Anats-bou'n ;

Que n'ets at cailli pas mé dise.  
Ab grans yamé n'ayits aha:  
A tout ets troben à redise.  
Qu'en couste de lous offensa,  
É quocop de lous obliga.  
A le yén charre, à le praubesse,  
Ne passen le mendre peguesse;  
É s'en recében quoque bei,  
Aco n'es coundat per arrei.



## F A B L E X I V.

*Lou Renard é lous Arresims.*


**B**OUNS oubrés n'an tustém be-  
sougne.

Un certén renard de Gascougne,  
Biarnes beilléou, beilléou nourman;  
Aco n'importe; lou truhan  
Anat ére en pelerinatyé,

Ou, si boulets, en garrouatye.  
Qu'abé bét courre, en nade part  
Ne troubabe un boucin de lard,  
D'apetit per'co ne manquabe.  
Lou fourban, un your com passabe  
Prés d'ibe treille de muscats,  
Luséns, madus, haut pendrillats,  
Coundan de s'en freta le gaute,  
Llébe lou cap, saute, ressaute.  
Bin cops qu'es passe lou garrhus  
Un bét pam de léncou p'ou mus:  
Aigues lou binén à le bouque.  
Chis pàs de piocs ab ibe clouque  
Ne l'auren héit mé de plési:  
Tan n'y-abé de bêts à causi.  
Que s'estire, é pren l'abiade.  
B'et-y deréi quoque dentade,  
Ou b'y perderéi moun latin!  
Hep! tan que sauta, qu'à le fin  
Las ére fort. Tan mé sautabe,  
Tan mé dous muscats reculabe.

Tant-y-a que lou praube ahamiat,  
Las, afflaquit, yuste crebat,  
Que soun trop berds, s'ous bouté à  
dise ;

N'ei qu'aha de rau marchandise.  
Que les gouyes é lous baillets  
S'ous minyin; qu'es biande per ets.  
Atau fort soubén ibe buse,  
Com lou renard, qu'es desencuse ;  
É quén ne sab oum se gaha,  
N'es pas, s'ou dits, lou mei aha.



## F A B L E X V.

*Lous Loups é lous Moutouns.*

**A** PRÉS mile ans é mé de guerre,  
A le fin lous loups bagabouns,  
Mé méchans que gréle é tounérre,  
Hasoun le pats ab lous moutouns.

Touts y-abén medich abentatye;  
Car si lous lous hasén poutatye  
D'un praube moutoun esgarat,  
Mantr'un loup ére pét-birat.  
Lous auillés plan que lous fretaben,  
É de les sous péts s'affaitaben.  
Atau lous, moutouns é pastous  
Bibén en grigne é malhurous.  
Le pats se héi dounc. Lous per gatyes  
Aux moutouns que dan lous mainatyes,  
Loubats d'un an, petits enfans.  
Lous moutouns dan aux lous lous  
cans.

Tout qu'es régle per coumissari,  
É per countrat daban noutari.  
En meigns d'un an, adìou le pats.  
Baduts grans messius lous loubats,  
É deyà frians de carnatye,  
Prenen lou téms, per ha rapatye,  
Que lous pastous, chéns nat souci,  
Éren dehore à's diberti.

Lous pendants à bère dentade  
Que hén ibe capiloutade  
D'ouilles, d'agnéts é de moutouns.  
Aprés qui-an acabat l'oubratye,  
Ent'ou bosc que hén mantr'un biatye,  
Per en ha part aux coumpagnouns.  
Lous cans sus le pats es hidaben,  
É de droumi s'arrigoulaben.  
Lous loups en secret abertits,  
Qu'ous estranglen tous adroumits.  
Aux harnious, à yén de queréle,  
Guérre cau ha countinuéle.  
Arrei n'es mé dous que le pats,  
Bertat es; més dous scelerats,  
Que l'espade, que lou tounérre  
A yamés en purgui le tэрre.





## F A B L E   X V I.


*Lou Lioun bincut bill.*

**U**N lioun, méchan persounatye,  
 Tan hasé de maus, de fracas,  
 Que lous animaus dou besiatye  
 N'ausaben mé mucha lou naz.  
 Touts abén tà chic de couratye,  
 Que cors, griffes, talouns ni déns,  
 Aux miserables impoténs  
 Ne serbiben à nat usatye.  
 Lous tigres éren intandans,  
 Loups ministres, ours partisans.  
 Drets, tailles, désimes, ustansilles  
 Que desolaben les familles.  
 Aquet detestable lioun  
 Arre-hill ére de Néroun.  
 Touts disén : Lou diable l'y sequi !

Que

Que l'emporti , que l'esperrequi !  
Aco ne serbibe d'un clau.  
Enfin bincut bill é malau ,  
Languit , é yasut de feblesse ,  
Checun s'empresse à lou ha mau.  
Lou béou , lou can é lou chibau ,  
Chéns nat respéc per le billesse ,  
Binen se benya lous premés :  
Tustém bau mé tard que yamés.  
Lou béou que s'aproche é lou hule :  
Lou chibau per le mandibule ,  
Plan herrat é plan clabeirat ,  
Que l'en dau chéns nade pitat ;  
É lou can à bère dentade  
Qu'ets e lou boutte en un moumén  
Lous gatillas en marmelade.  
Lou pendar abé bone dén.  
Lou renard que l'en héi mantr'ibe.  
Lou praube billacou de rei  
Trucs é patacs , chéns dise arrei ,  
Mouchics, cops de cor , tout souffribe :

Quén beden bi l'asou tabei,  
 É lleba countre et le sou came,  
 Qu'auseres, pelat insoulén !...  
 — Biret aquere cependén.  
 Ah ! qu'es trop, s'ou repren, infame ;  
 Dous auts n'em couste de souffri :  
 Tu qu'em héis doublemen mourir.



## F A B L E X V I I.

*Le Hemne anegade.*

N E soun pas you dequets qui disen :  
     n'es arrei,  
     Qu'es ibe hemne qui s'anégue.  
 Qu'es fort, au mei abis ; puchque le hemne  
     héi,  
     ( Et cêrtes persoune n'at négue )  
     D'ou qui s'ab plan se le causi,  
     Toute le yoye é lou plési.  
 Si dounc ere atau es au besougn noste  
     ayude,

Be merite à boun dret au meigns d'esta  
 plaignude ,  
 Quén l'y bin lou mé gran dous maus,  
 Aço n'es pas hor de prepaus ;  
 Car que s'ayîs en deques counde  
 D'ibe qui, chéns s'en abisa,  
 De cap en ibe aigue pregounde  
 Êre cadude, é s'anega.  
 Lou marit qui fort se l'aimabe,  
 É qui boulé le sepeli,  
 En baguenau l'aigue hourucabe :  
 Lou cos ne poudé descoubri.  
 Dus omis qui labets passaben  
 Lou loun de l'arrîou, que l'espiaben.  
 L'un qu'ou dits : Amic, que cercats,  
 S'ou pensi, le praube anegade ?  
 En driban que le trouberats.  
 De segu que s'en es anade  
 Dab lou courrén ente cabbat.  
 Nou, s'ou dits l'aut, qu'aura pibat  
 Loueng ente capsus l'arribéire ;

Car le caste porte-drapéire  
Héi tustém le cause au rebous.  
Qu'es le sou méthode cheride.  
N'ére cértès lou cas d'arride :  
Més, atau que sî lou soun gous  
É lou tic de fort de feméles;  
Que lous marits hasquin queréles  
Sus aquet pugn à les mouillés,  
Chéns boule yutya lou procès,  
B'es segu qu'arrei ne counténte  
Lou qui-a l'umou countradisénte.  
Tau qui-es nascut, tau bibera :  
Tau qui-a biscut, tau mourira :  
Enti-à le fin tau que sera,  
É, si pot encouare, au-delà.



---

F A B L E   X V I I I .

*Le Daune-bére hens un grayé.*

**L**E daune-bére au cos menur,  
A le pét lise , é mus agur,  
Qui sourtibe d'esta malaude ,  
Abé besougn , per s'arreja ,  
De quoque pioc , ou quoque alaude :  
Més ere abé bét en cerca  
Den touts lous couts dou besiatye ,  
Arrei n'y troubabe à minya.  
A le fin , préste à s'en ana  
Espìouga d'en quoqu'aut ertatye ,  
Que bet un hourat fort estret ;  
Qu'y hentre , é qu'arribe tout dret  
Hens un grayé. Tout que bisite ,  
Sacs é taulots. Dìou sab le bite !  
Qu'ére en loc de probisioun.  
De lard , de roumen , de lindoun ,


Chéns soupic é chéns nade crénte,  
Qu'es pleyabe à lési lou bente.  
Le bére tan s'arrigoula,  
Que badou grasse é reboundide.  
Au cap de le semane en-là,  
Un matin , com s'ére adroumide ,  
Aprés abe plan dejunat ,  
Tout d'un cop un brut que l'esbeille.  
Biste de courre ent'ou hourat ;  
Més n'y pot ha passa le peille.  
Que ba , que bin , houruque en tout  
coustat.

Qu'es dounc aço , s'ou dits ? aci b'abi  
passat !

Haut tapit sus un cabiroun ,  
Un arrat d'un air fanfarroun ,  
En se truffan , le dits : Le meye ,  
Labets cêrtes n'abéts le bendresque tà  
pleye.

Magre qu'érets aban hentrade ;  
Magre are qu'ets carra sourti ;

Ou si lou partit n'ets agrade,  
 Mé gran mau qu'ets carra pati.  
 Aço n'es que le ressemblance  
 De yéns qui magrestins hentrats  
 Den le gabéle é le finance,  
 Bét-espért s'y soun engrachats.  
 Le letçoun prou que lous regarde:  
 Plan lous bau de s'y prene garde.



F A B L E    X I X.

*Lou Lioun amoureux.*


UN lioun de haut parentatye,  
 En premenan lou loun d'un prat,  
 Que rencountra siou soun passatye  
 Ibe pastouréle au soun grat.  
 Que le demande en maridatye.  
 Lou pai qu'aure fort souhetat  
 Quoque yendre un chic meigns ter-  
 rible.

Giv



L'accourda qu'ou semblabe du:  
Le refusa n'ère segu.  
Même n'ère que trop possible  
Qu'aussen bis quoque hét matin  
Un maridatye clandestin;  
Car outre qu'en toute manière  
Le hille ére per les yéns fiérs,  
Gouyate es coueife bolountiérs  
De galans à lounque crinière.  
Lou pai dounc, en omi caitous,  
N'ausan rembia noste amoureux,  
Que lou dits : Le meye mainade  
Qu'es fort rendre é fort delicade.  
Lachats-bous dounc sega les déns,  
É les uncles en medich téms,  
Per que sî chéts inquiétude,  
É que n'ayi pou d'es blassa,  
Quén bous le bouillits caressa.  
Atau que le serats meigns rude,  
É qu'ets dera mé de plési  
En respounen au bos desi.

Lou boun lioun, l'amne abuglade,  
Agradan le coundicioun,  
Com ibe bile boulegade  
Per le mine é per lou canoun,  
Espért qu'es trobe chéns défense,  
Chéns déns, chéns griffes à les mans.  
Labets que lou largan lous cans :  
Que hasou chic de resistéce.  
Amou, amour, quén tu nous prens,  
Plan qu'es pot dise, adlou lou sens.



## F A B L E      X X.

*L'Ason é lou Cagnot.*

**L**E nature à fort chic de yén  
De plase à baillat lou talén.

Qui ne s'en sén capable  
Ne déou pas s'en merla,  
Per ne pas ressembla  
A l'ason de le fable :

Asou dous asous lou mé sot ,  
Qui beden un petit cagnot  
Caressat per le sou mestresse ;  
Que dounc , s'ou dits ! per lou mignoun  
Seran lous engraïns , le caresse ,  
É you qu'auréi cops de bastoun ?  
É que héi ? que baille le pate  
Quén l'y demanden , é qu'afflate  
Dab lou mus madame é moussu.

Puch checun que lou baise.  
S'en cau ha autan , de segu  
B'at heréi fort à d'aise ,  
Auta plan qu'aquet mouquirous.  
Dens aquere rare pensade ,  
Un certén your de regalade ,  
Qui lou méste ére tout gailyous ,  
Qu'abance , llébe un pé rounous ,  
Dab le corne usade é cascante ,  
Fort amourousemen que l'y porte au  
mentoun ;  
É per mé d'ornemen , que cante

En medich réms ibe cānsoun ,  
Tout com sabé , douce é charmante.  
Oh , oh ! le bère buts , é le broye faïçoun ,  
Dits lou méste ! Holà ! biste à you  
lou bastoun.  
Lou bastoun cat dessus lou roussin d'Ar-  
cadie.  
Atau finich le coumedie.


---

F A B L E   X X I.

*Lou Hagot floutan.*

Q U O Q U' U N sus l'aigue que bedé  
Quocause qui lou pareché  
Auta gran qu'un nabïou de guérre.  
Puch qu'ou sembla qu'ére un flibot ,  
Puch un batéou , puch un hagot.  
Couan n'y-a com aco sus le tэрre ?  
Chéns cerca , couan ne trouberei ,  
A qui plan coumbire le cause ?

De louegn que parechen quocause,  
De prés beden que n'es arrei.



## F A B L E   X X I I .

*Lou Renard é lou Masque.*

ESCOUTATS, bous à qui le fourtune  
fantasque

A refusat lou sens , é baillat fort d'aunous.

Lou renard que trouba sus le carréire un  
masque ,

Qui-abé le pét lusénte , é de béres coulous ,  
Més lou dehens tout boueit. Que s'arréste  
ibe pause

A lou counsidera ; puch reban sus le cause ,  
 Ah ! qu'iques cap , s'ou cride , es bét !  
 Doumatye que n'ayi cerbét.



F A B L E   X X I I I .

*Lou Loup , le Crabe é lou Crabot.*

LE crabe , aban de s'en ana  
Pâche ent'ou bosc l'érbe nabére ,  
Qu'abé dit au crabot : Açà ,  
Pren garde , si quoqu'un t'apére ,  
Per le bite , d'oubri , si n'enténs per signau  
Aques mots : *Fou dou loup !* Quént a parlat  
atau ,

Que sort , é que barre le porte.  
Lou loup qu'entené le letçoun ,  
Cachat en un cout de faiçoun ,  
Que qui's qui sí , de nade sorte  
N'ou poudé bedé. Lou fripoun  
Qu'aproche , que truque à le porte ;  
É puch , en escarnin lou toun  
É le buts douce de le crabe ,  
Que cride : *Fou dou loup !* coundan ,  
A dequet signau , com un brabe ,

D'es hica dehens tantecan.

Lou crabot qui-ére un boun espiégle ,

É tabei un chic menchidlou ,

Arreguignan per le henégle ,

Qu'ou dits : Muchem si lou toun péou ,

Qui's qui sis , ou crabe ou bagatye ,

Es blanc , ou n'iréi pas r'oubri.

( Péou blanc n'es pas un pugn qui si  
Aude messius lous loups autemen en usatye. )

Aques fort estounat d'enténe un rau len-  
gatyé ,

Bire ente case fôrt capot.

Oun en sere estat lou crabot ,

Si n'abé demandat à bede

Lou qui cercabe à l'en ha crede ,

En parlan sigoun lou signau ?

Quént es questioun de quoque mau ,

Ou de quoque énémic à cregné ,

Dehore ou den le sou maisoun ,

Un omi saye ne pot prene

Yamés trop de precaucioun.

F A B L E   X X I V.

*Paraule de Socrate.*

S O C R A T E que hasé basti :  
É yéns de critica l'oubratye.  
Aço , s'ou dits l'un , chéns menti ,  
Semble le case d'un saubatye.  
A l'aut n'agrade l'escalé ,  
Ni lou pati , ni lou grayé ;  
É tous coumbinén que les crampes  
Ne poudén serbi que per pampes ,  
Tà chic s'y poudén remuda.  
Cértes be se le pot gouaita :  
Nat de nous autis ne l'y-embeye.  
Atau disén lous souns abis.  
Malaye que de brais amics ,  
Tau que sì , s'ou dits , sousse pleye !  
Lou boun Socrate abé resoun.  
Checun qu'es dits amic ; més ho qui s'y re-  
pause.



---

Arrei mé coumun qu'aquet noum ;  
Arrei mé rare que le cause.

---

F A B L E   X X V.

*Lou Pai é lous Hills.*

UN pai-boun plegabe bagatyé :  
Que partibe , hélas ! per un biatyé ,  
Que bous herats , é you tabei.  
Lou mé riche n'y pot arrei.  
Lou manan abé tres mainatyés ;  
Bone maisoun ab dus estatyés.  
Enfans , s'ou dits , accourdats-bous ;  
S'its units , que serats hurous.  
Un pugn de canets ligue ensemble :  
Poudats-lous , s'ou dits au mé hort :  
Qu'ets diseréi ço qu'aco semble.  
L'ainat lous pren , héi un effort :  
Ne bin à bout de l'abenture.  
Lou sigoun es bouté en posture :


Assaye

Assaye, plégue en baguenau.  
Prestats à you, dits lou tresau.  
Com aux auts lou paquet resiste.  
Baillats, dits lou pai, au mé biste.  
Espïats plan; you gatyi soulet  
D'esbrigailla tout lou paquet.  
Nou herats, disen lous mainatyes.  
Que si, que nou, bouten à gatyes.  
Lou papoun desséi lou paquet,  
É poude à parts cheque canet.  
Puch, hillots, aço que bo dise,  
Qu'aurats aryén é marchandise,  
Tan qui sits units é ligats,  
É qu'ayits ensemble le pats.  
Més, au rebous, male chicane  
Ablade le yén é l'escane.  
Quén se hén procès per arrei,  
A le dribe atau ba lou bei;  
É com lou paquet en canéle,  
Roubits serats, si'ts héts queréle.  
Tout lou téms qui lou mau dura,

Atau medich tustém parla ;  
Enti-à qu'à le fin , com sentibe  
Que n'abé que fort chic à bibe ;  
Enfans , s'ou dits , dens un moumén  
Ne seréi dab bous : més de graci  
Proumetets que yamés disgraci  
Entre bous-auts n'arribera ,  
É qu'arrei n'ets despartira ;  
Més com rais en mediche taule ,  
Medich oustau , medich estat ,  
Que bibrats tous dab amistat.  
Checun qu'ou da le sou paraule.  
Que mo , que part ent'ou segrat.  
Bét é boun bei qu'abé lachat ,  
Ab quoques ahas , aux mainatyes.  
Un parén sesich lous ertatyes ;  
Més units com bét's hanetouns ,  
Plan s'en tiren lous coumpagnouns.  
Units an biscut enti-adare.  
Enfin l'interés qu'ous separe.  
Qui ne separe l'interés ?

Paréns , amics , enfans , ertés ,  
Rais é sos , l'infame abarice  
Tout desunich , é tout esquisse.  
Com dounc ne poudén s'accourda ,  
Lou bei que calou partatya ,  
Noun chéns procès , noun chéns coun-  
téstes.

Counsultes , espleits é requêtes ,  
Yutyes , procurairis , saryans  
Que despeuillan lous tres enfans.  
Tà plan que praubes , miserables  
De riches éren abincuts.  
Quén lous maus éren incurables ,  
Dou paquet s'éren soubincuts.





## F A B L E   X X V I.

*L'Abare qui a pergut lou soun tresor.*

L'USATYE soulet de l'aryén  
 Héi le richesse de le yén.  
 O bous , chenitre persounatye ,  
 Cargat , cousut d'aryén é d'or ,  
 Digats-me à qu'eb sérb lou tresor ,  
 Si n'y toucats ? Quéign abentatye  
 Un riche abare a sus un gus ?  
 Égaus lous estimi tous dus.  
 Lou boun Diogéne hens le sou chope  
 B'es auta riche com Crésus.  
 Escoutats lou counde d'Esope.  
 Un omi soul ab fort de bei ,  
 Qui poudé bibe com un rei ,  
 Boueite abé tustém le marmite ;  
 É qu'esperabe ibe aute bite ,  
 Per poudé es serbi dou soun or.

N'ére lou méste dou tresor :  
Qu'en ére , à plan dise , l'esclabe.  
En tэрre que s'abé cachat  
L'or , l'aryén au houns d'un hourat.  
Noueit é your , chéns cэsse y soun-  
yabe.

Un your , pendén qui roundeyabe  
Proche lou loc , un baradé  
Que lou guignabe per darré ;  
É com dou secret es doutabe ,  
Le noueit d'après , chéns dise mot ,  
Que sort de case au cla de libe ,  
É s'en ba gaha lou calot.

Au moumén l'abare qu'arribe :  
Per chic que l'aure pres siou fét :  
Trobe lou nid , més chéns l'ausét.  
Que cat mi-mort : cride biahore ,  
Que s'esperreque , maudich l'ore  
É lous boulurs ; quént un passan ,  
Qu'abets , lou mei , per crida tan ,  
Sou dits ? — Ço qui-éi ? ah , miserable !

Quoque yelous , ou quoque diable  
Lou mei tresor que m'a panat.  
Aci de brai qu'ére enterrat.  
— Enterrat ? ém en téms de guérre,  
Per sarra l'aryén debat térre ?  
En case qu'ou calé gouarda ;  
S'en serbi , lou plan emplega.  
— L'emplega ? que parlats à d'aise,  
Eh bin l'aryén tout com s'en ba ?  
N'ausabi yamés y touca.  
N'oun , s'ou dits l'aut ? qu'en soui  
fort aise.  
Més , respounets : puchqu'es atau ,  
Perqu'ets ran plaigne de le cause ?  
Boutats à le place un caillau.  
Que sera le mediche cause.



F A B L E   X X V I I.

*L'Oueil dou Mèste.*

UN cérbi perseguit n'en poudé mé de  
courre :

Ibe estable de béous rencountre , é que s'y  
fourre.

L'un qu'ou dits : Praube péc , as pergut le  
resoun ,

De bine te hica tu-medich en presoun ?

B'as causit un méchan auspici !

Amics , respoun lou cérbi , ne m'escusits  
pas ;

Qu'eb pagueréi plan lou serbici ,

É qu'ets enseigneréi lous pasteims lous mé  
gras.

Quén bous-autis serats dehore ,

É qu'em beiréi aci soulet ,

Qu'em sauberéi ente caphore.

H iv





Touts qu'ou proumeten lou secret,  
A tout hasard, à l'abenture.  
Sus lou béspe arribe un boué  
Ab un chas siou cot de berdure;  
Puch lous bailers, puch lou bourdié.  
Checun, sigoun lou soun oubratye,  
Que ba, bin d'un é d'aut coustat,  
Chéns bede ni cos, ni ramatye,  
Ni lou cérbi per counsequén.  
Labets l'animau fort countén,  
Es cret saubat. Qu'arremercie  
Toute l'honeste coumpanie.  
Fort plan, dits un béou en minyan;  
Més enti-à que lou coumandan  
Ayi finit le sou bisite,  
N'assegureri le tou bite.  
En deco lou méste parech,  
Qui biné per ha le sou rounde.  
D'un cop d'oueil, espért que counech  
Le negligéce dou soun mounde.  
Qu'es aço, s'ous bouté à crida?

Atau qu'em souegnats lou bestia ?  
Ne bei aci ni hei, ni paille.  
Anem , courrets biste aux grayés.  
Accourdats countre le murraille  
Aquets yungs dab aquets couliés.  
Qu'abets gouei touts, you crei, le cagne.  
En coustere trop d'escouba  
Aqui haut aquere tardagne ?  
Perque ne pas arrecapta  
Aquet heims qui put com le péste ?  
Aques béou qu'em semble malau ;  
Beyats d'oun lou pot bi lou mau.  
Espian per-tout , que bet le téste  
Dou cérbi : que cride à le yén.  
Lòus bailets courren , é s'y hén  
A qui mé. L'un à cops de pale ,  
Un aut à grans cops de bastoun ;  
Enti-à qu'un tresau coumpagnoun  
D'un cop de hourque ets e l'empale.  
Despeçat qui-es , un bét festin  
Héi le famille ; é lou besin

Que pren tabei part à le heste.  
Arrei de tau que l'oueil dou méste,  
S'ou disé Phédre en soun latin.  
Un aut sus aquet pugn sustin  
Que l'amourous n'es pas en réste,  
É qu'a l'oueil au meigns auta fin.  
Sì ço qui's bouilli, lou mei counde  
Sérb de letçoun à fort de mounde.

*FIN DOU SIGOUN LIBI.*





FABLES CAUSIDES  
DE  
*LA FONTAINE.*

---

LIBI TRESAU.

---

FABLE PREMÉIRE.

*Lou Pot de hé, é lou Pot de terre.*

**L**OU pot de hé que proposa  
Au pot de terre de ha biatye.  
Lou terrot qu'es desencusa,  
De crénste de quoque doumatye.

Que soui tà charre, s'ou disé,  
Tà charre, que le mendre péire

M'esbrigaillere com un beire.  
N'en rebire ni cap, ni pé.  
Per tu qui-és hort, qui-as le pét dure,  
Que pots à d'aise passeya,  
Chéns crénte de male abenture,  
Lou mei soupic, lou mei aha  
( Que t'ar counfessi chéns bergougne )  
Qu'es de gouaita lou cam dou houec :  
Cértes per toute aute besougne  
Ne bau, com disen, un perrec.  
Qu'aco n'et bailli inquiétude,  
Amic, respoun lou pot de hé.  
Que sabs que ne soui mensounyé :  
Ab you ne manqueras d'ayude.  
Si siou camin quoque caillau  
S'y trobe qui't miassi de mau,  
Fou n'et déou ha mé qu'ibe paille,  
Quén me carre lioura bataille,  
Entre lous dus qu'em bouteréi,  
É dou trebuc qu'et sauberéi.  
Aquere offre, é le brabe mine

Dou pot de hé qu'ou determine.  
Pot de hé mé fiér qu'un sourdat,  
Qu'es plante dret au soun coustat :  
Puch que s'en ban. De pou de cade,  
Lou pot de terre au camerade  
Hort qu'es tiné , noun chéns doulous :  
Lou sustin n'ére de belous.  
Atau dab mantr'ibe taloche ,  
Com hén lou batan é le cloche ,  
Toc à toc l'un l'aut es truncan ,  
Que caminen cloupin cloupan.  
Més aço n'es que bagatéle.  
Au bét mitan d'ibe banéle ,  
Un boué que ban rencountra.  
Touts au cop ne poudén passa.  
L'on ne sab de quéign bord s'y prene.  
Lou pot de terre passan pene ,  
Com boulé se bira dou bros ,  
Countre l'aut pot qu'es héi en tros.  
Tabei que ne s'y prené garde ?  
Ne cau yamés s'assoucia

Qu'à parts égales , per plan ha.  
 Yéns com yéns , é tripe ab moustarde.  
 Aques dictoum qu'entenera  
 Chéns pene un bouryes de Bayoune ,  
 É beilléou que s'en truffera.  
 Més si lou péc tà mau resoune ,  
 Tan-pis per et : le triste fin  
 D'un dequets pots prou que l'ensegne ,  
 Truffes , noun truffes , que déou cregne  
 Un medich sort quoque matin.



## F A B L E I I.

*Lou Pechot é lou Pesquedou.*

**P**ECHOT, es bertat , baira gran,  
 Pourbu que Diou lou bailli bite ;  
 Més quén sere encouare à le tite,  
 Un cop qui l'abem à le man,  
 Lou lacha à l'aigue enti-à douman,  
 Qu'es cèrtes ibe gran peguesse ;

Car tau que si le noste adresse,  
Ne poudem ens assegura  
Un aut cop de lou r'atrapa.  
Un pesquedou dab l'eparbéire  
Qu'abé siou bord d'ibe arribéire,  
Gahat un your un carpilloun.  
Boun ! coumencemen de gotchére,  
S'ou dits en l'espian le machére ;  
É qu'ou boute hens lou courbeilloun.  
Lou pechot qu'ou dits : Quéigne héste  
Boulets ha de you , lou mei méste ?  
Carpilloun à minya ne pot  
Au mé fourni qu'un boucinot.  
Lachats-me bade carpe , é quén bira le  
pesque ,  
Que m'aurats. Un milord , ou beilléou quo-  
que abesque  
A truc d'aryén qu'em croumpera.  
Au loc qu'ets en carre cerca  
Mé de cén de le meye taille ,  
Per abe un plat baille que baille.



Baille que baille si, respoun lou pesquedou :  
A noueit, chéns mé tarda, mous lou pre-  
diquedou,

Quén sere mé magre le chére,  
Freguit serats à le padére.

Un tin bau mé que dus n'auras.

L'un qu'es segu, l'aut ne l'es pas.



### F A B L E I I I.


*Lou Renard escondicat,*


UN bill renard, é dous mé fins,  
Gran croucur d'éous é de pouraille,  
É bouin casedou de lapins,  
En passan per ibe barraille,  
Hens ibe atrape, per hasard,  
Gahat s'ére en gahan lou lard.  
Tan que segoutou l'embuscade,  
Qu'à le fin s'ére esperrecade.  
Més tout enti ne s'en tira,

É

É le sou coude qu'y lacha.  
Lou cas cértés que lou fachabe.  
Hountous d'es bede tout soulet  
Chéns coude , lou cu ras é net ;  
Com dounc fort triste s'en anabe ,  
Quoques renards que rencountra ;  
É d'abord ibe qu'en sounya.  
Serbitur , s'ou dits , camerades :  
Ats bous-autis coudes coupades ?  
Sapits , messius , que d'are-en-là  
Les coudes n'eb cau mé hala ;  
Les coudes ne soun mé de mode.  
Qu'an troubat le cause incoumode.  
Quén passam per camin hagnous ,  
Ou lou matin quén héi arrous ,  
Les coudes am rustém gouastades  
De fautrique , é mau affaitades.  
Quén soun tà lonques , b'es segu  
Que les coudes flaquen lou cu :  
É sus-tout quént an cous de bénite ,  
Fort héi pachiou coude penénte.

Qu'abets resoun , dits un pelut ,  
É l'abis hau plan un escut.  
Més , si bous plats , birats le care ;  
Qu'ets beyim un chic per darré.  
L'escoudicat , chéns dise gare ,  
Que s'espouffe , é que gagne au pé.  
Lous coumpagnouns de l'apera ,  
É d'ou crida , hua ! hua !  
Més lou balén courré tà biste ,  
Que lou pergoun espért de biste.  
Atau n'arribe aux iffrountats ,  
L'un cop ou l'aut , d'esta huats.





## F A B L E I V.

*Le Daune é les Gouyes.*

U  
À B E daune bille harnieuse ,  
Fort abare , chic pitadouse ,  
Les gouyes ne lachabe en pats.  
De-ci , de-là , de tous coustats  
Birabe le sempiternéle ,  
Per trouba sutyets de queréle.  
Que les dabe per dejuna  
Chis ascles de lin à hila ,  
Huséts , huséres é hilouses.  
Couaille les aigues , escouba ;  
Arrecapta , couse , apreilla ,  
Les dibes praubes malhurouses  
Tan é tan en abén à ha ,  
Que ne sabén oun se gaha.  
Un hasan le bille esbeillabe  
Au pugn dou your. Dés qui cantabe ;

Le houhou sourtibe dou yas ,  
D'un bill mantoulet s'affaitabe ,  
Un cruso pudén alucabe ;  
É le becade au béc dou naz ,  
Cahin caha que s'en anabe  
Ha sauta les gouyes à bas.  
Anem , feniantes , droumillouses !  
Haut dounc , haut lleba , perguessouses !  
Qu'es dounc aço ? rustém droumi !  
Les gouyes n'abén d'aut souci  
Que ha sayin. L'ibe gouyate ,  
Com ibe choque desalate ,  
Embiscade siou matelas ,  
Que s'y tin mé hort qu'un lagas.  
L'aute sus lou bête estenude ,  
Ne respouné mé qu'ibe muda ;  
É le daune à les turmenta ,  
Enti-à que les hasé lleba.  
Més que yuran que lou coumpére  
Mé n'esbeillere le Mégère.  
Dessus le soupe , hasan maudit ,

Dés douman tu seras serbit.  
De fét le gorye augut coupade.  
Més le bille fort estounade  
De n'enténe mé lou hasan,  
N'abé repaus ; hasé tà plan,  
Qu'ibe ore après qui les gouyates,  
Au llit estenudes é plates,  
Ne sounyaben à tambourins,  
É rounflaben com béts barquins,  
Le detestable s'en anabe  
Les segouti, les deschuda.  
Tan les tougnabe é les macabe,  
Your ou nou, qu'es calé lleba.  
Lou cambi ne les agradabe.  
Atau couan de cops au malau  
Lous remédis hén mé de mau ?



## F A B L E V.

*Lou Chibau é lou Loup.*

Q U É N lou triste iber a finit,  
Le campagne que s'en arrit.  
Au prinéms renach le nature:  
Tout que flourich, é le berdúre  
Que counbide lous animaús,  
Béous, moutouns, asous é chibaus,  
A sourti, pâche, é ha gambades.  
Les feméles soun tarritades:  
L'amou héi canta lous auséts:  
Boses, camps, prats, casaus binen béts.  
Lou printéms ressemble à mainades  
Tendres, flourides, affaitades.  
Un loup en dequere sesoun,  
Qui n'abé bioque à l'arremari,  
Per estrilla quoque moutoun,  
Ére sourtit com un coursari,

Dou houns dou bosc. Lou goulifaut  
Birabe per-tout bas é haut.  
Nat n'en bedé. Tan mé cercabe,  
Tan mé le hami lou picabe.  
A le fin, que bet sus un prat  
Un chibau qui n'ére trabat.  
Lou pendard, per lou da le grate,  
Tout chouau sus l'ibe é l'aute pate,  
Que s'apochabe dou roussin.  
Ah ! s'ou disé, lou boun boucin !  
Si moutoun ére le pécore,  
Au nos croc sere de bone ore !  
Més le taille dou coumpagnoun  
Arréste siou cu lou gloutoun.  
Pendén qui lou loup resounabe,  
Lou chibau plan s'arrigoulabe.  
Pou n'abé dequet fanfarroun :  
B'ére segu, se l'atacabe,  
D'es défende à cop de taloun.  
Bouns hés abé : plan s'y hidabe.  
Lou loup dounc biran à l'entour,



S'abise de prene un aut tour.  
Bét coursié, s'ou dits, à le mine  
Qu'em semble qu'éts un chic malau.  
Se boulets prene medecine,  
Qu'ets e l'ordounerei com cau.  
Que soui escoulié d'Hipocrate.  
Pugns, couliques, abibes, rate;  
Le fourbature é lou farcin,  
B'en despiti nat medecin  
De trente légous à le rounde.  
Noun, ne s'y-a bis persoune au mounde  
Per gouari com you lous malaus,  
É sus-tout messius lous chibaus.  
Hidats-bous-y : l'expérience  
Qu'ei de medich que le sciéce.  
Touts an recous au mei talén,  
É que gouarichi chéns aryén.  
Rare pugn, difficile à crede!  
Medecins aimen le mounede.  
Bous bairats gras, lifre, arroundit,  
É tustém qu'aurats apetit.

L'aut , en escoutan lou coumpére ,  
Que lou guignabe à le machére.  
Aprochats , s'ou dits , per darré :  
Ibe bouchorle qu'èi au pé.  
N'y-a pas goueit yours qu'ère fort dure :  
Beyats si-es encouare madure.  
Amic , dits lou loup tout rabis ,  
Quén serets à mitat pouèirit ,  
You'b gouariréi ; ayits couratye ,  
É que bats bedé. Lou bagatye  
Tout prés de hapa lou malau ,  
Com se bachabe , lou chibau  
Que lou largue ibe tau ruade ,  
Qu'ets e lou bouté en marmelade  
Lous cachaus é lous gatillas ,  
É lou pét-bire à quouate pas.  
Yà ! s'ou dits en cridan biahore ,  
B'y soui bincut à le male ore !  
Au diable , quéign un gautimas !  
En quéign esquipatye éi lou naz ?  
Si , com à you , síous os dabén le re-  
mancine

A tan de charlatans qui hén  
Lous doctes é pratics en fét de medecine,  
Couan n'y-aure le gaute en penén!



## F A B L E V I.

*Lou Labouredou é lous souns Enfans.*

QU'AT dic à yéns de tous estats;  
Tribaillats tustém, tribaillats.  
Lou tribail qu'es fort necessari:  
Que hique bioque à l'arremari,  
É que héi bi l'aigue au moulin,  
Le noueit, lou béspe é lou matin.  
Lou tribail de le yén balénte  
Es mé segu que nade rénte.  
Un labouredou plan aisat,  
Prést à parti per lou segrat,  
Aprochats, s'ou dits aux enfans:  
Quouate n'abé: qu'éren prou grans;  
Prou grans éren per se counduise.

Escoutats plan ço qu'eb hau dise.  
Touts quouate que serats ertés.  
Bibets en pats, n'ayits procès :  
Maudite es le yén qui pleiteye.  
Que yamés n'ets gahi l'embeye  
De béne lou camp ni lou prat.  
Un tresor deliens es cachat :  
Lou loc ne séi. Ayits couratye :  
Bouyats, arrebouyats l'ertatye :  
Houdets, birats de tous coustats ;  
De segu que l'y trouberats.  
Trespasat qui-es, cheque mainatye  
De tire qu'es boute à l'oubratye ;  
É de hode, é de pét-bira.  
Lou tresor ne poudén trouba ;  
Més, d'aut coustat, en recoumpense,  
Trente sacs per un de soumence,  
Désme pagade, qu'amassan ;  
É fort counténs, com poden crede,  
De béts escuts en retiran.  
Atau lou pai lous hasou bedé,

En omi saye, aban le mort,  
Que lou tribail es un tresor.



## F A B L E V I I.

*Le Mountagne qui parich.*

À BE mountagne en mau d'enfan,  
Tan se plaigné, cridabe tan,  
Que de route bande au bacarme  
Les yéns courrén en grane alarme.  
Lous uns baléns, officious,  
Lous auts lairouns, d'auts curious:  
B'en y-abé de mantr'ibe sorte!  
Atau courren au houec tabei:  
Tustém carre barra le porte  
Aux qui ne soun bouns à d'arrei.  
Tant-y-a que le pregne mountagne  
Noucit ni your n'ére chéns se plaigne.  
Més tandis qui hasé bêts crits,  
É qué lou mounde ére en l'aténte

De bede sourti dou soun bête  
Ibe bile au meigns com Paris,  
Que s'accoucha d'ibe sourits.  
En sounyan à dequeste fable,  
Doun lou sutyet es mensounyé,  
É le morale beritable,  
Qu'em soubin dequet qui disé:  
Audits tous, qui's qui sits : que bau canta ;  
le guérre,  
Que lous Titans hasoun au Méste dou  
tounérre.  
Qu'ére fort proumete à le yén ;  
Més qu'audichoun ? un chic de bén.



## FABLE VIII.


*Le Fourtune é lou Mainatye.*

SIOU quin d'un puts larye é pregoun,  
Droumibe estenut dou soun loun ,  
Un mainatye encouare à l'escole.  
Youenesse sera rustém hole :  
A dere ne cau matelas.  
Un pai de famille en tau cas,  
Yasut à le place dou drole,  
Aure héit bère cabriole.  
Dame Fourtune hurousemen  
Per-là passe , é tout doucemen  
L'esbeille , é qu'ou saube le bite.  
Puch qu'ou dits : Migoun , un aut cop  
Que sis mé saye. En aques loc  
N'ei coustume de ha bisite.  
S'éres cadut ente cabbat,  
Touts countre you qu'auren cridat :

Cependén qu'ére le tou faute ;  
É , com bets , you n'en poudi mé.  
Prechat qui-a lou youen escoulié ,  
Qu'ou passe le man sus le gaute ,  
É que part. En aco qu'abé certes resoun.  
Tout ço qu'arribé den lou mounde ,  
Le yén at bouté siou soun counde.  
Peguesses é houlis , de tout ere respoun.  
Tau de qui lous ahas ban à le desbandade ,  
Per le sou negligéce ou per le sou brabade ,  
Que s'en pren hardimen au sort.  
Bréf le Fourtune à tustém tort.







## FABLE IX.

*Lous Medecins.*

TAN-PIS, Tan-meille, dus Martins,  
Dus affrouturs de medecins,  
Ensemble un malau bisitaben,  
É sus nat pugn ne s'accourdaben.  
Aques en esperabe fort:  
L'aut què lou credé deyà mort.  
Touts dus estan atau differéns sus le cure,  
Lou malau que paga tribut à le nature.  
Pendén qu'au segrat lou pourtaben,  
S'iou mau encouare disputaben.  
L'un que disé : Qu'es mort tout com at  
abi dit.  
L'aut : Si m'abé credut, qu'aure segu  
gouarit.



FABLE




## F A B L E X.

*L'Asou cangat de reliques.*

UN asou cangat de reliques ,  
Tout coubért d'affaits magnifiques ,  
Pas à pas hasé lou camin ;  
É beden per-tout à le rounde  
Plega lous gueuils à tout lou mounde ,  
Qu'imaginabe lou Martin ,  
Que tout lou mounde l'adourabe.  
Dequer pensa l'esprit tout plei ,  
Lou cap haut , que s'arrequincabe ,  
Prenen per et lou dous encei ,  
Les aubades é lous cantiques ,  
Qui n'éren que per les reliques.  
Quoqu'un debian le sou errou ,  
Moussu l'asou , s'ou lou digou ,  
Boste banitat es trop hole.  
Si n'at sabets , aquere aunou

K

N'es rén à bous, més à l'idole.  
 A fort de yén, com au baudét,  
 Bére peille aprigue le pét.  
 Mantr'un ab béste pingourlade,  
 D'or, d'aryén toute chamarrade,  
 En passan per daban le yén,  
 Héi lou fadouill, lou suffisén :  
 Que pense que le bounetade  
 Si per et; més d'un ignourén  
 N'y-a que le raube saludade.



## F A B L E X I.

*Le Sêrp é le Lime.*

À BE sêrp qui passabe hami,  
 Hentrade ére aud'un orlotyé;  
 É n'y trouban per tout auyami,  
 Qu'ibe lime d'un fin acié,  
 Sus ere à mouchics s'y hasé.  
 Le lime n'y pouden mé tine,

Praube péc, s'ou dits, cap lauyé!  
Que bos ha? Be m'as plan le mine  
D'y lacha toutes les tous déns!  
Arrei ne cregni que dou téms.  
Aço qu'es per bous-auts, escribans de  
    racaille,  
Qui n'éts bouns à d'arrei, é com le mous-  
    quitaille,  
Cercats sus tout à mouchica.  
A qu'eb sérb d'ets tan turmenta  
Countre lou geni, le sciéce?  
Que tribaillats en baguenau,  
É que plaigni boste ignouréce,  
De crede lous ha quoque mau.





## F A B L E    X I I.

*Lou Lioun anan à le guérre.*

**L**Ou lioun embeyous de guérre é de  
patac ,

Despuch un fort loung téms s'ére boutat  
au cap

Ibe entreprese fort hardide.

Per plan liga le sou partide ,

Counseil pres dous bills officiés ,

Qu'embia couaille ablous souns archés ,

Lous animaus bouns p'ou serbici.

Quént estoun arribats , qui de-ci , qui de-qui ,

A checun qu'ous da soun offici.

L'élefan que debé carreya sus l'esqui

Toute le bioque necessari ,

É coumbate au soun ordinari :

L'ours à les murrailles grimpa :

Lou loup courre per les campagnes ,

Roueina lous fruts , é bouta  
Lou houec à toutes les cabagnes :  
Lou renard tout chouau espionna :  
Le moune ha tours de passe-passe ,  
Per amusa lous énemics.  
L'asou , carre que s'en anasse  
Ent'à case ab lous souns amics ,  
S'ou dits quoqu'un de l'assemblade :  
Qu'es trop lourdaut per ibe armade ;  
É dab et le lébe tabei ,  
De les béstis le mé saubatye ,  
Qui s'espaurich per yuste arrei.  
Noun pas aco , respoun lou rei ;  
Qu'en tireram quoque abentatye ,  
É tous dus qu'ous boui emplega.  
L'asou serbira de troumpete ;  
A le bataille , en estanquete ,  
Quén chïoulera , quén bramera ,  
Lous énemics qu'espaurira :  
É le lébe , qui cou tà biste ,  
Les noubéles que pourtera.

Si le sourdataille ens assiste,  
 Un courrié n'es indifferén.  
 Au mounarque saye é prudén  
 Lou mendre dous sutyets que sérb à quoque  
 usatye.  
 Que si per lou dehore, ou que si per dehens,  
 Ço qui checun pot ha que counéch au bi-  
 satye.  
 Arrei n'es inutile à le yén de boun sens.



## F A B L E X I I I.

*L'Ours é lous dus Coumpagnouns.*

**D**US coumpagnouns pressats d'aryén,  
 ( Chéns aco ne bouill le marmite. )  
 Au soun besin benut abén  
 Le pét d'un ours encouare en bite,  
 D'un ours qui, s'ou disén, ére lou rei dous  
 ours ;  
 Proumeten d'ou gaha, au mé tard, den dus  
 yours.

Lou manchouné, de le fourrure ,  
 Dou soun coustat , à l'abenture ,  
 Tau qui sousse , qu'abé proumes  
 Quouate ou cinq pistoles de pes.  
 L'accord héit, qu'es bouten en biatye,  
 Per cerca l'animau saubatye.  
 Que troben l'ours : lou mé lauyé  
 Auta'spért grimpe sus un arbre.  
 L'aut qui se lou bet au darré,  
 Tout espasmat , ret com un marbre ,  
 Qu'es yas , héi lou mort en sarran le lén.  
 L'ours bin , qu'ou bire , arrebire , é qu'ou  
 sén.

Com lou semblabe ,  
 Quén s'abachabe ,  
 Que sentibe au poueirir ,  
 N'ei, s'ou dits , apetit  
 Per minya , si n'ei car nabére.  
 É lachan-là lou cos ,  
 Que s'en tourne ent'ou bos.  
 Cependén l'aut coumpai dabére ,




É courren dret au coumpagnoun,  
Que r'a dit l'ours, s'ou dits, de boun?  
Qu'ei bis qu'et parlabe à l'aureille.  
L'aut, en se segoutin le peille,  
Ço qui m'a dit ? yarnicoutoun !  
D'ou me gouardi de tau bisite !  
Ne l'oublideréi de le bite.

— Y'at crei ; més qu'a dit ? respoun  
dounc ;

Car qu'et frètabe lou mentoun  
Tout broyemen ab le sou sérre.  
— Que m'a dit , que yamés ne cau  
Béne le pét de l'animau ,  
Que ne l'ayin boutat per tэрre.





## F A B L E    X I V.

*L'Asou bestit de le pét dou Lioun.*

UN your un asou fanfarroun  
Plan s'ére troussat sus l'arreye  
( Le sote yén a sote embeye , )  
Ibe bére pét de lioun.  
Atau bestit s'arrequincabe :  
Le yén , de pou , qu'ou saludabe.  
De tan d'aunous é de respéc  
Tout esbaubit ére lou péc.  
Per malhur , au cap de l'aureille  
Un chic trop courte abé le peille.  
Un moulié gahan lou Martin ,  
Que se lou mie ent'ou moulin ;  
É chiéns égard per le fourrure ,  
Que lou boutte per couberture  
Dus sacs de hari sus l'esqui.  
Tout lou mau n'ére encouare aqui.

Tan que lou baudét caminabe ,  
Lou moulié qu'ou lachabe ana ;  
Més au moumén qui s'estancabe ,  
Sus les costes hort que l'en dabe.  
Un manan qui bedé l'aha ,  
Entr'et-medich fort s'estounabe ,  
É ne sabé ço qui pensa :  
A le fin , beden lou hardatye  
N'apriga que membres pelats ,  
Dab l'aut qu'es bouta de mitats.  
Couan de yéns den le noste France ,  
Yéns de mine é de manigance ,  
Qui d'or é d'aryén affaitats ,  
L'espade en pendrille aux coustats ,  
Per toute merque de couratye ,  
N'an que l'abit é l'esquipatye !



F A B L E   X V .


*Lou Cassedou é lou Lioun.*

U N fiér-à-bras passiouнат per le casse ,  
Biné de pérde un can de le mé fine race ,  
É que lou soupçounabe au bête d'un lioun.  
Qu'ou cerqueréi , s'ou dits , é qu'en auréi  
resoun.

Que bet un pastou : qu'ou demande  
En quén loc ére le maisoun  
Dequet boulur. L'aut qu'ou respoun :  
En l'ore per aqueste bande  
Qu'a passat ; més qu'ou trouberats  
Tout proche dequere mountagne.  
Despuch un an qu'em lache en pats  
Courre per toute le campagne ,  
Pourbu qu'ou bailli tous lous mes ,  
Un moutoun gras é de boun pes ;  
Car n'es counténte d'ibe crabe.

Com atau lou pastou parlabe,  
Tout d'un cop parech lou lioun,  
Anan tout dret au fanfarroun.  
Aques auta biste à le houeite,  
Que descampe com qui lou foueite,  
En cridan d'un toun pitadous:  
Ah! moun Dìou, biets au mei secous!  
Au danyé, tout soulet, qu'es counech lou  
couratye:  
Tau qu'ou cerque, s'ou dits, qui quén lou  
bet de prés,  
Es muche mé pauruc que lou mendre mai-  
natye,  
É qu'ou sérà à prepaus d'abeche de bouns pés.






## F A B L E    X V I.

*Lou Hasan, lou Gat é le youene Sourits.*

TOUTE youene, alérte, escricade,  
Ibe sourits après disna,  
Ére anade à le premenade.  
Un gat que l'anabe gaha,  
Se ne s'ére pas retirade.  
Atau l'innoucénste counda  
A le mai toute l'abenture :  
Que binqi, s'ou dits, de trouba  
Dus segnous de bère figure ;  
L'un fiér, hardit, emplumatchat,  
Esperounat é courounat,  
De bêts trucs se dabe siou bénste ;  
Le coude abé haute é lusénste.  
Que l'espiahi dab tan de pou,  
You qui ne manqui de couratye,  
Que m'a gahat enti-ay bisatye

Den lou cos ibe gran tremblou ;  
É qu'èi houeyut le sou preséce ,  
Mitat morte é route en sudou .  
Chéns et qu'auri héit counéchénce  
Ab l'aut fort dous en aparénce :  
Aques l'oueil biou , é cependén  
D'ibe modeste countenénce ,  
Beloutat com nous , fine dén ,  
Coude lounque , plate , estenude ,  
Pate bigarrade é pelude ;  
Cértes que m'a fort agradat :  
B'em héi do que ne l'èi baisat !  
O le pegote ! ô praube hille ,  
Dits le mai ! aquet pan-pausat ,  
Aquet limichourt , qu'es un gat ,  
Énemic de noste famille .  
Si lou pendard t'abé gahat ,  
Que t'aure estranglat é minyat :  
Adare ne seres en bite .  
N'et hidis à mine hipoucrite ;  
Ne t'aprochis dequets Martins ;

Ne soun tous que de frans couquins :  
Més aquet aut dab le couroune ,  
Qu'es un hasan , bone persoune.  
Fiérs parechen ; més cependén  
Qu'ous passam quocop per le dén ,  
É qu'en héin fort bone cousine.  
Soubin-te dequeste letçoun ,  
Que ne cau, en nade faïçoun ,  
Yutya de le yén sus le mine.



## F A B L E   X V I I.

*Lou Billacou é l'Asou.*


U N billacou, de boun main ,  
Siou soun asou passan camin ,  
Que bet un prat d'érbe flouride,  
Fresque é per l'arrous atendrède.  
Dou rencountre que profita ,  
É le sou bésti qu'y larga.  
Lou Martin de plési saleye ,



Que brame , é qu'es frete l'arreye  
De pirles en sus , gambadan ,  
Birouleyan , chioulan , minyan.  
Lou pasteim cértés l'agradabe ,  
É plan que s'en arrigoulabe ;  
Quén lou méste espian per darré ,  
Bet l'énemic qui s'en biné.  
Houeyem , s'ou cride lou billacou.  
É perque houeye , respoun l'asou ?  
Digats-me , quén you seréi pres ,  
Em heran pourta mé gran pes ?  
Oh ! nou , dits lou méste ; é qu'es cache.  
Labets l'aut : Si-es atau , perdi ,  
Chic que m'importe à qui you sì.  
Saubats-bous , é lachats-me pâche.  
Tout méste es lou nos énemic :  
En boun gascoun you qu'ets at dic.



FABLE



*Lou Cérbi qui s'espie hens l'aigue.*

L

---

É dous mé bêts taillis que passi le hautou :  
Més per lous pès, de brai , n'em hén brigue  
d'aunou.

Com parlabe dequere sorte,  
Que s'entén lous cans au darré.  
Que saute biste , gagne au pé :  
Més qu'a bét s'estripa de courre ,  
Tout espaurit, lou malhurous ,  
Den le broussaille com se fourre ,  
Lou soun bòis , affair danyéïrous ,  
Per-tout qu'ou barre lou passatye.  
Que bire , s'estanque , é qu'enratye  
De doulou , beden que dous pès ,  
P'ou soun salut héïts tout esprés ,  
Ne lou sérb d'arrei lou serbici.

A le fin las , après qui lous cans l'an gahat ,  
Que counfesse en plouran , que ço qui-abé  
pensat

Ére ibe errou , ibe inyustici.  
Hauni l'utile , aima lou bét ,  
Lou cas cértés n'es pas nabét.

Que pot aques? Plase ibe pause :

L'aut rustém es boun à quocause.

Lou céribi n'aime un pé qui lon rén tà lauyé :

Que s'agrade d'un hòis, d'oun bin lou soun  
danyé.



F A B L E    X I X.

*L'Asou é lous souns Mèstes.*

**L**O U bourricou d'un yarsiné

Au Destin un your qu'es plaigné

De ço qui lou hasén lleba de tà bone ore ,

Que soubén, aban lou soureil,

Qu'ou calé quita lou soumeil.

Encouare per que ha , s'ou disé le pécore ?

Per pourta caus, blets é merouns.

Bére aunou per Alibourouns !

Tan se plaigné dounc , tan bramabe ,

Que lou Destin qui l'escoutabe ,


Lou dau per méste un courrayé ,

Lij

A le place dou yarsiné.  
De mantr'ibe pét sabourénte,  
Lou garrançous atau plaçat,  
De-ci , de-là cabbat lou bête ;  
A le pendrille, ent'ou marcat,  
Touts lous yours anabe cargat.  
Lou pes d'un coustat l'abladabe ;  
Le sabou de l'aut l'empousouabe.  
Labets, b'em héi do, s'ou disé,  
D'abe quitat lou yarsiné !  
Are que bei ço qui m'en couste.  
Au meigns quén pourtabi lous caus,  
De quoque houeille ou quoque brouste  
Qu'em refresquibi lous cachaus :  
Més dab aqués pudén de meste ,  
Lou mendre boucin n'ei de réste ;  
Pas un cap d'ail , pas un ougnoun ;  
Més bien force cops de bastoun.  
Lou Sort à dequere douléce ,  
Per un réste de coumplaséce ,  
Que l'embie aud'un carboué.

Que trobe encouare aques peye que lou darré,  
Qu'es dounc aço , s'ou dits lou Sort tout en  
colére ?

Aques niguedouille de héré  
Em pene mé que cén segnous.  
Cret dounc lou bernic plouricous ,  
Que n'ayi d'auts ahas au mounde ,  
Qu'à lou serbi sigoun soun counde ?  
Lou Sort abé resoun. Le yén es héite atau :  
Checun den soun estat es plaighen d'esta mau,  
Chéns césse au céou s'arrecoumande ;  
Ésilou céou l'escoute, éhéi tout com lou cau,  
Qu'ou hera quoqu'aute demande.



F A B L E    X X.

*Lou Paisan é le Sêrp.*

UN your qui , dens un rude ibér ;  
Yelabe com le pét dou rugle ,  
Qu'arrei ne poudé tine à l'ér ,

Que fort à plaigne ére lou puble ;  
Un manan bedou sus le néou  
Ibe sérp toute chimourride,  
Chéns pous, tourrade , engourgoucide.  
Lou boun païsan chic menchidéou ,  
Que le pren , le porte ente case ,  
É per poudé l'arrescauha ,  
Que le pause daban le brase  
Dou houec , qui's biné d'aluca.  
Le bestiole atau plan yasude ,  
Com se sén rebi le calou ,  
D'abord le coude que remude ,  
Llébe lou cap , hentre en furou :  
Qu'es plégue , que chîoule , é que saute  
Sus lou soun paï , lou boun païsan.  
L'aut qui se le bet sus le haute ,  
Ingrate , s'ou dits en hinglan !  
Es dounc aco ço qui merite  
De ço qui t'êi saubat le bite ,  
Per que bouillis em mouchica ?  
Atén , que me le bas paga.

Que gahe le hapche , é de ratye  
 En dan sus l'indigne bagatye ,  
 Qu'ets en héi tres sérps en dus cops ,  
 Le coude , lou cap é lou cos.  
 L'insecti sanguillan à pene ,  
 En baguenau cerque à's reprene.  
 Qu'es boun cértés de ha plési :  
 Le questioun qu'es de sabe à qui.  
 Per l'ingrat , caste detestable ,  
 Léou ou tard que mo miserable.

F A B L E    X X I.

*Lou Cassedou , lou Hali é l'Auserot.*

Q U I'S qui sits , espagnats le yén :  
 Lou mau ne ba chéns recoumpense.  
 A mantr'un soubén qui n'y pense ,  
 Qu'en couste le bite ou l'aryén.  
 Un manan , à cop de tirasse ,  
 Aux auséts que hasé le casse.



Qu'ous sabé tà plan apera,  
Que nat ne poudé l'escapa.  
Un n'y bin: pendén qui minyabe,  
Un hali qui l'arreguignabe  
Dou haut enhore ab oueils d'Argus;  
Pren l'abiade, é cat dessus.  
A lou cluca qu'es preparabe,  
É deyà que lou despeuillabe;  
Quén, per malhur, à l'arresté  
Es gahe et-medich per lou pé.  
Com ne poudé se destaca,  
Au gouyat qui tiné le corde,  
Que demande misericorde.  
Amic, s'ou dits, lachem ana:  
Nat mau n'et éi héit enti-adare.  
Més l'aut qui n'ére brigue sot,  
En l'espian é frouncin le care,  
Eh! que t'abé héit l'auserot,  
S'ou lou respoun? Et que t'accuse;  
É n'es questioun de desencuse.

En deco , chéns mé de faiçoun ,  
Qu'ets escane lou coumpagnoun.

.....\*

F A B L E   X X I I .

*Lou Can qui largue le sou prese per l'oumpre ;*

UN can sus un poun que passabe ;  
Ab un tros de biande à le dén.  
Lou soureil en aquet moumén  
Hens l'aigue qu'ou representabe ,  
Com dens un mirail , un aut can ;  
Qui tabei tiné hens le gaute  
Mediche biande. Tantecan  
Dou poun cabbat l'arriou que saute ;  
Més en boulen l'oumpre gaha ,  
Ço qui tiné que l'escapa.  
Atau le bésti trop gourmande  
N'augut l'ibe ni l'aute biande.  
En aques mounde you ne bei  
Que yéns ahamiats de bei ,

Risquan lou soun, quocop lou mei,  
Per ibe oumpre, per nou arrei.

## F A B L E   X X I I I.

*Lou Carreté enhagnat.*

UN carrou que s'ére enhagnat :  
Lou carreté desperat  
Ne sabé de quéign cap s'y prene,  
Per poudé se tira de pene.  
Aux entours qu'abé bét cerca,  
Nat secous ne poudé trouba.  
Qu'enratye, qu'es plaign, é que yure  
Countre lous chibaus, le bouature,  
É lous hourats, é lou camin,  
Countre et-medich ; tan qu'à le fin,  
Beden que lous crits é le plénte  
Ne lou tiraben d'embaras,  
Qu'inboque lou Diou, doun lou bras  
Rependé le terrou, le crénte

Au co dous mé fiéris sourdats,  
Dous bandits é dous scelerats,  
Pendén qui biscou sus le tэрre.  
Hércule, s'ou dits ! bin m'aida.  
S'éres tà terrible à le guэрre  
Qu'arrei n'et poudé resista,  
Bin ; qu'эй besougn dou toun serbici :  
Ayis pitat dou mei suplici.

A pene qu'a finit, que s'entén au darré  
Ibe buts qui lou dits : Cau s'aida lou premé ;  
De sourti d'embarras qu'es le bone métode.  
Espie d'oure bin ço qui't tin empachat :  
Dequet maudit mourtei desgatyе cheque  
arrode,

Passe ibе barre per debat ;  
Pleyem encouare aquet hourat :  
Escrase à cop de pince aquet caillau. Cou-  
ratye !

As héit ? O , s'ou respoun. — Anem, que  
bau t'aida.

Pren le tou fouaste , é chiscle aux talouns  
l'atelatye.

---

— Qu'ei chisclat : qu'es aço ? lou carrou que  
s'en ba !

Dìou , siats louat ! Labets le buts : qu'as bis ,  
bagatye ,

Qu'à d'aise lous chibaus es soun tirats de-là.  
Que t'aidist tu-medich , lou céou que t'aidera.



### F A B L E   X X I V .

*Lous Animaux malaus de le pête.*

UN mau qui repén le terrou ,  
Mau que lou céou en sa furou ,  
Imbenta per puni le térre ,  
Le pête , qui d'ous qui a ruat ,  
Pleye en un your tout un segrat ,  
Aux animaux hasé le guérre.  
Bertat es , n'en mouriben tous ;  
Més tous le pourtaben au bête ,  
È n'entenén que crits é plénte.  
Debat le brouste , den lous couts ,


Languits , ahounits dab le frêbe ,  
Nat ne boulé minya ni bébe.  
Daban lou mus dous louns gloutouns  
Es yasén agnéts é moutouns.  
Lou roussigno mélancoulique  
Ne cantabe mé le musique.  
Les tourtes n'es hasén l'amou ,  
N'abén ni plési ni douçou ;  
É l'auseraïlle é le pécore  
Gouaitaben le mort à route ore.  
Lou lioun , las de tan de maus ,  
Assemble tous lous animaüs.  
Çà , messius , s'ou dits , prenets place.  
You be crei que tan de disgrace  
Lous nos pecats an meritat.  
Per calma lou céou irritat ,  
Puni carre lou mé coupable ,  
L'immoula biou lou detestable.  
D'aut remédi ne séi qu'aquet.  
Counfessam-nous , é parlam net.  
You , lou premé de l'assemblade ,

Qu'at dic franquemen ; chéns resoun  
Qu'ei estranglat mantr'un moutoun ;  
É quocop à bère dentade,  
Com un arrauyous en furou ,  
Qu'ei esperrecat lou pastou.  
Punits-me doune com un coursari ;  
Més premé checun qu'es prepari  
A dise lou soun fét à part.  
Per le mornou , dits lou renard ;  
Qu'es aco minya moutounaille ?  
Es pecat qu'aquere canaille  
Sérbi de bitaille au segnou ?  
Un lioun lous héi trop d'aunou ,  
Quén lous croque , é quén lous fricasse.  
Per lous pastous , aquere race  
Méstes se hén mau-à-prepau  
Sus aquets praubes animaüs.  
Plan qu'ats héit d'ous bailla le grate.  
Si com bous abi bone pate ,  
Que beiren si cans ni bastouns  
Em bireren mé dous moutouns ,

Atau parla lou poulitique.  
Lous segnous é toute le clique  
A qui mé mé de l'aprouba.  
Ours , lous n'es boulén counfessa ;  
Trop grans pecats abén à dise ,  
Entre le pét é le camise ,  
Dous assistans lou mé hardit  
N'aure ausat y bouta lou dit.  
Un asou bin à le male-ore :  
Qu'em soubin , s'ou dits le pécore ,  
Qu'un your , en passan per un prat  
De frais-menouns , ibe dentade  
Sus l'érbe que m'ére escapade.  
Quoque diable m'abé tentat.  
L'ocasioun excite l'embeye :  
Aquere érbe n'ére le meye ,  
Qu'at aboui ; més escusats.  
Asous soun tustém scelerats ,  
Dits un loup qui-ére anat en classe :  
Lou céou qu'en a maudit le race.  
Aques pelat badut atau ,



Qu'es le cause de tout lou mau :  
D'auillou nou bin noste disgrace.  
Minya l'érbe d'un frai-menoun !  
Quéign pecat orrible , execrable !  
Arrei que le mort n'es capable  
De puni com cau lou fripoun.  
Au moumén lous grans é lou sire  
Que lou coundamnan à l'estire.  
Puch tout biou , chéns nade pitat ,  
Lou malhurous estou brulat.  
Atau dab le gran yén, innoucénte ou coupable,  
Le yustici de cour sera tustém d'accord ;  
É , sigoun qui serats puchén ou miserable ,  
En aquet tribunal qu'aurats resoun ou tort,



FABLE

\*...\*...\*...\*...\*...\*...\*...\*...\*  
F A B L E X X V.*Lou Mau-maridat.*

Û  
B E bére é bone feméle  
Rare ausét es en tout péïs.  
Aquet phenix , au mei abis ,  
Bau fort mé que riche escarcéle.  
Si quoqu'un de bous l'a troubat ,  
Dés douman you soui maridat.  
Més you bei tan é tan d'oratyes ,  
Tà méchan téms aux maridatyes ,  
Qu'encouare nat ne m'a tentat.

Cependén lous tres quouarts de le yén que s'y  
gahen ;

É lous tres quouarts tabei fort de mau que s'en  
saben.

Autan que pot m'en arriba.  
Qu'es ço qui héi le meye crénte ;  
É sus aco que bau counda  
Ibe abenture prou plasénte.

M

Noueït é your un praube marit ,  
Turmentat , groundat , countredit ,  
Chéns césse ére , per ibe espouse  
Chegrine , abare , boutadouse.  
( Dequere mounede en y-a fort.)  
Tustém lou marit abé tort.  
Moussu n'es baille nade pene ;  
Moussu ne sounye qu'à despene ;  
Moussu ne beille sus le yén ;  
Moussu cou , moussu qu'es premene.  
A deco lou praube pacién  
Mot ne disé. Tan mé patibe ,  
Tan mé le mouillé l'ahurbibe.  
Bailets , filles , gouyes , enfans ,  
Touts lous gouspillabe com cans.  
Tan rapatyabe le harpie ,  
Que lou marit un bét matin ,  
Per se desséye dou lutin ,  
A le campagne que l'embie  
Ent'ous paréns ab Margoutoun ,  
Nauri lous porcs , ha le gougaille ,

É prene souén de le pouraille,  
Là de ha medich carrilloun,  
Tan ere birabe é cridabe,  
Tan é tan le yén querelabe,  
Que yamés lous uns ni lous aurs  
N'abén un moumén de repaus.  
Aprés chus mes é mé de pene,  
Lou marit ba per le reprene.  
Eh dounc, madame! ab pres plési?  
— Nou pas trop: aci com aqui,  
Tout com à le bile, au bilatye,  
Ne poden chinchà de l'oubratye:  
Més Dìou sab dab qui-abén aha!  
B'ous bagabe de s'y gaha!  
— Eh, madame! tustém harnieuse!  
Aci, là, tustém querelouse!  
Tustém un demoun en furou!  
Ne chanyerats yamé d'umou?  
Si lou mounde qui ne damore,  
Tout au mé, dab bous que quoque ore,  
En es hart, las, estourmentit,

Mij

En que en sere dounc un marit ?  
Adissiats , bous n'éts mé le meyé.  
Cap-de-biou ! si yamés l'embeye  
Em gahe de bibe dab bous ,  
Que boui que lou céou en courrous ,  
Per me puni de tau sotise ,  
Quén seréi hicat au terré ,  
Em bouti daban é darré  
Dibes mouillés hens le camise ,  
Dus hissouns com bous à l'entour ,  
Qui m'esperrequin noueit é your.



## F A B L E X X V I.

*L'Arrat retirat dou mounde.*

Q U E counden en ibe leyande ,  
Qu'un arrat s'ére retirat  
Dehens un roumatye d'Holande ,  
Per y bibe dab libertat.  
Trop ére las dous souéns dou mounde.

Lou tribail, le pene, au soun counde,  
N'éren héits per yéns d'orémus.  
Gouaire ne tarda lou reclus,  
A cop de dén, à cop de pate,  
De ha lou hourat prou pregoun.  
Ne l'y manquabe qu'ibe arrate  
Per lou serbi de coumpagnoun.  
Més n'es le mode aux solitères :  
Ets an disciplines é hères :  
Cependén lou boun papelard  
Deco n'es fretabe lou lard.  
Atau dens aquet ermitatye,  
N'abé dab le bite é l'abit,  
Que lou coubért per tout partatye.  
A plaigne n'ére lou bagatye.  
Com ne manquabe d'apetit,  
Qu'ére gras, lusén, reboundir.  
Tustém un debot persounatye  
Trobe bitaille chéns aryén,  
Ab un tros de corde en penén,  
Au cu lou sac per esquipatye,  
Mïij

---

En courren d'ertatye en ertatye,  
Per flouta le praube yén.

Un your, après ibe grane assemblade,  
Bére mi-doutzene d'arrats  
De les parts dou rei deputats,  
Éren bincuts en embassade,  
L'aprene que de routs coustats  
Ratapolis ére assietyade.  
Lous habitans n'abén poudut,  
Tan l'intandan l'abé chucade,  
Lous fourni p'ou biatye un escut.  
Com arriben daban l'ermite,  
Que lou saluden humblemen ;  
Més, chéns audi lou coumplimen,  
Oun bats atau, dits l'hipoucrite ?  
Que demandats ? you n'ési arrei :  
You n'ets puch ha ni mau ni bei.  
Au mounde n'ési qu'aqueste hute,  
Per n'abe ab persoune dispute,  
Lou your qui m'y soui retirat,  
Tout éi dat, tout abandounat.

— Eh ! quoque ayude , camarade ,  
Ratapolis qu'es ahamiade.

— Dìou bous assisti , si lou plats :  
Anats-bou'n , é lachats-me en pats.  
Quént a parlat dequere sorte ,  
Que lous barre siou naz le porte.  
Qui'b semble , au bos abis , que si  
Aques arguméou chéns souci ?  
Quoque moine ? Noun ; car un moine  
Yamés ne refuse l'aumoine.  
Yamés ? Noun , quén l'y dan s'entén.  
Ne parlim trop dequere yén.



## F A B L E   X X V I I .

### *Le Gouyate.*

**L**E gouyate un chic trop fiére  
Que pretendé trouba marit ,  
Youen , bét , plan-héit , garçoun d'esprit ,  
Fort dous é de broye manière.

Miv



Ne lou boulé ret ni yelous ;  
( Noutats aques dus pugn's , que soun prou  
curious. )

Més dab noublesse é bone rénte ,  
Qu'ou boulé d'umou coumplasénte :  
Lou fenix enfin dous espous.  
Le damiséle abé pistoles ;  
Bére là-là : quoques moussus  
S'abançan , que lous héi lou mus ,  
É qu'ous rembie com dous drôles.  
Qu'éren cependén yéns d'aunou ;  
Youenesse de bére figure ,  
Prou riches , é tous hos d'amou ;  
Bouns partits per le créature.  
Fi dounc , s'ou dits ! qu'em hén pitat :  
Chétres soun trop de le mitat.  
Qui , you ! tau yén ! n'y-a arrei qui préssi.  
Beyats un chic le bére espéci !  
L'un qu'es trop gran , l'aut trop petit.  
Aques n'a pas brigue d'esprit ;  
L'aut qu'es magre com ibe agasse :

Lou naz dequet héi le grimace :  
É puch aço , é puch aco ;  
Car un mus prim com ibe ertéire ,  
Sus tout que héi le limiquéire ;  
É soubén ne sab ço qui's bo.  
Yéns après de mé bas estatye  
Binen parla de maridatye :  
Més , despuch lou cap enti-aux pés ,  
Affaitats soun com lous premés.  
Be soui bone d'oubri le porte ,  
S'ou cride , à yéns dequere sorte !  
Que m'an credut lous insouléns ,  
Embeyouse de coumpanie.  
Soulete , chéns mélancoulie ,  
Dìou merci , que passi lou réms.  
Chic à chic dab le sou colére ,  
Dab les coulous de le machére ,  
Les gracis tabei que s'en ban.  
N'es pas mé questioun de galan.  
Qu'a bét emplega le métode  
De les feméles dou boun toun ,

É s'affaita sigoun le mode,  
Qu'y pérđ lou téms é le faiçoun.  
Lous ans es muchen sus le care.  
N'es deco com d'ibe maisoun:  
Quén se roueine, lou maçoun  
Que l'acoumode é le repare;  
Més poumades, fards é fatras  
N'an yamés reparat un naz.  
Tant-y-a que le bille hillote  
A le fin que cambia de note,  
É qu'un malestruc espousa,  
Hurouse d'ou poude trouba.



## F A B L E X X V I I I.

*Le Cour dou Lioun.*

LOU rei lioun que s'abisa  
Un your de bailla ibe héste,  
Per couneche é s'assegura  
De quéignes yéns ére lou méste.

Petits é grans de tous estats  
A le cour estoun aperats.  
L'escrìout à toute le publade  
Aprené qu'aquere assemblade  
Un mes enti debé dura :  
Que tout d'abord , per coumença ;  
D'un festin sere regalade ,  
Dab grane é bère serenade ;  
É que Piérrot é Arlequin ,  
Poulichinéle é Ragoutin ,  
Per diberti le coumpanie ,  
Deren gratis le coumedie.  
Atau lou rei boulé mucha ,  
Per aquere magnificéce ,  
Couan grane ére le sou puchéce.  
Au palés tous qu'ous coumbida.  
Quéign palés ! n'ére per y bibe ;  
Car le cahute dequet rei  
Ére , à plan dise , un matedei.  
L'ours qui de fort louegn lou sentibe ,  
Qu'es bire en se sarran lou naz.

Lou princi , per puni l'audace ,  
Siou moumén qu'ets e l'espédace ;  
É que l'embie ente là-bas ,  
Ente Plutoun ha le grimace.  
Le moune tremblante de pou ,  
Qu'es boute à lauda le colére  
Dou rei , é le bone sabou ,  
Disen ; que le semblabe qu'ére  
De musc , d'ambre ou de fine flou.  
Lous reis n'enténden raillerie.  
Tandis qui dabe tout lou tort  
Au defun ours , lóu medich sort  
Augut le sou flaugnaquerie.  
Aquet lioun poudé passa  
Per cousin de Caligula ,  
Méste passat en bouchéirie.  
Lou renard bin : Eh tu ! que séns ,  
Dits lou rei en muchan les déns ?  
Que boui qu'em parlis ab franchise.  
Sire , respoun , ne sêi que dise :  
Dus mes a que soui enréoumat.

Qu'èi lou naz tà plei , tà boussat ,  
Que nade sabou ne s'y hique.  
Bréf , que s'en tire , é qu'ens dau aqeste  
letçoun ,  
Que per bibe à le cour , de que qu'y si ques-  
tioun ,  
Ne cau en bone poulitique ,  
Esta ni flaugnac , ni trop franc ;  
Més quocop respoune en nourman.

---

F A B L E X X I X.

*Lou Coche é le Mousque.*

QUÉN lou coche pibe ibe coste ,  
Tà biste ne ba com le poste.  
Un qu'ére prést à recula ,  
Chis chibaus n'ou poudén hala.  
Daban , darré tà cargat ére ,  
É tà plei , que le yén dabére ,  
Moines , hemnes , omis , gouyats.


Lous praubes chibaus abladats,  
Pendén qui le troupe camine,  
Tiren à force le machine.  
Ibe mousque, en dequet camin,  
Birouleyan autour dou coche,  
Per lous excita que s'aproche.  
Chaque l'un, chaque l'aut roussin:  
Lou coché mouchique à le came;  
É puch au cot ibe madame:  
Aques au naz, l'aut au mentoun.  
Que ba, que bin; é dou timoun,  
Houeyen le fouaste, à tire d'ale  
Qu'es pause sus l'imperiale.  
Entandis lou coche é le yén  
Anaben tustém com poudén,  
Qui plan, qui mau, à l'ordinari.  
Lou moine disé lou brebiari;  
É lou frai-lai dab lou paquet,  
Marmotabe lou chapelet.  
Le madame que s'apuyabe  
Sus le fille, en se carreyan:

Un gouyat darré que chîoulabe ;  
É le soubrete louegn , daban ,  
Cantabe é dansabe en piban.  
Maugournayi de les pécores ,  
S'ou dits le mousque en s'aprochan !  
B'es questioun , en dequestes ores ,  
De brebïaris é chapelets ,  
De danses , cansouns é chîoulets !  
Aïdats com you , bauriënaille.  
Que semble un saryan de bataille ,  
De-ci , de-là , de tous coustats ,  
Quén héï abança lous sourdats.  
A le fin lou coche é lou mounde  
Au haut de le coste arribats ,  
Le maye part yuste acabats ,  
Que s'estanquen. Touts à le rounde ,  
Seduts sus l'érbe , de gala  
Sencles cops , é de s'ichuga ;  
Car lou soureil que lous brulabe ,  
É le set que lous escanabe.  
Le mousque qui lous bedé ha ,



D'ibe branque oun s'ére pausade,  
Per poude à d'aise respira,  
Pren l'abiade, é toute alitrade  
Bin aux chibaus lous demanda  
Lou pagamen de le sou pene:  
Més lou coché, per toute estrene,  
Ab le sou fouaste que l'en da,  
De tau sorte que l'acassa.  
Atau certéns quidams dou mounde,  
Fort abirles, sigoun soun counde,  
De tout qu'és merlen. Manigats,  
Chéns ahas tustém aherats,  
Per-tout que hén lous necessaris:  
Més, de medich que dous coursaris,  
N'en y aure tan dequets mousquits,  
Si lous baillaben sus lous dits.

*FIN DOU TRESAU LIBI.*



# FABLES CAUSIDES D E

LA FONTAINE.

---

---

LIBI QUOUATAU.

---

---

FABLE PREMIÈRE.

*Le Lèitéire é lou Pot de lèit.*

**P**ERRÉTE, le broye lèitéire,  
Dab un pot de lèit fres tirat,  
Plan pausat sus le cabedéire,  
Un matin anabe au marcat,

Per drilla biste mé lauyéire,  
Pres abé simple coutilloun,

N

Yaquete blanche, ibe drapéire,  
Lou coulet, souliés chéns raloun.  
Atau troussade, alérte é nete,  
Le balénte toute soulete  
Hasé lou counde dab lous dits.  
Trente tasses à chis ardots,  
Mounten à tan: be cau que croumpi,  
A meigns que le corde ne roumpi,  
Un cén d'éous per abe poulets.  
Lous renards seran bien adrets,  
Si n'en éi trente pàs de réste.  
Que si your d'obre ou your de héste,  
Se coundi plan, chéns me troumpa,  
B'en auréi quinze sòs dou pà.  
Un porc croumperéi à le hale:  
De glan, de bren é de goudale,  
Qu'ou nauriréi cinq ou chis mes.  
Quén sera gras é de boun pes,  
Qu'ou troqueréi per ibe baque.  
Le baque que betérera,  
É lou betét que sautera,

Quén lou largueréi de l'estaque,  
Sus aco Perréte ente haut  
Llébe le came, é héi un saur ;  
É lou piché, chéus prene garde,  
Que héi tabei dus biroulets.  
Lou léit, lous éous é lous poulets,  
Tout s'en es anat en moustarde,  
Lou porc, le baque é lou betét.  
Com lou curé de Bagnoulét,  
Touts que hém castéts en Espagne.  
Couan d'esprits baten le campagne !  
É couan de pécs mau-abisats  
En projets se soun roueinats !



## F A B L E I I.


*Lou Curé é lou Mort.*

UN mort triste é mut en carrosse  
Hasé lou biatye ente le hosse.  
Lou curé de fort bone umou,  
Atau miabe lou soun segnou.

Nij

Troussat ére hens ibe cape  
Auta bére com le dou pape.  
Que cantabe force orésouns,  
Requiéms, libéras, respouns.  
Moussu lou mort, lachats-nous dise :  
B'en aurats de tan de faïçouns,  
Qu'em troumpi, si le marchandise  
Ne pague tantos lous bioulquns.  
Le bére crouts é le musique  
Ne manquen à bone pratique.  
Per you, b'en auréi un tounét  
De bin de l'Arroque ou d'Angléz;  
É per le neboude Pagnete,  
Ibe raube au meïgns de grisete.  
Qu'ei proumes à le chambrilloun,  
De l'estrena d'un coustilloun :  
Badoun Mari le cousinéire,  
Que ho tabei ibe drapéire . . . .  
Més à l'aut cop : hém à plési.  
Prou de pécs es lachen mouris  
Fort an deyà l'ale penénte.

Aquets morts baillen bone rénte.  
Yan Chouart, com parlabe atau,  
Ibe arrode truque un caillau;  
Siou boun curé toumbe le cache;  
Dou cap aux pés qu'ets é l'esclache,  
É qu'ou héi bouia tout crebat  
Per le portière ente cabbat.  
Atau fort de baléns en France,  
Counden lous proufits per abance;  
Més, com lou curé Yan Chouart,  
Mé dous dus tiérs que hén au lard.



### F A B L E   I I I.

*Lou Sapaté é lou Financé.*

U N oubré de besougne bille,  
(Fort en counechem com aco),  
Countre un taulé plan à gogo,  
Cantabe en cougnan le cabille;  
É quén tirabe lou ligno,

N iiij

N'entenén qu'aquet roussigno.  
Un financé , tout au countrari ,  
Lou soun besin de his-à-bis ,  
Permi le chère é lous plésis ,  
Ab fort d'aryén hens l'arremari ,  
Ne poudé canta ni droumi.  
Au pugn dou your , si soumeillabe ,  
Lou sapaté que l'esbeillabe  
En cantan. N'y poudé mé tâ.  
Malhurous dab le sou fourtune ,  
Lou soumeil , à truc de pécune ,  
Qu'aure boulut poude croumpa ,  
Tout com l'abébe é lou minya.  
Un your , pendén qui l'aut cantabe  
Au plei dou cap , que l'escoutabe ;  
É yelous de bede un bilén ,  
Un gusas , bibe tà countén ,  
Holà , s'ou cride , camerade !  
Pibats. Couan gagnats per anade ?  
— Per anade ! perdi , s'ou dits ,  
Atau ne coundi lous proufits.

— Per your? — Per your ! suiban l'ou-  
bratye ,

Tantos mé , tantos meigns , seloun :  
L'aryén bin com lou semelatye .

— Més encouare , couan gagnats dounc ?  
Digats-me le bertat , bagatye .

— Le fe , moussu , qu'am trop de héstes .

Le yén d'eglisi soun lous méstes  
De le yén , com nous , de tribail .

Aha n'en an . — Aça , penail ,  
Héi-m'aqui quouate cabrioles .

Qu'et boui bailla trente pistoles :  
Té , pren-les , é gouaite-les plan .

Lounquemen respoun lou croucan ;  
Chéns les counda , se les amasse ;

Que les baise , que les embrasse .  
Yamés ne s'a bis tan d'aryén .

Gagne ente case , autà countén  
Com si-abé tout l'or de le térre .

Tout chouau les pistoles entérre ,  
É dab eres le sou cansoun ,



Le bone umou, le droumilléire.  
Mé ne parech à le carréire,  
De pou de pérde lou sourroun.  
Quén lou gat le noueit roundeyabe,  
Que credé que quoque lairoun  
Êre dehens, é l'y panabe.  
Tan d'espasmes a, qu'à le fin  
Lou miserable, un bêt matin,  
Pren l'aryén, au richard lou porte.  
Aci qu'ats, s'ou dits, lous ducats.  
Bélzebut lous ausse empourtats !  
N'ets e lous boui en nade sorte :  
Aqui qu'ous ats, com m'ous ats dats.  
Rendets-me lou soumeil, s'eb plats :  
Bone umou, repaus, au mei counde,  
Bau mé que tout l'aryén dou mounde.  
Chéns soupic, é chéns yuste arrei,  
You soui mé countén que lou rei.



F A B L E I V.

*Lou Lioun, lou Loup é lou Renard.*

UN bill lioun fort enréoumat,  
Goutous, crouchit, yuste acabat,  
Per soulatya tan de miséris,  
Purgues, tisanes é cristéris,  
Tout prené : que boulé gouari.  
Yamés rei ne bourre mourì :  
Més tout aco n'es que peguesse.  
Eh, qui pot gouari le billesse ?  
Cependén de tous lous coustats  
Force medecins soun mandats :  
Qu'en y bin de toute mounede ;  
Dequeres yéns y bin, qui den cheque péis ,  
A tous lous malaus qui ban bede,  
Baillen recéptes é abis.  
Doctur renard, de pou d'insulte,  
N'ére présén à le counsulte.

Doctur loup que lou yogue un tour.  
Au princi, per ha le sou cour,  
Sire, s'ou dits, aquet bagatye,  
Aquet pudén qu'a lou couratye  
De ne s'aprocha dou bos llit.  
Si loup abé prou de credit,  
Be lou here chanya de note!  
Aquere caste tà debote,  
Renards n'aimen reis ni segnous:  
Nat n'eb bira touca lou pous.  
Lou lioun, en frouncin le care,  
Anats-me-lou cerca tout are;  
Miats-lou, s'ou dits, garroutat.  
Renard bin; més brigue estounat,  
Sire, s'ou dits, quoque faus frère  
Countre you qu'eb bouté en colére.  
Qu'em bedets chirpous, fautricous:  
Qu'arribi d'un pelerinatye  
Qui-abi bouat au céou pra bous.  
Sapits dounc, que pendén lou biatye,  
Grans medecins éi counsultat,

Yéns abirles en toute sorte.  
Fort d'aryén que m'en a coustat :  
Més per lou rei aco n'importe.  
Touts m'an dit qu'aquere langou  
Eb bin per defaut de calou.  
Le yén bille a quoque goutéire,  
Fluxioun , rhumatisme ou hurléire.  
N'eb cau pas lacha morfoundi :  
Aplicat-bous dessus l'esqui  
Ibe pét de loup toute caute :  
De le car frerats-bous le gaute.  
Aquet remédi qu'es fort dous  
Per toute espéci de doulous ;  
É plan arrehéi le nature  
Arredide , feble é madure.  
L'abis dou renard agradar ,  
L'escuse-pet qu'es escouryat.  
De le pét , ibe camisole  
Que hén per troussa lou malau ;  
É de le car roustide au pau ,  
Lou boun papoun que s'arrigole.

Yéns de cour , en dequeste escole ,  
Aprenets à ne parla mau.



## F A B L E V.

*Les Hemnes é lou Secret.*


UN secret à le hemne es un pes tà terrible ,  
Que d'ou pourta fort louegn à dere es impos-  
sible.

D'omis tabei you séi mantr'un ,  
Qui soun hemnes sus aquet pugn.  
Per espraba le sou balénte ,  
Ibe noueit un certén marit ,  
Ab ere dos à dos au llit ,  
( Fort soun atau ) le buts doulénte ,  
Ah ! s'ou cride , ah ! qu'èi mau de bête.  
Ayude biste , un chic de inéou.  
Qu'em esquissi , n'y puch mé tine. . . .  
A Dìou me dau ! qu'èi héit un éou.  
— Un éou ? — O , un éou , é de bére mine.

Tiets, tout caut aqui que l'abets :  
Espiats-lou plan , si n'at credets.  
Yuste qu'auri héit l'aumelete.  
Amigue , qu'éts aci soulete,  
Cho ! n'en cau ha charibari ;  
Car que m'apéreren gari.  
Nou cregnits , s'ou respoun l'auyole,  
Per qui lou cas ére nabét,  
É qui n'es doutabe dou fét;  
Qu'em counechets , ne soui tà hole  
D'ana den lous couts debisa.  
A you que poudets bous hida.  
Més au pugn dou your , le bagatye  
Que quite lou yas , é qu'enratye  
D'en ha part à le sou besi.  
Tout l'aha le counde à lési ;  
Puch que le dits : Que sits discrete,  
É n'anits souna le troumpete :  
Car si lou marit at sabé ,  
Ne m'at perdounere yamé.  
Eb truffats , s'ou replique l'aute ?

B'em prenets, you crei, per ibe aute !  
Anats, ne debets cregne arrei :  
Lou bos secret sera lou mei.  
Més ni mé ni meigns, le feméle  
Que cou berdura le noubéle  
En mé de déts ou doutze endrets :  
Même au-loc d'un éou que dits tres.  
( Atau lou frut crech é cabeille. )  
Ibe aute coumai qu'en dits chis,  
Tout chouau, cap à cap à l'aureille.  
Lou noumbre d'éous rustém grossich ;  
L'aute pousse enti-à le doutzene ;  
L'aute enti-à trente, é l'aute mé :  
Tan qu'à le fin que pareché  
Qu'en y-abé mé d'ibe centene.





F A B L E   V I.

*Lou Can qui porte au cot lou disna dou Meste.*

RAREMEN chéns tentacioun ,  
Espiam ibe bére feméle.  
Lou gouardién d'un riche sourroun  
N'es tustém un gouardién fidéle.  
De segu , quén toquen aryén ,  
Les mans netes an chic de yén.  
Certén can au cot que pourtabe  
Lou disna dou meste en penén.  
Dab apetit é bone dén ,  
Yamé cependén n'y toucabe.  
Dressat ére de tau faïçoun ,  
A ne minya que quén lou meste  
Lou yitabe au mus quoque réste ,  
Que n'oublidabe le letçoun.  
Meillou hasé que tau persoune  
Que tout tente , é qui s'abandoune



A le crapule , à tan de maus  
Qui ne prenen lous animaus.  
Com dounc atau lou can anabe ,  
Passe un dogue , é de l'ataca.  
Le pitance boulé gaha :  
Més lou barbet , fidèle é brabe ,  
Muche lous cachaus au goulut.  
Que pause ço qui l'empachabe ;  
Plan atacat , plan defendut.  
Bére troupe de mastinaille ,  
D'ahamiats , dequets garrhés ,  
Dequets cans qui cerquen bitaille  
Sus le carréire aux humerés ,  
De sauta biste siou butin.  
Checun en boulé soun boucin.  
Com lou can dounc n'es mé lou méste ,  
Messius , s'ou dits , n'ayim countéste.  
Lachats-me , s'eb plats , ibe part  
De le soupe , dou pan , dou lard ;  
É partatyats-bous tout lou réste.  
L'accord héit atau , lou barbet

Le

Le maye part que pren per et,  
É lou réste de le bitaille  
Qu'ets abandoune à le canaille.  
Lous auts après, de tout estat,  
Mastins, biscoudets, cans de casse,  
Checun tiran dou soun coustat,  
Touts augoun part à le hougasse.  
Qu'em semble bedé magistrats,  
Ab l'ibe é l'aute man crouchude,  
Se yita com cans ahamiats,  
Quén le rénte n'es counechude,  
Sus ibe pile de ducats.  
Plan s'y hén, é maire é yurats,  
É qu'es un plési de lous bedé,  
Ab arrits é prepaus gauyous,  
Es partatya l'aryén. Si quoque scrupulous  
Pren lou partit de le mounede,  
É dits lou mendre mot,  
Que lou hén bedé qu'es un sot.  
Que coumbin dou soun tort chéns pene,  
Espért qu'es lou premé à prene.

## F A B L E   V I I.


*Lou Porc, le Crabe é lou Moutoun.*

U N porc, ibe crabe, un moutoun,  
Sus un medich bros s'en anaben  
Ente le feire. Ne lous miaben  
Atau per bede Pantaloun.  
Cependén lou porc que bramabe  
De le ganurle, com si-abé  
Mé de cén bouchés au darré.  
L'aut couple fort que s'estounabe  
De l'enténe tà hort crida.  
Ets nat mau ne bedén à cregne;  
Anan tustém à bone enseigne,  
A gogo qu'es lachaben mia.  
Lou boué, las de le musique,  
Que dits au porc : Qu'as à crida ?  
Quéigne mousque adare et mouchique ?  
Hastiau, grougnard ! bos te cara ?

Es cau plaigne chéns malaudie ?  
Que n'es com le tou coumpanie ?  
Ets soun tà sayes é tà dous !  
Tu que sembles un arrauyous ,  
Qui n'a ni sens ni counechéne.  
Espie lou moutoun ; a dit un soulet mot ?  
Qu'es com un agnet. Qu'es , respoun lou  
porc , un sot.

Ne m'estoune lou soun silénce.  
Si com you sabé lou soun sort ,  
Que cridere encouare mé hort ;  
É de medich l'aute coumpagne  
N'aure prou de buts per se plaigne.  
Que pensen lous pécs animaüs ,  
Que ne lous mien que p'ous béne :  
You qui bei de louegn lous meis maüs ,  
Que séi que le mort m'es certéne ;  
Puchque ne soui boun qu'à minya.  
Aquet porc cértés resouna  
En persoune abirle é prudente.  
Més que pot serbi le resoun

A qui sén lou mau den lou bête ?  
 Countre le rioule é lou pousoun ,  
 En baguenau l'on que s'assaye :  
 Lou qui n'y pense es lou mé saye.



## F A B L E V I I I .

*L'Ahouc de le Lioune.*

**L**E mouillé dou lioun estan morte d'ac-  
 couches ,  
 Force courriés soun despetchats ,  
 Per aberti de tous coustats ,  
 Animaux de tout péou , hardits , paurucs , fa-  
 rouches ,  
 De bine un tau your à l'ahouc.  
 Grans , petits , enti-au pudén bouc ,  
 S'y rendoun de cheque probinci ,  
 Per aunoura lou do dou princi.  
 Là que s'assemblen ours peluts ,  
 Asous , chibaus , marrous cournuts ,  
 Tigres , renards , élefans , mounes ,

Ab d'autes honéstes persounes.  
Lou rei yasut siou soun sofa ,  
Per rempli le ceremonie ,  
Aux plous , aux crits s'abandouna.  
Atau medich le coumpanie ,  
A le mode dous courisans ,  
Que ploure , cride , ou héi 'semblans.  
Le cour , per dise ço qui pensi ,  
Qu'em semble un péis , oun le yén  
Es remude é bire à tout bén ,  
Sigoun ço qui déou plase au princi.  
Yén semblable au camaléoun ,  
Triste é gauyous tout à d'arroun :  
Yén de grimaces é de mines ;  
Bref , de beritables machines ,  
Qui ban tout com les hén ana.  
Més , per rebine au nos aha ,  
Au miei de le coumune alarme ,  
Lou cérbi ne da nade larme  
A le réne. Qu'es soubiné  
Dou soun hill é de le mouillé ,

---

Esperrecats per le cruële.

Un loup, per lou cerca queréle,

Biste que s'en ba l'escusa.

Un aut à care chimourride,

É qui cret deyà lou minya,

Que dits que l'abé bis arride.

Le coulère dou rei, s'ou 'disé Salomoun,

Es terrible, é sus-tout le dou sire lioun.

Lou cérbi, lous oueils countre tère,

Estudiabe le sou letçoun.

Lioun d'ibe buts de tounérre,

Qu'ou dits : Bagatye, fanfarroun !

Qu'as l'audace de t'en arride ?

Tu qui-éres d'auts cops tà timide,

Qu'et truffes de l'affliccioun

Dou mei puble, é dou rei lioun ?

S'éres digne de ma coulère ....

Binets, loups ; lou rei qu'ets apère.

Benyats le boste réne, é siou soun monimen,

Héts chourrouta lou sang dou maudit gar-  
nimen.

Sire, respoun lou cérbi, un chic de paciéce.

Lou téms é l'ocasioun que dan experiéce.

Aban que l'orde etzecuta,

Degnats, de graci, m'escouta.

Lou bouc bouen serbidou que bedets en présence :

Aci biném ensemble en toute diligéce ;

A tres céns pas dou bos oustau,

Certéne couente qui lou presse,

Qu'ou héi hentra dens un casau.

You cependén marchi chéns césse :

Quén soui daban lou dabantiou,

Qu'at counfessi, mé mort que biou ;

Labets quouate granes candeles,

Mé lusétes que cén esteles,

Que m'en hau bedé slou camin.

Que sabets que ne soui pas brabe :

Com bouli ha lou saut de crabe,

Per gagna lou premé besin,

Un aut espasme que m'arréste ;

É qu'em tin sesit per le téste.

O iv.



Le qui cause hostes doulous,  
Yasude sus un llit de flous,  
Tout d'un cop que m'es parechude,  
É que l'éi d'abord counechude.  
Amic, s'ou'm dits, ne cregnis pas.  
Le tou réne, dés soun trespas,  
Per prêts de les sous bones obres,  
Dret qu'es pibade au paradis.  
Là que passe de douces ores;  
É permi lous sants es gaudis.  
Lache dounc ploura lou toun méste;  
Que bei lou soun do dab plési:  
Més per tu, qu'et pots diberti,  
É courre com en your de héste.  
A pene lous auts animaus  
An entenut aquet oracle,  
Que touts esbaubits dou prepaus,  
Com perguts criden au miracle.  
Lou rei medich qu'arrît, é prenen un toun  
dous,  
Au cérbi coundannat que héi mîle fabous.

Amusats lous reis per bêts sounyes :  
Flatats-lous ab bones mensounyes,  
Tustém qu'abaleran l'encei,  
É quocop qu'ets heran dou bei.

---

F A B L E I X.

*L'Arrat é l'Élefan.*

**T**AU qu'es cret un gran persounatye ,  
Qui n'es , tout au mé , qu'un bagatye.  
Couan de penails hén lous moussus ,  
É de poueitrouns lous Ferragus ?  
Lous Frances soun crème foueitade ,  
Lauyés , pleis de bén com balouns.  
Lous Espagnos soun fanfarrouns ,  
É de hole rodemontade.  
Lous Frances , qu'at dic en dus mots ,  
Brabes soun prou , més fort mé sots.  
You'b bau da de nous un imatye.  
Un pitchoun , un fadouil d'arrat ,

Un élefan abé troubat,  
Dous mé gros, é de haut corsatyé,  
Chéns esta brigue fatigat,  
Le moune, lou can é lou gat,  
É le damiséle é le bille,  
É le maisoun é le famille,  
Tout pourtabe dessus l'esqui.  
Com anabe fort à plési,  
Le yén en foule s'amassabe,  
É tout esbaubit que l'espiabe.  
S'ou dits l'arrat, en se truffan:  
Qu'es dounc ço qui'ts estoune tan?  
Lous grans cos é grans esquipatyés  
Poden espauri lous mainatyés:  
Més bous-autis, qu'es differén.  
Que bedets? ibe lourde masse.  
Més, per tine un chic mé de place,  
Es lou cas de ha l'impourtén?  
Per esta de petite taille,  
Meigns ne s'estime l'arrataille  
Que lous élefans. L'arratoun

*L'Asou é lou Can.*

**L**OUS uns , lous auts cau s'entr'aida :  
 Tau qu'es le lei de le nature.  
 Cependén l'asou s'en truffa :  
 Ê ne séi perqu'et y manqua ;  
 Car qu'es fort bone créature.  
 Per camins com dabe en aban ,  
 Acoumpagnat d'un brabe can ,  
 Ne pensan à le mendre cause ;  
 Pendén qui lou meste ibe pause  
 Siou bord d'un prat s'ére adroumit ,  
 Lou grisoun de haut apetit ,

Libre au mitan de l'érbe fresque ,  
Plan s'en farcibe le bendresque ;  
Car per cardouns, n'en y-abé nat :  
Que s'en ére passat per l'ore :  
É faute de serbi tau plat ,  
Raremen un festin damore.  
Lou praube can tout afflaquit ,  
Com abé tabei apetit ,  
Prégue humblemen lou camcrade ,  
Dou lacha da quoque dentade  
Au pan dou sistou. Chér amic ,  
S'ou lou dits , bachats-bous un chic.  
Chitou , lou roussin d'Arcadie  
Ne l'escoute ni ne l'espie.  
Lou pendard , en aquet mounén ,  
De pou de pérde un cop de dén ,  
Ne sounyc qu'à's pleya le panse.  
Qu'ou dits enfin : B'és bien pressat !  
Quén sera lou méste esbeillat ,  
Qu'et baillera le tou pitance.  
Ne pot pas de segu tarda :

Qu'et counseilli dounc de gouaita  
Qu'ayi finit le sou siéste :  
Prou n'auras après é de réste.  
Com lou goulut parlabe atau ,  
Un loup arribe : en baguenau  
De brama lou praube estupide ;  
Qu'apéré lou can , que lou cride.  
Lou can , chéns branla , qu'ou respoun :  
Coumpai , chér amic , qu'et counseilli ,  
Enri-à que lou méste s'esbeilli ,  
D'et defénde à cop de taloun.  
Qu'és plan herrat ; se ne recule ,  
Arrounce-me-lou sus le gule :  
Baille-me-lou rà bouns santus ,  
Qu'ou boutis de pirles en sus.  
Haut lou pé ! férme , boun , couratye !  
Pendén tout aquet bét lengatye ,  
L'asou , bét é plan estranglat ,  
Augut ço qui-abé meritat.  
Com éi coumençat bau counclure ;  
Yamé prou n'at puch enseгна ;

En tout téms, en toute abenture,  
Lous uns lous auts cau s'entr'aïda.



## F A B L E X I.

*L'Educacioun.*

DUS brois cagnots de bone race,  
De pai, de mai fins cans de casse,  
Chic après qui-éren destitats,  
Per lou sort estoun separats.  
L'un educat à le cousine  
Per bire-pau, lou marmitoun  
Que l'abé noumat Laridoun.  
Laridoun abé bone mine,  
Encouare sousse un chic petit.  
Gras, lifre, redoun, plan naurit,  
Lou couquin à les sous mestresses,  
En despit de fort de ribaus,  
Quén boulé que hasé caresses;  
D'oun binén tan de bire-paus,


De Laridouns , de Laridines ,  
Que le case abé probedit ,  
É toute le bile farcit  
Dequere inyénce. A les cousines  
Touts den l'escurade bibén.  
L'aut rai tout autemen balén ,  
En noble can hasé figure ,  
É courré mantr'ibe abenture.  
Bouns pastis fournibe aux festins ,  
De sangliés , de marcassins.  
Lous cérbis à courre fourçabe :  
Més si , per hasard , caressabe  
Quoque indigne de tà bét sang ,  
Plan l'en biraben. Aquet can  
Ne boulén que deyenerasse .  
En biscoudets , en populace ;  
César l'aperaben. Enfin  
L'educacioun ou lou destin ,  
Hasoun de l'un un franc bagatye ,  
É de l'aut un gran persounatye.  
De nous-auts qu'es atau-medich :





De brois plaps toute marquetade.  
Lou rei le bo per un manchoun,  
Quén sî mort s'entén; hentrats dounc.  
Com madames les mouchetures,  
Moussus aimen les chamarrures.  
Touts hentraben dounc, é bedén;  
Més que sourtiben siou moumén.  
D'aut coustat le moune prechabe,  
Bricolabe é birouleyabe.  
Messius, dicé, biets ente you;  
Qu'eb dibertiréi plan meillou.  
A Guillerot! à Yan-fricasse!  
Que héis cén tours de passe-passe.  
Que soui arre-hill de Bertran,  
Moune dou pape en soun biban.  
En quouate bachéts méste Yile  
Arribe tout fres à le bile.  
Déts cercles que passi d'un saut.  
Lou léopard n'es qu'un nigaud:  
Daban you que bachi l'aureille.  
Qu'ats bis aud'ou péc? ibe peille.

N'a d'aut merite que l'abit :  
You qu'éi le béoutat é l'esprit,  
É que dansi com ibe pampe ,  
Dehore tout com à le crampe.  
Tout lou mounde sera countén ;  
Hentrats dounc , é pourtats aryén.  
Lou mounard tà plan houleyabe ,  
Que le yén à troupes hentrabe ;  
É Yan-léopard , au rebous ,  
Soulet ére com un petous.  
L'esprit bau mé que le figure.  
Couan de grans , com lou léopard ,  
Per tout talén é per tout art ,  
N'an que l'abit é le parure !



## F A B L E    X I I I.

*Le Glan é le Cuye.*

OMIS, animaus, fruts é pech,  
Tout ço qui biou, tout ço qui crech,  
Dìou qu'at héi plan, é qu'es sotise  
D'y trouba quocause à redise.  
Un your, au casau un manan  
Espiahe ibe cuye, en sounyan,  
Per quéigne resoun le nature  
L'abe dade un pé tà petit,  
Que lou mendre limac auscit  
Un frut de tà grosse figure.  
B'es doumatye, é be déou ha do,  
Que n'ayin counsultat Garo.  
S'ére, s'ou disé, pendrillade  
Cabbat un cassou, sigoun you,  
B'es segu qu'estere meillou,  
Que d'esta per térre couchade.

Gran arbre gran frut déou bailla.  
L'esprit plei dequere pensade ,  
Com ne hasé que badailla ,  
Debat un cassou qu'es ba yase.  
Nou calé yumpa per droumi.  
Rounflan com s'ére au llit de case ,  
Birat de pirles sus l'esqui ,  
Ibe glan de l'arbre es destaque;  
Síou naz que lou cat , é qu'ou maque.  
Que s'esbeille, é pourtan le man  
A le care, trobe le glan  
A le barbe , oun s'ére gahade ,  
Dab lou naz yuste en marmelade.  
Labets de tine un aut prepaus.  
( A quocause sérben lous maus. )  
Sembríous , s'ou dits ! si d'abenture  
Ibe cuye grane é plan dure  
M'ére cadude de là-haut ,  
Nat cachau you n'auri de réste.  
Franquemen you soui un nigaut :  
Lacham dounc gouberna lou méste.

F A B L E    X I V .

*L'Ustri é lous Pleitedous.*

**D**U s pelerins passan sus lou bord d'un ri-  
batye ,

Ibe ustri qu'abén rencountrat ,

Que le mareye abé yitat.

Ne semblaben l'espia ; més pourtan au bisatye

Que pareché que tous lous dus

Coundaben s'en freta lou mus.

Com l'un se bache per le prene ,

N'en auras , perdi , pas le pene ,

S'ou lou dits l'aut en lou rougnan.

Lou coumpagnoun , en se biran ,

Cerqu'en auillou , si n'as embeye ,

S'ou respoun , l'ustri qu'es le meye ;

Puchque l'ei biste lou premé.

L'aut : Aban you si tu l'as biste ,


You que l'ei seguide à le piste ,

Pendén qui marchabi darré ,  
É de fort louegn que l'éï sentide.  
Sabs que n'éï le man adroumide ?  
De nade dén n'en tasteras ,  
Ou de segu qu'at pagueras.  
Permi toute aquere countéste ,  
Fort à prepaus sus lou camin  
Passe moussu Perrin-Dandin.  
Dou cas que lou lachen lou méste.  
Que lous escoute , é cependén ,  
Lou bounet siou cap en pagale ,  
Qu'obre l'ustri , é que se l'abale.  
Puch dab un toun de presidén ,  
Qu'ous dits : Prenets, le cour qu'eb baille  
A checun , messius , ibe escaille ,  
Chéns despens ; é bibets en pats.  
Atau d'accord qu'ous a boutats.

. Coundats couan lous procès an roueinat de  
familles ;

Tout ço qu'au your de gouei y despenen le  
yén :

Que beirats que Perrin, halan ent'et l'aryén,  
Ne lache aux pleitedous que lou sac é les  
quilles.



F A B L E    X V.

*Lou Gat é lou Renard.*

D U S Tartuffes, bouns boucadous,  
Gat é renard, com dus saintous,  
Anaben en pelerinatyé.  
Den lou camin, pendén lou biatye,  
Com es le mode dous coucards,  
Qu'es defreyaben lous caffards.  
Dequet couple de fripounaille,  
Pate-peluts, race d'escrocs,  
L'un dabe tour à le pouraille,  
É l'aut bisitabe lous crocs.  
Tustém rapourtaben bitaille,  
A qui mé mé. Com s'en anaben  
Un certén your de boun matin,



Per ne s'anuya p'ou camin ,  
De cause é d'aute que parlaben.  
En boulen ha bale le sou ,  
Touts dus sus lou que si , que nou ,  
Au plei dou cap que disputaben.  
Le dispute b'es plan certén ,  
Es com lou soureil per le biste ;  
Chéns aquere ayude , soubén  
Le coumbérse sere fort triste ,  
É n'y heren que badailla.  
Checun dounc que s'esganurra ,  
É ne finibe le countéste.  
Enfin lou renard dits au gat :  
Respoun-me , garrhé , laque-plat ,  
Per quéign tour es-tu passat méste ,  
Tu qui héis l'abirle é l'adret ?  
Per un , dits lou gat , un soulet ;  
Més qu'es boun , qu'en bau mé de mile.  
Lou péc , s'ou dits l'aut , l'imbecile ,  
De n'abe qu'ibe ruse au sac !  
You qu'ei cén tours au mei bissac ,

É dous mé fins. Sus le dispute,  
Tout d'un cop arribe ibe mute :  
Lous pelerins gagnen au pé.  
Lou gat grimpe sus un nougué ;  
Lou renard drille , birouleye ,  
É héi mé d'un cop le saleye ,  
Ab lous cans tustém au darré.  
D'abord qu'es hique en un terré :  
Un cagnot qu'ou pousse dehore ;  
Saube qui pot ente caphore.  
Quouate cops que boute en defaut  
Diaman, César é Goulifaut ;  
Més Mouricat , à le male-ore ,  
Tan l'acoudille é persequich ,  
Qu'ou gahe , l'escane é l'auscich.  
Trop d'expediéns dan trop de pene :  
Qu'ous assayen tous à d'arroun ;  
Soubén ne saben lou quouau prene.  
N'en cau qu'un , pourbu que si loun.  
Lou gat ens en dau le letçoun.




## FABLE XVI.

*Le Moune é lou Gat.*

**M**OUNE Bertran é gat Ratoun,  
Louryats en mediche maisoun,  
Que serbiben un medich meste.  
Qu'en abén mantr'un rogatoun,  
É bone pitance de réste.  
Cependén lou couple lairoun  
Ne bibé chéns hargne é countéste.  
Quén lou lard manquabe au toupin,  
Ne calé s'en prene au besin.  
Crocs, taulots, buffets, arremaris,  
Tout bisitaben lous coursaris.  
Plan calé sarra lous pastis.  
Le gouye at pagabe : Mitis  
Mot ne disé. L'aut camerade  
Arridé quént ére groundade.  
Un your, com roustiben marrouns,

Au cam dou houec lous dus fripouns  
Seduts siou cu ; haut , dits le moune ;  
Coumpai , aci n'abem persoune  
Qui'ns espiyi , prenem plési.  
L'un après l'aut , tout à lési ,  
Tiram-lous : que soun coueits de réste.  
Muche gouei lou toun sabe-ha :  
Dus proufits y troubam à ha ,  
Bei per nous , é mau per lou méste.  
Si mounes poudén com Ratouns ,  
Cértes bét yoc auren marrouns !  
Més bous-autis , qu'abets le pate  
Héite esprés per lous da le grate.  
Ratoun tout chouau , de-ci , de-là ,  
Tire le brase , é de hala.  
Aitch ! fut , fut ! aitch ! que s'escautabe.  
Bertran cependén lous clucabe.  
Le gouye bin , bet lou fracas :  
A cops d'escoube , à tour de bras ,  
Qu'ous chiscle de tà bone sorte ,  
Que lous baléns gagnen le porte.

Trop countén n'ère lou Ratoun ,  
 De n'abe croucat nat marroun.  
 Atau héi mantr'ibe persoune ,  
 Com lou gat hasé per le moune.  
 Per lou proufit de quoque rei ,  
 Que s'escaute é ne gagne arrei.



## F A B L E   X V I I.

*Lou Pastou é lous Moutouns.*

**T**USTÉM dounc que m'y manquera  
 Qu'auqu'un dequet puble imbecile !  
 É lou loup que m'ous minyera !  
 D'auts cops qu'en abi mé de mile :  
 N'ei mé lou co de lous counda.  
 Per coumble encouare de misère ,  
 Roubin que m'an lachat gaha :  
 Qu'es, hélas ! ço qu'im desespére.  
 Roubin, Roubin, oun-t-és, Roubin ?  
 En baguenau Guillot l'apére.

O , méchan loup ! loup assassin !  
Que m'as héit dou mei chér Roubin ?  
Roubin qui'm seguibé à le file ,  
Quén m'en anabi lou matin ,  
Béne léit é burre per bile.  
Ah , lou praube moutoun Roubin !  
Lou your , le noueit , d'et qu'em soubin.  
Que l'auri miat au houns dou mounde.  
Roubin de cén pas à le rounde ,  
Quén lou chîoulabi , tantecan  
Que s'en biné em baisa le man.  
Roubin , au soun de le flabute ,  
Mantr'un saut é le culebute  
Plan hasé per me diberti.  
Aco es héit , you n'y puch mé tî.  
Que quoque os , ou que le male-hami  
T'estuffi , t'escani , gloutoun ,  
É com tu tout méchan auyami !  
Ah , lou praube Roubin-moutoun !  
Ibe tau orésoun funebre  
A l'aunou dou defun Roubin ,

A yamés l'a rendut celebre.  
Per sauba lous auts , un matin  
Guillot , de dessus ibe croupe ,  
Un bét sermoun héi à le troupe.  
Marrous , s'ou dits , ouilles , moutouns ,  
Perqu'êts tà paurucs , tà poueitrouns ?  
Quén lou pendarl de loup arribé ,  
Perque houeyets tous à le drible ?  
Tinets-bous férmes , lou cap haut ;  
B'en despiti lou goulifaut  
D'en gaha nat. A yén lairoune ,  
Un agnét , le mendre persoune ,  
Que lous héi pou , quén ban pana.  
Touts proumeten de resista ,  
É de ne branla mé qu'un térmi.  
Que l'esclacheram com un bérmi ;  
B'estufferam aquet lairoun ,  
Qui'ns a gahat Roubin-moutoun.  
Guillot , qui lous cret en boun méste ,  
D'ibe érbe tendre com l'arrous ,  
Que regale lous pauricous ,

É qu'ous héi à touts bone heste.  
Més à pene an un chic minyat,  
Lou soureil n'ére pas couchat,  
Que de louegn quocause de sounbre .  
Ban bede ; n'ére sounque ibe ouble.  
Lou premé coumence, bé, bé !  
É lous auts daban é darré,  
Touts à houeye à trubés l'ertatye :  
É Guillot de lous apera ,  
De larga lou can, de crida :  
Éts bous-autis touts en pipiatye ?  
N'es pas arrei ; estancats dounc...  
N'y parech mé cap de moutoun.  
Atau n'es de le sourdataille :  
A le beille d'ibe bataille ,  
Touts proumeten de da bétz pics ;  
De truca d'estoc é de taille :  
Més quén beden lous énemics,  
De-ci, de-là, com moutounaille,  
Que muchen espért lous talouns,  
De pou d'ana dab lous bouhons.



## F A B L E X V I I I.

*Lou Bourdié, lou Can é lou Renard.*

**L**O U loup é lou renard soun de méchans  
besins ;

Ne lous ayits yamés proche de boste case :  
Bau mé'spért n'habita qu'ibe campagne rase.

Aques , un renard s'entén dous mé fins ,  
A toute ore qu'arreguignabe  
Les garis d'un riche bourdié ;  
Més per'co nade n'en gahabe.

Le hami d'un coustat , é de l'aut lou danyé,  
N'éren per lou coumpai un embarras lauyé.

Hens le cour ére le pouraille ,  
A l'apric de bone murraille ;  
É routes les noueits lou bourdié  
Bisitabe lou pouraillé.

Lou can plan hasé sentinéle.  
Qu'es dounc aço , dits lou goulut ?

Pendén

Pendén qu'un bilén pe-pelut  
Hique mounede à l'escarcéle,  
De le pouraille qui-a benut;  
Pendén qui héi bone marmite,  
Noueit é your seréi à cerca,  
Soubén chéns poude ne trouba,  
De que passa le meye bite!  
You renard, you méste passat,  
Si per ne pas mouri de hami,  
Un bill hasan per hasard gahi,  
Com un can que seréi tretat!  
Qu'em barreran au naz le porte!  
B'em benyeréi en quoque sorte!  
Per le mornou, b'em benyeréi!  
Canailles, b'ets estrilleréi!  
L'esprit plei dequere pensade,  
Prenen lou soun téms, lou balén  
Hentre à le cour à l'escurade.  
Tout droumibe, lou can, le yén.

Lou méste, aquere noueit, abé héit le cra-  
cade ;

---

Ques'abé desbroumbat de ha le sou tournade :

Oubért ére lou pouraillé.

Com au matedei lou bouché ,

Lou renard que héi un estatye

De cos sagnous é de carnatye.

Ent'ou bosc que héi mantr'un tour :

Pouills , garis , capouns de le cour ,

Porte en case , é lache lou réste.

Chic après arribe lou meste :

Qu'ére labets lou pugn dou your ;

É beden tout aquet rabatye ,

Que s'en pren aux baillets de ratye ,

É puch au can ; é d'ou crida :

Qu'es clounc atau que héis le garde ?

Ah ! you t'y bau. L'aut chéns branla ,

Meste , à bous qu'es d'y prene garde ,

S'ou respoun ; beillats-y meillou :


Le cause ets toque mé qu'à you.

Lou can certes plan resounabe ;

Més qu'ére un can ; é com parlabe ;

Lou malhurous , resoun ou tort ,

De le gasaille augut lou sort.  
O bous dounc , papai de famille !  
( Dequere aunou ne soui yelous. )  
Prenets garde au bei , à le hille :  
Lou darré tustém couchats-bous ;  
Ayits souén de barra le porte.  
Crede que quén droumits , le yén que beillera ,  
Qu'es cèrtes ibe errou ; lou mounde atau ne ba ,  
Per fini court , qu'en nade sorte ,  
N'ayits per alas impourténs ,  
Procurairis ni counfidéns.



## F A B L E    X I X.

*L'Abare é le Moune.*

ESCUITS sus escuts entassabe  
Un quidam , é tustém hicabe :  
Tout ére plei , n'en abé prou ,  
    Quéigne furou !  
Noueit é your sounyabe à pistoles ,

Q ij

Inutiles soun é friboles ,  
Sacs d'aryén ne balen un cor  
Per qui tin barrat lou tresor.  
Aques , de pou de le bisite  
Dous boulurs , que s'ére loutyat ,  
Per meille dise , empresounat ,  
Resolut de bibe en ermite ,  
Sus ibe arroque de le ma.  
Là noueit é your ére à counda ;  
Més tan mé lous denés coundabe ,  
Tan mé de meigns en y troubabe ,  
Encouare sousse tout soulet.  
Ibe moune mé saye qu'et ,  
Mé counténte que lou soun méste ,  
Per le fernéste  
Lous ducatouns hasé boula  
Cabbat le ma.  
Desesperat ére l'abare.  
Persoune , s'ou dits , enti-adare  
N'es bincut aci : quéign demoun  
Pot dounc m'enlleba lou sourroun ?

Le moune n'ère soupçounade.  
Au cap le bin ibe pensade ,  
( Au cap de le moune s'entén )  
De yita au diable tout l'aryén  
A trubés lou mus de Neptune.  
Autan aimabe lous escuts ,  
É touts lous beis de le fourtune  
Cabbat le ma , com escounuts.  
B'es cêrtes ibe cause rare ,  
Qu'un tau plési ; més cependén ,  
Den l'esprit de mantr'ibe yén ,  
Que suspasse lou de l'abare.  
Atau dounc le moune , en yitan  
L'aryén ab l'ibe é l'aute man ,  
Les péces de quouate pistoles  
Que seran , s'ou dits , per les soles :  
Lous yacobus é lous doublouns ,  
Per lous alots é lous atouns.  
Ducats d'or , mantr'ibe carraque ,  
Com si ne balén qu'ibe claque ,  
Auren pres lou medich camin ,

Si per hasard lou pince-maille  
N'abé hourucat un matin

A le sarraille.

Hép ! lou mounard gagne ente haut ;  
Més que lou calou ha lou saut  
Ente cabbat , ente Neptune.  
A bous qui sarrats le pécune ,  
Insigne abare , goudats-bous  
De quoque accidén mé fachous.

---

F A B L E X X.

*Lou Gat é lous dus Parrats.*

**D**O U nid en hore , un youen parrat  
Élebat ére dab un gat ,  
Qui sourtibe tabei de tite ,  
É de taille encouare petite.  
Tà plan que de dus énemics  
Que debincoun fort bouns amics.  
Lou parrat sus lou gat boulabe ,

É rustém ére à l'agaça.  
Lou gat, lou parrat carreyabe,  
Prenen garde de lou blassa;  
Car qu'es sere héit escrupule  
De lou da nat cop de ferule.  
L'ausét mé hardit ou mé péc,  
En houleyan, à cops de béc,  
Lou mus, lou bente qu'ou chacabe:  
Més lou gat que l'at perdounabe.  
Entre amics atau que cau ha:  
Se diberti chéns se facha.  
Acoustumats de louegn en hore,  
Que bibén com rais, chéns desbats;  
Quént un aut parrat de dehore  
Arriba per troubla le pats.  
Entremi lous dus com se place,  
Coumençan à bagauneya,  
L'aut parrat, yelous, que l'acasse,  
En disen: N'as aci qu'aha.  
Espért s'aluque le queréle.  
Lou boun Mitis, amic fidèle,

Qiv



Beden lou Piérrot en danyé,  
Cat sus lou parrat estranyé.  
Perdi, s'ou dits ! aques bagatyé  
Que bin aci ha l'entenut !  
De per tous lous gats dou hesiatyé,  
B'at pagueras , d'auillou bincut !  
Au moumén qu'ou croque é l'abale,  
É s'ou minye enti-au cap de l'ale.  
Ne séi si le car dou parrat  
A lou gous fin é delicat ;  
Més Ratoun, chéns mé de mistére,  
Que croca tabei lou counfrére.  
Quéigne morale, au bos abis,  
Fournich aço ? Qu'en tout péis  
Houeye cau lou mounde perfide :  
Tan-pis per lou sot qui s'y hide.





## F A B L E X X I.

*Les dibes Crabes.*


Q U É N les crabes soun en pacatyé,  
Un esprit de libertinatye,  
Maugré le pene é lou hasard,  
Les pousse é héi courre à l'escart.  
Com crabes soun fort de mainades :  
Que courren, que prenen abiades  
Per camps, per boscs, noun chéns danyé;  
Quoqu'ibe n'y cat au hagné.  
Dibes dounc dequeres bagatyes  
S'éren anades passeya,  
L'ibe de-ci, l'aute de-là,  
En locs solitaris, saubatyes.  
Sus le noueit, per se retira,  
Qu'es ban yusteimen rencountra,  
Siou bord d'ibe aigue larye é haute,  
Tout bis-à-bis l'ibe de l'aute.

---

Qu'ère questioun de le passa  
Sus ibe planche estrete, oun dibes daune-  
béres,

En marchan coustat à coustat,  
Ab fort de pene auren passat.  
Cau tabei remerqua que les nostes couméres,  
Badudes au péis dous mounts,  
Abén toutes dibes le glori,  
Sigoun ço qui disé l'histori,  
De descénde d'arre-papouns,  
Au téms d'aban nobles gascouns,  
É lous mé fiérs que de memori  
Aussen bis en aquets cantouns.  
Per se disputa le bictori,  
Les dibes hastaben lou pas:  
Siou mitan qu'es trohen de naz.  
Reculats, s'ou dits l'ibe hole.  
Reculats bous-mediche, auyole,  
S'ou respoun l'aute; eh, biste dounc!  
Qu'es à bous d'em ceda lou poun.  
Sus aco coumençan le guérre,

Chens sounya que n'éren à tère,  
A cops de cor, à cops de naz,  
Que caden amasse ente bas.  
Les damiséles cu bagnades,  
Espaurides, yuste anegades,  
Com poden sourtin de l'arriou,  
Es sauben chens se dise adiou.  
Couan de madames an countéste  
Sus lou reng, lou pas é lou réste!  
L'aunou dou salut apartin  
A le preméire qui salude.  
Per le feméle cabourrude,  
Ne cau demanda d'oure bin.




F A B L E   X X I I.

*Lou bill Gat é le youene Sourits.*

UN Rominagrobis de gat  
Ibe sourits abé gahat,  
Qui sourtibe à pene de tite.

Lou mei moussu , dats-me le bite ,  
S'ou lou dits , un chic de pitat.  
Be bedets que soui trop petite  
Per minya le bioque de nat.  
De réste n'aurats , brabe gar ,  
Per bous , é per tout lou bos mounde.  
Ibe aulan qu'em rén toute rounde ;  
Un gran de roumen em naurich.  
Enfin yuste arrei em suffich.  
Prime soui encouare é languide :  
Quén seréi grasse é reboundide ,  
Lous bos enfans , ou bous , segnou ,  
Bone chère herats de you.  
Atau le sourits lou parlabe ,  
É lou matou que l'escoutabe.  
Es dounc à you , praube animau ,  
S'ou respoun , que parlesatau ?  
Gat é bill perdouna ! tan que lou mounde bibi ,  
N'y-a de segu danyé que tau cause l'arribi.  
Autan barre , per coupa court ,  
Que parlasses à quoque ichourt.

Sapis que le meye famille ,  
Prou grane adare , ets acoudille.  
Ne cau sounques lous lacha ha ;  
D'autes ne sauran atrapa.  
Youene sourits ! lou boun regale !  
En deco , cloc ! que se l'abale.  
Lou sens d'aço prou que s'entén.  
Le youenesse , à broye frimouse ,  
Cret poudé obtî tout de le yén ;  
Le billesse es impitadouse.



## F A B L E X X I I I .

*Lou Cérbi malau.*

UN cérbi qu'ére plan malau.  
Paréns , amics , tout lou besiatye ,  
D'abord de courre au soun oustau.  
L'un que lou bo da lou poutatye ;  
L'aut qu'assaye d'ou counsola ;  
Aques héi semblans de ploura.

Eh , s'ou dits ! chéns tan de turmente ,  
Lachats le Parque ha le sou couente ;  
Mé'spért , mé tard , b'em cau mouri.  
Per'co n'es prèssen de parti.  
A le fin le troupe es retire ,  
Noun chéns abe bebut dus cops ,  
S'entén que lou pasteim dou sire ,  
Proche de case é den lous boscs ,  
Tà ras a héit aquere auyami ,  
Que l'a calut mouri de hami.  
Atau dou praube porte-esclops ,  
Com dous grans , hén bone cousine  
É caperans é medecine.  
O téms ! ô mous ! qu'èi bét crida ,  
Tout lou mounde qu'es héi paga.



## F A B L E   X X I V.

*Lou Loup é lou Renard.*

D'OUN bin que si grans , si plebeye ;  
 Checun es plaigh dou soun estat ?  
 Tau n'y-a qui bourre esta sourdat ,  
 A qui lou sourdat porte embeye.  
 Lou renard au loup que disé :  
 Camerade , en aques bilatye  
 You ne puch gaha , tout au mé ,  
 Qu'un bill hasan per tout poutatye ,  
 Quoque poulet sec é languit ,  
 Ou bien quoque salop de guit.  
 Ne puch mé chinha de tau biande.  
 Puch , quén bau daban les maisouns ,  
 Ou s'em beden de quoque bande ,  
 Lous cans , lous fusils , lous bastouns ,  
 É le baletaille é lou meste ,  
 Tan me flamben , qu'en éi de réste ;



Serbitur au praube renard.

Tu, qu'et tins tustém à l'escart,

Plan segu dehens le broussaille,

É que héis fort meille ripaille.

Aça, coumpai, enseigne'm dounc

A gaha quoque boun moutoun;

Quoque betét ou yauste grasse.

Que you sî de le meye race

Lou premé qui n'ayi goustat.

Counde sus you, ne soui ingrat.

Dab plési, dits lou camarade:

Le cause be m'es plan aisade.

Lou mei rai que bin de mourî;

Pelam-lou biste, é sus l'esqui

Que t'affaiteras le sou peille:

N'y-a de segu arrei de meille.

Quént aprocheras dous moutouns,

Lous cans que houeyeran de crénte.

Labets qu'et pleyeras lou bête

Dous mé lifres é mé redouns.

Héit com dit, lou renard qu'es trousse

De

De le pét lou cap é lous pés.  
D'abord le boutte de rebés ;  
Bin cops le desséi é retrousse :  
Tustém l'anabe de trubés.  
( Com ibe daune à le toualete ,  
Bin cops es desséi le cournete,  
Bin cops se desnoude un riban. )  
Are qu'es mau , are qu'es plan :  
Puch le pét prou ne l'aprigabe ,  
Puch trop lounque le carreyabe.  
Tan héi pourtan , daban , darré ,  
Qu'à le fin n'y manque arrei mé.  
Atau mascat , l'escroc infame  
Cat sus un troupét de moutouns :  
É touts de houeye à tire-came ,  
Com ibe troupe de lairouns ,  
Qui-an lous archés à le seguisse.  
Un ne gahe , é qu'ets e l'esquisse  
Siou moumén , prést à lou minya ;  
Quént un hasan dou hesiatye  
Per hasard es boutte à canta.

Lou faus loup , à dequet ramatye ,  
 Auta'spért ent'et que s'en ba ;  
 Yitan le sou raube de classe ,  
 Chéns mé se soubi dous moutouns ,  
 Dou reyén , ni de les letçouns.  
 A que sérb de ha le grimace ?  
 Sim com ém : qu'es illusioun  
 De boule chanya de figure :  
 A le preméire ocasioun  
 Que seguim le noste nature.

F A B L E    X X V.

*Un Ho é un Saye.*

UN certén ho sus le carréire,  
 Que persequibe à cop de péire  
 Un saye , un omi fort sensat.  
 Aques , chéns pareche estounat ,  
 Qu'es bire , é tiran de le potche  
 Un escut , héi signe au gouyat.

L'aut auta biste que s'aproche.  
Té, s'ou dits , que m'as héit plési :  
N'ei pas cértés mé de mounede ;  
Més un moussu que bets aqui ,  
Yite-l'en , qu'auras bone estrene.  
Lou péc gahe un caillau de pes ,  
É bisan moussu lou bouryes ,  
A tour de bras , chéns dise gare ,  
Que l'y-arrounce à trubés le care.  
Aques cop , lou nos insoulén  
Estou pagat d'ibe aute sorte.  
De coumpagnouns ibe cohorte  
Qu'ou cat dessus , é siou moumén  
Qu'ou dan tà plan le remancine ,  
Que mé n'ou baga d'y rebine.  
Lous reis an dab ets de taus hos ;  
Qui plasén , qui lous hén arride  
Aux bos despens. Lous da sious os ;  
Le cause sere trop hardide :  
Ne cau sounques lous engatya  
A's prene à qui pot se benya.

## F A B L E X X V I.

*Lous dus Hasans.*

**L**OUS superbis soun castigats ,  
É le fourtune d'ordinari  
Au bantaire es muche countrari.  
Dus hasans que bibén en pats.  
Bin ibe gari : le queréle  
Arme espért lou couple infidéle.  
Amou ! dou bill Priam le celebre cioutat  
Que sere encouare sus le tэрre ,  
Si per tu n'abincou le guэрre ,  
Oun lous Dìous ets-medichs , pramo d'ibe  
béoutat ,  
Com lous mé chétres de l'armade ,  
Receboun mantr'un cop d'espade.  
Loun-téims nostes yelous hasans  
S'y hasoun , com dus brabes cans ,  
Dou béc é dous pés. Au tapatye

Courrén de routs lous pouraillés,  
Bede lou coumbat dous garrhés.  
Mé d'ibe clouque au bét plumatye  
Estou lou prêts dou mé balén.  
L'aut bergoug nous, l'ale en penén,  
Mé pauruc are qu'ibe caille  
Que persequich lou casedou,  
Qu'es cache debat le broussaille.  
Là routyour beden ab doulou  
Lou fiéri, l'insoulén bagatye,  
A le sou mestresse ha l'amou,  
Qu'es senti rebi lou couratye.  
Lachan dounc lous plous é lou do,  
Lou despit é l'arrauye au co,  
A's rebenya qu'es preparabe.  
Lou héc, les uncles agusabe;  
É s'assayan countre lous béns,  
Que defiabe lous mé baléns.  
N'ére besougn de ran de pene.  
De les sous miasses l'aut chempioun,  
Qui credé n'abe arrei à cregne,

Qu'es truffabe, é dou goryeroun  
Cucurucabe le bictori,  
Les sous amous, é le sou glori;  
Quént un brioc qui l'entené,  
Lou gahe aux oueils dou camerade.  
Adiou le glori, les amous!  
Lou goulut, à bère dentade,  
Que l'esperreque. Les fabous  
Sus lou truffat en recoumpense,  
Com sus le tэрre le soumence,  
Caden à flocs de tous coustats.  
Mouillés qu'a de tous lous estats,  
Qui routes lou hén hэste;  
É per mé de plési,  
Qu'es bet soulet lou méste  
De le broye gari,  
Cause de le countэste.

*F I N.*



# DICCIOUNARIOT

## GASCOUN É FRANCES.

### A

- A** BIAD E , *substantif féminin*, essor.  
Ablada , *verbe actif*, accabler.  
Abreya , *v. a.* mettre à l'abri.  
Abrenouncia , *v. a.* renier, désavouer, ab-  
jurer.  
Acoudilla , *v. a.* poursuivre.  
Accourda , *v. a.* ranger, apparier, accorder.  
A d'arroun , *adverbe*, tour-à-tour, l'un après  
l'autre, sans choix.  
Affait , *s. m.* parure, ornement.  
Afflaquit , *adj. m.* affoibli.  
Agasse , *s. f.* pic, oiseau.  
Aguellade , *s. f.* aiguillon.  
Ahamiat, ade , *adj.* affamé, ée.  
Aherat , *adj. m.* affairé, empressé.  
Ahouc , *s. m.* convoi funebre.  
Ahounit , *adj. m.* recoquillé, rapetissé, en-  
foncé.



- Ahurbi , *v. a.* harceler.  
Ayuda , *v. a.* aider.  
Ayude , *s. f.* aide , secours.  
Alitrat , *ade , adj.* vif , ve , éveillé , ée.  
Alot , *s. m.* espece de rhon.  
Amaina , s'amaina , *v.* orienter , s'orienter ,  
se mettre en assiette.  
Amasse , *adv.* ensemble.  
Amilla , *v. a.* amadoucr.  
Anem , *adv.* allons.  
Anem , cho-mot ! allons , taisez-vous !  
Apreilla , *v. a.* apprêter , *parlant des aliments.*  
Apric , *s. m.* couvert.  
Apriga , *v. a.* couvrir.  
Aqui , *adv.* là.  
Are , ou adare , *adv.* maintenant.  
Ardit , *s. m.* liard.  
Arguméou , *adj. m.* terme injurieux , aigre-  
doux , patelin.  
Arnega , *v. a.* renier , blasphémer.  
Arrai , *s. m.* rayon.  
Arrauye , *s. f.* rage.  
Arrebira , s'arrebira , *v.* retourner , se re-  
tourner.  
Arredit , *ide , adj.* refroidi , ie.  
Arreguigna , *v. a.* regarder du coin de l'œil.

Arre-hill, *s. m.* petit-fils.

Arreye, *s. f.* épine du dos, échine.

Arre-papoun, *s. m.* bisayeul.

Arrepasta, *s'arrepasta*, *v.* repaître, se repaître.

Arrequincat, *adj.* redressé, qui se rengorge.

Arrigoula, *s'arrigoula*, *v.* rassasier, se rassasier.

Arroumits, *s. f.* fourmi.

Arroumicade, *s. f.* fourmillière.

Arroun, *adv.* derechef.

Arrounça, *v. a.* lancer.

Asoué, *s. m.* ânier, ou le conducteur d'un âne.

Aubriste, *s. f.* gratification pour bonne nouvelle.

Aude, *prép.* chez.

Audi, *v.* entendre, écouter.

Auyami, *s. m.* Ce terme s'emploie en bonne & mauvaise part indistinctement, ou pour exprimer la nourriture en général, ou pour désigner toute espèce de créature destructive.

Auyol, *ole*, *adj.* sot, te, simple d'esprit.

Aulan, *s. f.* noisette.

Ausci, *v. a.* tuer.

Aut, *conjunct.* aussi, autant.

Aut'spért, *adv.* aussi-tôt.

## B

Badaila , *v. n.* bâiller.

Badoun , *particule* , or donc.

Baga , *v. n.* avoir le temps de faire quelque chose. *B'ous bagabe de s'y gaha !* bien leur valoit de s'y mettre ! ( au travail. )

Bagatye , *adj.* *Ce terme est générique , & désigne* un homme désordonné , un aventurier , un égrillard , un sans-souci , un vagabond. *On l'emploie aussi en plaisantant , & alors il se prend en bonne part.*

Baguenau , *adj. m.* vaurien. En baguenau , *adv.* en vain.

Balén , *adj.* vaillant , actif , laborieux.

Bande , *s. f.* terme qui marque le lieu. *De toute bande* , de tous côtés. *Per aqueste bande* , par cet endroit-ci.

Barquin , *s. m.* gros soufflet à l'usage des forges.

Barra , *v. a.* fermer.

Barraille , *s. f.* fermeture.

Barreya , *v. a.* répandre çà & là , disperser.

Batsarre , *s. f.* tintamarre.

Beilléou , *adv.* peut-être.

Bén de bau , *s. m.* vent d'ouest , *qui souffle avec violence dans le golfe de Gascogne.*

- Bendresque , *s. f.* entrailles.  
 Benerits , *s. m.* ortolans.  
 Bensill , *s. m.* gros bâton , houlette de berger.  
 Berdura , *v. a.* joncher , répandre de tous côtés.  
 Berdure , *s. f.* jonchée.  
 Bergougne , bergoug nous , *s. & adj.* honte , honteux.  
 Bernic , ique , *adj.* inquiet , te , pointilleux , se.  
 Biahore , *adv.* expression qui marque l'effet d'une clameur qui s'entend au loin.  
 Bich , *s. m.* glu.  
 Billacou , *s. m.* vieillard.  
 Bioque , *s. f.* vivres.  
 Bira , *v. a.* tourner.  
 Bire-pau , *s. m.* tourne-broche.  
 Birouleya , *v. n.* voltiger.  
 Biroulet , *s. m.* soubresaut , saut périlleux.  
 Biscoudet , *s. m.* petit chien , basset.  
 Boucha , *v. a.* frotter , nettoyer.  
 Bouchorle , *s. f.* pustule , tumeur.  
 Boucin , *s. m.* morceau.  
 Boucinot , petit morceau.  
 Boué , *s. m.* conducteur d'une charrette à bœufs.  
 Boueit , eite , *adj.* vuide.  
 Bouhoun , *s. m.* taupe.

---

Bouya , *v. a.* labourer.

Boulegat , *ade, adj.* renversé , ée de fond en comble , mis sens dessus dessous.

Bouquiou , *adj. m.* homme de bon appétit , à qui tous les mets sont indifférents.

Brioc , *s. m.* vautour.

Broi , *ye, adj.* joli , ie.

Broyemen , *adv.* joliment.

Bros , *s. m.* charrette.

Brouste , *s. f.* ronce. *On appelle de ce nom le chou-brocoli.*

Broustic , *s. m.* diminutif de *brouste*.

## C

Cabbat , *adv.* bas , *ente cabbat* , en ou vers le bas.

Cabedéire , *s. f.* torchon.

Cabeilla , *v. n.* se former en épi.

Cabourrut , *ude, adj.* entêté , ée.

Cade , *v. n.* tomber.

Cadeye , *s. f.* chaîne.

Cagne , *s. f.* chienne. *Ce mot marque aussi un excès de paresse.*

Cahute , *s. f.* cellule , échoppe.

Caitous , *adj. m.* rusé.

Calot , *s. m.* somme d'argent qu'on tient en réserve.

- Camelota , *v. a.* entrelacer les jambes.  
 Canebère , *s. f.* roseau.  
 Canet , *s. m.* baguette , ou petit roseau.  
 Caphore , *adv.* dans le lointain.  
 Capbretoun , bourg auprès de Bayonne , sur  
 le bord de la mer , entouré du côté de la  
 terre d'un bois de pins.  
 Capsus , *adv.* fort au-dessus.  
 Care , *s. f.* visage.  
 Cara , *v. n.* taire ; *bos te cara ?* veux-tu te  
 taire ?  
 Carreya , *v. a.* charier , traîner , porter.  
 Carréire , *s. f.* rue.  
 Carrou , *s. m.* charriot.  
 Carreté , *s. m.* chartier.  
 Casau , *s. m.* jardin potager.  
 Case , *s. f.* logis.  
 Chaca , *v. a.* piquer.  
 Chac , *s. m.* coup d'aiguillon , ou de quelque  
 autre instrument pointu.  
 Chalan , *s. m.* espece de bateau.  
 Chalandé , *s. m.* conducteur de *chalan*.  
 Charre , *adj. m. f.* foible , qui a peu de con-  
 sistance.  
 Chas , *s. n.* faix.  
 Chaupi , *v. a.* fouler aux pieds.

- Chenitre, *adj. m. f.* avare à l'excès.  
 Chétre, *adj.* chétif, ive.  
 Chic, *adv.* peu.  
 Chimourrit, *ide*, *adj.* ridé, éé.  
 Chinha, *v. a.* tâter du bout des levres.  
 Chirpous, ouse, *adj.* crasseux, mal-propre.  
 Chiscla, *v. a.* frapper rudement à coups de  
 verge ou de fouet.  
 Chitou, *adv.* en silence.  
 Cho-mot, *façon de parler*, pour dire taiscz-  
 vous.  
 Chope, *s. f.* geole.  
 Choque, *s. f.* linote.  
 Chouau, tout chouau, *adv.* doucement,  
 tout bas, sans bruit.  
 Chourrouta, *v. n.* ruisseler.  
 Clouque, *s. f.* poule-mere.  
 Claque, *s. f.* coquille.  
 Claca, *v. n.* parler à tort et à travers, *par*  
*allusion au bruit des coquilles que l'on re-*  
*mue.*  
 Couente, *s. f.* affaire.  
 Congna, *v. a.* enfoncer.  
 Cout, *s. m.* coin, angle.  
 Cracade, *s. f.* assemblée de buveurs;  
 Creche, *v. n.* croître.

Crouchit, ide , *adj.* courbé , ée de vieillesse.

Cruso , *s. m.* lampe.

Cuye , *s. f.* citrouille.

Cuyon , *s. m.* gourde à l'usage des pèlerins.

*Mouque-cuyon* , expression familière pour désigner un grand buveur.

## D

Dabantiou , *s. m.* avenue.

Dabera , *v. n.* descendre.

Damne , *s. m.* dommage.

D'are-en-là , *adv.* dorénavant.

Darriga , *v. a.* arracher , déraciner.

Daune-bére , *s. f.* belette.

Debisa , *v. n.* jaser.

Den , dens , dehens , *prép.* dans , en.

Dentade , *s. f.* coup de dent.

Delìoura , *v. a.* délivrer.

Desalate , *adj. f.* privée des aîles.

Desbroumba , *v. n.* oublier.

Deschuda , *v. n.* réveiller.

Desparti , *v. a.* partager.

Desséye , *v. a.* défaire , *parlant d'un ouvrage.*

De tire , *adv.* sur le champ.

Dits , *s. m.* doigts , *à truque-dits* , au plus vîte.

Do , *s. m.* deuil.



Drapéire , *s. f.* coëffure à l'usage des femmes du commun.

Driba , *v. n.* dériver , suivre le cours de l'eau.

Dribe , *s. f.* dérive , à le *ðribe* , à vau-l'eau.

## E

Embiscat , *ade* , *adj.* englué , ée.

Engouachat , *ade* , *adj.* saisi , ie , réduit à une espece d'engourdissement par la force de la douleur , ou par la surprise.

Engourgoucit , *ide* , *adj.* engourdi , ie , saisi par le froid.

Engraigns , *s. m.* mignoterics.

Engraignat , *ade* , *adj.* mignoté , ée , *parlant d'un enfant gâté.*

Ente , *prép.* vers , *ent'ere* , vers elle.

Enti-à , *prép.* jusques , *enti-are* , *adv.* jusqu'à présent.

Esbahit , *ide* , *adj.* étonné , ée.

Esbaubir , *ide* , *adj.* enchanté , ée , extasié , ée.

Esbrigailla , *v. a.* briser.

Escaboussa , *v. a.* décapiter.

Escarrabillat , *adj.* éveillé.

Escana , *v. a.* étrangler , étouffer.

Escarcaillat , *adj.* bancroche.

Escarni , *v. a.* contrefaire.

Esclacha ,

- Esclacha , *v. a.* écraser.  
 Escouba , *v. a.* balayer.  
 Escoubill , *s. m.* brosse , vergette.  
 Escoudicat , *ade , adj.* écourté , sans queue.  
 Escoumpeta , s'escoumpeta , *v.* tapir , se tapir.  
 Escoupete , *s. f.* mousqueton.  
 Escounut , *ude , adj.* caché.  
 Escoupit , *s. m.* crachat.  
 Escricat , *ade , adj.* net , nette.  
 Escurade , *s. f.* obscurité.  
 Escuse-pet , *s. m. f.* rapporteur.  
 Esgalauchit , *ide , adj.* contrefait , qui est de travers.  
 s'Esganurra , *v. n.* s'égosiller.  
 Esparbéire , *s. f.* épervier , *espece de filet pour prendre les petits poissons.*  
 Esparboulat , *ade , adj.* étourdi , *ie , par allusion aux oiseaux effarouchés.*  
 Espasme , *s. m.* pâmoison.  
 Espauri , *v. a.* effrayer.  
 Espaurit , *ide , adj.* effrayé , ée.  
 Espera , *v. a.* attendre.  
 Esperreca , *v. a.* déchirer , mettre en pieces.  
 Espért , *adv.* bientôt.  
 Espia , *v. a.* regarder.  
 Esqui , *s. f.* échine.

- Esquiroun , *s. m.* grelot.  
 Esquissa , *v. a.* déchirer.  
 Esquis , *s. m.* déchirure.  
 s'Estanca , *v. n.* s'arrêter , faire halte.  
 Estaquit , *ide* , *adj.* épuisé de forces.  
 Estarit , *ide* , *adj.* desséché.  
 Estirs , *s. m.* tension des nerfs.  
 Estire , *s. f.* espece de torture.  
 Estorce , *s. f.* lutte ; *à les estorces* , à la lutte.  
 Estourmentit , *ide* , *adj.* étourdi , *ie* , par quel-  
     que coup violent.  
 Estrems , *s. m.* les côtés d'une chose ; *p'ous*  
     *estrems* , par les côtés.  
 Estripa , *v. a.* éventrer , *s'estripa* , s'éventrer.  
 Estripat , *ade* , *adj.* éventré , *ée*.

## F

- Fadouil , *adj. m.* fat.  
 Fautrique , *s. f.* boue , fange.  
 Fautricous , *se* , *adj.* couvert de boue.  
 Flac , *que* , *adj.* foible.  
 Flamba , *v. a.* assener , frapper fortement.  
 Flaugnac , *que* , *adj.* flatteur , *se*.  
 Flibot , *s. m.* sorte de navire marchand.  
 Frimouse , *s. f.* mine , ait du visage.  
 Flinga , *v. a.* décocher un coup de fouet.  
 Fort , *adv.* beaucoup.

Fregui , *v. a.* frire.

G

Gahus , *s. m.* hibou.

Gaine , *s. m.* aîne , *ou* le haut de la cuisse.

Gala , *v. n.* boire à longs traits.

Galérne , *s. f.* ouragan.

Ganurle , *s. f.* gosier.

Garrançous , *se* , *adj.* rance ; *au figuré* , inquiet , grondeur.

Gari , *s. f.* poule.

Garrhé , garrhus , *s. m.* mutin , querelleur.

Gatillas , *s. m.* mâchoires.

Gaudi , es gaurli , *v. n.* se réjouir.

Gaute , *s. f.* joue.

Gautimas , *s. m.* soufflet , *ou* coup de poing sur la joue.

Gotchere , *s. f.* bombance.

Gouaita , *v. a.* garder : *il signifie aussi* attendre.

Gouapou , *adj. sub.* grave , *se dit d'un homme dont l'air en impose.*

Gouhi , *v. a.* mitonner.

Goulifaut , *s. adj.* goinfre.

Gourmades , *s. f.* coups.

Gouspilla , *v. a.* tourmenter , persécuter.

Gouyat , *ate* , *s.* jeune garçon , jeune fille.

Gouye , *s. f.* servante.

Gousseiyades , *s. f.* secousses.

Grich , *s. m.* sauterelle.

Guit , *s. m.* canard.

## H

Hardatye , *s. m.* vêtements.

Hart , *te, adj.* rassasié , ée.

Hastiau , *ale, adj.* dégoûtant , incommode.

Hauriouns , *s. m.* coups de poings.

Haute , *s. f.* espece de siege que forme avec  
ses genoux une personne assise.

Hau , *s. m.* forgeron.

Heims , *s. m.* fumier d'étable ou d'écurie.

Henégle , *s. f.* fente.

Hére , *s. m.* maître , seigneur.

Hica , *v. a.* mettre , fourrer.

Hillut , *ude, adj.* gersé , ée.

Hingla , *v. n.* enfler.

Hìou , *s. m.* fil.

Hissoun , *s. m.* *mot générique pour exprimer  
toute espece d'insecte vénimeux.*

Hode , *v. a.* bêcher.

Horbandit , *de, adj.* banni , ie.

Houeite , *s. f.* fuite.

Houhou , *terme injurieux* , vieille sorciere.

Hountan , ( la ) *s. m.* village du Béarn , re-  
nommé pour ses jambons.

Houruca , *v. a.* fouiller , creuser en terre.  
 Huméré , *s. m.* fumier des rues.  
 Hurléire , *s. f.* diarrhée.  
 Hurrupa , *v. a.* fucer.  
 Husét , *s. m.* fuseau.  
 Husére , *s. f.* bouton du fuseau.  
 Hute , *s. f.* barraque.

I

Ichourbi , *v. a.* étourdir à force de crier.  
 Ichuga , *v. a.* essuyer.  
 Ibe , *adj. numéral* , une.

L

Labets , *adv.* alors.  
 Lagas , *s. m.* morpion.  
 Lagot , *s. m.* mare , flaque d'eau.  
 Là-hore , *adv.* là-bas , *parlant d'un lieu éloigné.*  
 Larga , *v. a.* lâcher.  
 Léou , *adv.* promptement.  
 Lén , *s. f.* haleine.  
 Lifre , *adj.* potelé , ée , de bonne mine.  
 Ligno , *s. m.* fil de cordonnier.  
 Limac , *s. m.* limaçon.  
 Limichourt , *adj.* qui ne se donne pas pour  
 entendu , un fin matois.  
 Limiqué , éire , *adj.* délicat , ate.  
 Loums , *s. m.* reins.

Lusi , *v. n.* luire.

## M

Maca , *v. a.* meurtrir.

Mahutre , *adj.* gros lourdaut.

Mainade , *s. f.* jeune fille.

Mainatye , *s. m.* jeune garçon.

Mainatyoun , *s. m.* diminutif de *mainatye*.

Mainatyeia , *v. a.* ménager , économiser.

Malaye ! *prép.* plut à Dieu !

Malestruc , *gue , adj.* gauche , mal-adroit , de triste figure.

Manigat , *de , adj.* qui a du manége , découplé.

Mantr'un , *ibe , plus d'un , plus d'une.*

Marmaille , *s. f.* troupe de petits enfants.

Marrou , *s. m.* bélier.

Matedei , *s. m.* lieu où l'on tue le bétail.

Mâtou , *s. m.* tricot , bâton court & gros.

Maugourdin ! *adv.* sorte d'imprécation.

Maugournayi ! *adv.* la peste soit !

Mé , *adv.* de compar. plus ; *ni mé ni meigs* ,  
ni plus ni moins ; à qui *mé mé* , à l'envi.

Mei , *pron. poss.* mon ; *lou mei* , mon cher ;  
*le meye* , ma chere.

Meitoun , *s. m.* pétrin.

Menchidéou , *adj.* défiant.

Menouns , *s. m.* religieux , moines.

Mesture , *s. f.* sorte de pain fait avec du blé-  
d'Inde , ou d'autres grains mélangés.

Migoun , *s. m. terme enfantin* , mon petit ami.

Miquéou , *s. m. terme injurieux* , à la lettre ,  
Michau.

Mornou ! per le mornou ! *jurement burlesque.*

Mouquirous , se , *adj.* morveux , se.

Mousquerine , *s. f.* roitelet , oiseau.

Moustous , se , *adj.* baveux , se , mousseux , se.

Mus-prim , *s. à la lettre* petite bouche , au  
*figuré* une précieuse.

Moutchourdin , *s. m.* célibataire.

N

Nat , nade , *pron.* aucun , aucune.

Nore , *s. f.* bru , belle-fille.

O

Ouillau , *s. m.* filet pour la chasse.

Ouilles , *s. f.* brebis.

P

Pà , *s. m.* paire , couple.

Pachét , *s. m.* échalas.

Pachlou , *s. m.* embarras.

Pagale , en pagale , *adv.* en désordre , de tra-  
vers. *Ce terme s'applique à tout ce qui n'est*  
*pas dans son assiette naturelle.*

Pampe , *s. f.* poupée.



- Pana , *v. a.* voler , dérober.
- Papegai , *s. f.* perroquet.
- Papoun , *s. m.* ayeul , grand-pere.
- Pareillan , *s. m.* égrillard , camarade , *ou* ,  
*comme on dit* , un compagnon.
- Pari , *v. n.* accoucher.
- Parsoué , éire , *adj.* associé , iée.
- Passeya , *v. n.* promener.
- Pasteim , *s. m.* pâturage , fourrage.
- Patac , *s. m.* coup.
- Pâti , *s. m.* cour intérieure d'une maison.
- Pau , *s. m.* broche.
- Péc , gue , *adj.* sot , te.
- Pedassa , *v. a.* rapiécer.
- Peguesse , *s. f.* sottise.
- Peluca , *v. a.* éplucher.
- Penail , *s. m.* gueux.
- Pendrillat , de , *adj.* à le penénte , en penén ,  
*adv.* pendu , suspendu. *Tous ces termes ont*  
*la même signification , & s'appliquent à*  
*toute chose suspendue : le gaute en penén ,*  
*la joue pendante.*
- Pérne-batut , *adj. m.* renversé sur le dos.
- Perrec , *s. m.* chiffon.
- Pét-bira , *v. a.* culbuter , faire pirouetter.
- Piba , *v. a.* monter.

- Pic , *s. m. synonyme de* chac , piquure.  
 Pignada , *s. m.* forêt de pins.  
 Pioc , *s. m.* poussin.  
 Pingourlat,ade, *adj.* peint de diverses couleurs.  
 Pipiatye , *s. m.* anarchie , confusion , vertige.  
 Pirles , *s. f.* le devant d'une chose. *De pirles en sus* , le visage en haut.  
 Pimpe , *s. f.* morue seche.  
 Pot , *s. m.* baïser. *Ce terme s'applique aussi aux levres.*  
 Pouda , *v. a.* rompre.  
 Pramo , *prép.* à cause.  
 Pregne , *adj. f.* enceinte , *parlant d'une femme.*  
 Pregoun , de , *adj.* profond , de.  
 Prim , *adj.* mince.  
 Prou , *adv.* assez.  
 Prudi , *v. n.* démanger.

Q

- Que , *pron. indécl.* il , elle , ils , elles.  
 Quin , *s. m.* bord. *Siou quin* , sur le bord.

R

- Racaille , *s. f.* la lie du peuple.  
 Rebrouat , de , *adj.* repassé , châtié.  
 Remancine , *s. f.* châtiment , correction manuelle.  
 Reyau , *s. m.* nom d'une petite monnoie.

- Repiba , *v. n.* remonter.  
Rioule *s. f.* fièvre opiniâtre.  
Roubit , de , *adj.* broyé , ée , écrasé , ée.  
Roundeya , *v. n.* faire la ronde.  
Rugle , *s. m.* poisson de mer extrêmement froid au toucher. *D'ou vient la façon de parler des pêcheurs de Bayonne : Qui yéle com le pét dou rugle , pour exprimer un grand froid.*

## S

- Sabre , *adj.* sain , savoureux.  
Sayin , *s. m.* sain-doux ; *ha sayin* , s'engraisser.  
Saleya , *v. n.* se mouvoir en divers sens.  
Saleye , *s. m.* mouvement varié.  
Sanguilla , *v. n.* sautiller.  
Sarraille , *s. f.* serrure.  
Sega , *v. a.* scier.  
Segne , segnou , *s. m.* seigneur.  
Segrat , *s. m.* cimetière.  
Sembrious , *adv.* exclamation burlesque.  
Sencles , *prép.* chacun le sien. *Sencles cops* , chacun son coup.  
Sepeli , *v. a.* ensevelir.  
Sepelit , de , *adj.* enseveli , ie. *Il se prend aussi au substantif pour sépulture.*  
Siéste , *s. f.* sommeil après le repas.

- Sistou , *s. m.* panier à provision.  
 Soulas , *s. m.* soulagement , consolation.  
 Soupïc , *s. m.* souci.  
 Sounques , *prép.* rien que.  
 Sourroun , *s. m. au propre* , sac de cuir , ren-  
 fermant quelque marchandise précieuse ;  
*au figuré* , un trésor.  
 Stribéire , *s. f.* cordelette.

T

- Tabei , *conj.* aussi.  
 Tantecan , *adv.* aussi-tôt.  
 Tapauc , *adv.* non-plus.  
 Tapoussat , *adj.* clos & serré , tapi.  
 Tardagne , *s. f.* araignée.  
 Tarritat , *ade , adj.* en chaleur , *parlant des*  
*animaux.*  
 Toc-à-toc , *adv.* côté à côté.  
 Touгна , *v. a.* coudoyer , *ou* presser du poing.  
 Tourrade , *s. f.* forte gelée.  
 Tourrat , *ade , adj.* totalement gelé , ée.  
 Toursougau , *s. m. au propre* , souche de bois ;  
*au figuré* , un corps mal-bâti.  
 Trabat , *ade , adj.* entravé , ée.  
 Tourteya , *v. n.* boiter.  
 Toupin , *s. m.* pot de grès à faire le potage.  
 Tros , *s. m.* gros morceau.

---

Truc , *s. m.* battement , coup ; à *truc d'aryén* ,  
*adv.* à force d'argent.

Truca , *v. a.* battre.

Truque-taulé , *s. m.* tapageur.

Truffa , *es truffa* , *v.* moquer , se moquer.

Truffes , noun truffes , *adv.* qu'on se moque  
ou non.

Truffandise , *s. f.* moquerie.

Truhan , *adj.* débauché , joueur de profession.

Turmente , *s. f.* tourmente , ou grande tem-  
pête.

# Y

Yas , *s. m.* couchette , lit.

Yase , *es yase* , *v.* coucher , se coucher.

Yasut , *ude* , *adj.* couché , ée.

Yéns com yéns , é tripe ab moustarde ; *pro-  
verbe , dont le sens est , qu'on ne se trouve  
bien qu'avec ses semblables , comme cer-  
tains mets ne sont bons qu'à certaine sausse.*

Younca , *s. m.* terrain marécageux , où il ne  
croît que du jonc.


Yumpa , *v. a.* bercer , balancer.

Yuste , *prép.* presque.

---


A B A Y O U N E ,

De l'Emprimerie de FAUVET-DUHART.



# TABLE

## DE LES FABLES.




### LIBI PREMÉ.

FAB. I. <i>L'E Cigale é l'Arroumits.</i>	1
— II. <i>Lou Courbas é lou Renard.</i>	3
— III. <i>Le Graouille é lou Béou.</i>	5
— IV. <i>Lous dus Mulets.</i>	6
— V. <i>Lou Loup é lou Can.</i>	8
— VI. <i>Le Yauste , le Crabe é l'Aouille , en societat ab lou Lioun.</i>	11
— VII. <i>Le Besace.</i>	13
— VIII. <i>L'Arrat de bile é l'Arrat dous camps.</i>	16
— IX. <i>Lou Loup é l'Agnét.</i>	18
— X. <i>L'Omi é lou soun Imatye.</i>	20
— XI. <i>Lous Lairouns é l'Asou.</i>	23

FAB. XII. <i>Le Mort é l'Escailloun.</i>	25
— XIII. <i>Lou Galan entre dus atyes , é les sous dibes Mestresses.</i>	27
— XIV. <i>Lou Renard é le Cigougne.</i>	29
— XV. <i>Lou Mainatye é lou Meste d'escole.</i>	31
— XVI. <i>Lous Ferelouns é les Abeilles.</i>	34
— XVII. <i>Lou Cassou é le Canebère.</i>	37
— XVIII. <i>Lou Capitou dous Arrats.</i>	40
— XIX. <i>Lou Loup , lou Renard é le Moune.</i>	43
— XX. <i>Lous dus Taus é ibe Graouille.</i>	44
— XXI. <i>L'Égle é l'Escarbot.</i>	46
— XXII. <i>Lou Lioun é lou Mousquit.</i>	50
— XXIII. <i>L'Asou cargat d'espounyes , é l'Asou cargat de sau.</i>	52
— XXIV. <i>Lou Piyoun é l'Arroumits.</i>	55





LIBI SIGOUN.

FAB. I. <i>L E Lèbe é les Graouilles.</i>	57
— II. <i>Lou Hasan é lou Renard.</i>	60
— III. <i>Lou Courbas qui bo ha com l'Égle.</i>	62
— IV. <i>Le Gate mudade en Hemne.</i>	64
— V. <i>Lou Moulié , lou soun Hill é l'Asou.</i>	66
— VI. <i>Lous Membres é lou Bênte.</i>	71
— VII. <i>Lou Lioun é l'Arrat.</i>	74
— VIII. <i>Lou Loup bestit en Auillé.</i>	75
— IX. <i>Les Graouilles qui bolen un Rei.</i>	78
— X. <i>Lou Renard é lou Bouc.</i>	81
— XI. <i>Lou Briac é le Mouillé.</i>	84
— XII. <i>Le Goute é le Tardagne.</i>	86
— XIII. <i>Lou Loup é le Cigouigne.</i>	89
— XIV. <i>Lou Renard é lous Arresims.</i>	91
— XV. <i>Lous Loups é lous Moutouns.</i>	93



FAB. XVI. <i>Lou Lioun bincut bill.</i>	96
— XVII. <i>Le Hemne anegade.</i>	98
— XVIII. <i>Le Daune-bère hens un grayé.</i>	101
— XIX. <i>Lou Lioun amoureux.</i>	103
— XX. <i>L'Asou é lou Cagnot.</i>	105
— XXI. <i>Lou Hagot floutan.</i>	107
— XXII. <i>Lou Renard é lou Masque.</i>	108
— XXIII. <i>Lou Loup , le Crabe é lou Crabot.</i>	109
— XXIV. <i>Paraule de Socrate.</i>	111
— XXV. <i>Lou Pai é lous Hills.</i>	112
— XXVI. <i>L'Abare qui a pergut lou soun tresor.</i>	116
— XXVII. <i>L'Oueil dou Meste.</i>	119



---

LIBI TRESAU.

FAB. I. <i>L O U Pot de hé é lou Pot de</i> <i>terre.</i>	123
— II. <i>Lou Pechot é lou Pesquedou.</i>	126
— III. <i>Lou Renard escoudicat.</i>	128
— IV. <i>Le Daune é les Gouyes.</i>	131
— V. <i>Lou Chibau é lou Loup.</i>	134
— VI. <i>Lou Labouredou é lous souns</i> <i>Enfans.</i>	138
— VII. <i>Le Mountagne qui parich.</i>	140
— VIII. <i>Le Fourtune é lou Mainatye.</i>	142
— IX. <i>Lous Medecins.</i>	144
— X. <i>L'Asou cargat de reliques.</i>	145
— XI. <i>Le Sérp é le Lime.</i>	146
— XII. <i>Lou Lioun anan à le guérre.</i>	148
— XIII. <i>L'Ours é lous dus Counpa-</i> <i>gnouns.</i>	150

FAB. X I V.	<i>L'Asou bestit de le pêt dou Lioun.</i>	153
— X V.	<i>Lou Cassedou é lou Lioun.</i>	155
— X V I.	<i>Lou Hasan , lou Gat é le youene Sourits.</i>	157
— X V I I.	<i>Lou Billacou é l'Asou.</i>	159
— X V I I I.	<i>Lou Cérbi qui s'espie hens l'aigue.</i>	161
— X I X.	<i>L'Asou é lous souns Mèstes.</i>	163
— X X.	<i>Lou Paisan é le Sérp.</i>	165
— X X I.	<i>Lou Cassedou , lou Hali é l'Auserot.</i>	167
— X X I I.	<i>Lou Can qui largue le sou prese per l'oumpre.</i>	169
— X X I I I.	<i>Lou Carreté enhagnat.</i>	170
— X X I V.	<i>Lous Animaux malaus de le pèste.</i>	172
— X X V.	<i>Lou Mau-maridat.</i>	177
— X X V I.	<i>L'Arrat retirat dou mounde.</i>	180
— X X V I I.	<i>Le Gouyate.</i>	183

---

FAB. XXVIII. <i>Le Cour dou Lioun.</i>	186
— XXIX. <i>Lou Coche é le Mousque.</i>	189

---

LIBI QUOUATAU.

FAB. I. <i>L E Léitéire é lou Pot de léit.</i>	193
— II. <i>Lou Curé é lou Mort.</i>	195
— III. <i>Lou Sapaté é lou Financé.</i>	197
— IV. <i>Lou Lioun, lou Loup é lou Renard.</i>	201
— V. <i>Les Hemnes é lou Secret.</i>	204
— VI. <i>Lou Can qui porte au cot lou disna dou Meste.</i>	207
— VII. <i>Lou Porc, le Crabe é lou Moutoun.</i>	210
— VIII. <i>L'Ahouc de le Lioune.</i>	212
— IX. <i>L'Arrat é l'Élefan.</i>	217
— X. <i>L'Asou é lou Can.</i>	219
— XI. <i>L'Educacioun.</i>	222

---

x TABLE DE LES FABLES.

---


FAB. XII. <i>Le Moune é lou Léopard.</i>	224
— XIII. <i>Le Glan é le Cuye.</i>	227
— XIV. <i>L'Ustri é lous Pleitedous.</i>	229
— XV. <i>Lou Gat é lou Renard.</i>	231
— XVI. <i>Le Moune é lou Gat.</i>	234
— XVII. <i>Lou Pastou é lous Moutouns.</i>	236
— XVIII. <i>Lou Bourdié, lou Can é lou Renard.</i>	240
— XIX. <i>L'Abare é le Moune.</i>	243
— XX. <i>Lou Gat é lous dus Parrats.</i>	246
— XXI. <i>Les dibes Crabes.</i>	249
— XXII. <i>Lou bill Gat é le youene Sou- rits.</i>	251
— XXIII. <i>Lou Cérbi malau.</i>	253
— XXIV. <i>Lou Loup é lou Renard.</i>	255
— XXV. <i>Un Ho é un Saye.</i>	258
— XXVI. <i>Lous dus Hasans.</i>	260
<i>Dicciounariot Gascoun é Frances.</i>	263

Fin de le Table,

Eger = 2.2

12.1

12.1



P  
1411  
G222

La Fontaine, Jean de  
Fables choisies de La Fon  
taine en vers grecs

PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---



